

詩故攷異卷七

鄭

鄭譜初宣王封母弟友於宗周畿內咸林之地是為

鄭桓公今京兆鄭縣是其都也為幽王大司徒甚得

周眾與東土之人問於史伯曰王室多故余懼及焉

其何所可以逃死正義自此以下盡可史伯曰其濟

洛河潁之間乎是其子男之國虢郟為大虢叔恃勢

郟仲恃險皆有驕侈怠慢之心加之以貪冒君若以

周難之故寄帑與賄不敢不許是驕而貪必將背君

詩故攷異

卷七 鄭

一

咫聞齋

君以成周之眾奉辭伐罪無不克矣若克二邑鄆蔽

補丹依疇靡華君之土也脩典刑以守之惟是可以

少固正義八國皆在四水之間與虢郟桓公從之言

然之後三年幽王為犬戎所殺桓公死之其子武公

與晉文侯定平王於東都王城正義幽王八年桓公

至十一年幽王被殺并殺桓公鄭人立其子掘突

突是為武公地理志云武公與平王東遷是也卒取

史伯所云十邑之地右洛左濟前華後河食溱洧焉


今河南新鄭是也正義韋昭曰華華國也鄭譜云居

在鄭地故服虔云鄭東鄭古鄭國之地又鄭在東周

畿外鄭因虢郟之國自然亦在畿外鄭發墨守云桓

公國在宗周畿內西都之地盡以賜秦武公初遷亦

在東周畿內及并十邑鬱成大國盟會列於諸侯約



然在畿外故緇衣傳曰諸侯入爲天子卿士是畿外之君稱入也 武公又作卿士國

人宜之鄭之變風又作

案地理志鄭國今河南之新鄭本高辛氏火正祝融之虛也及成皐榮陽潁川之崇高陽城皆鄭分也土陘而險山居谷汲男女巫聚會故其俗淫鄭詩曰出其東門有女如雲又曰溱與洧方濯濯兮士與女方秉菅兮此其風也吳札聞鄭之歌曰美哉其細已甚民弗堪也是其先也乎自武公後二十三世爲韓所滅竹書幽王二年王子多父伐鄭克之乃居鄭父之丘是爲桓公多父即宣王母弟友也

緇衣美武公也父子並爲周司徒善於其職國人宜

之故美其德以明有國善善之功焉父謂武公父桓公也司徒之職掌十二教善善者治之有功也鄭國之人皆謂桓公武公居司徒之官正得其宜正義三章皆是國人宜之美其德之辭也

詩故攷異

卷七 鄭

二

咫聞齋

案禮記好賢如緇衣孔叢子夫子讀詩曰於緇衣見好賢之心至也

緇衣之宜兮敝予又改爲兮適子之館兮還予授子之

絮兮釋文敝本又作弊

傳緇黑色卿士聽朝之正服也改更也有德君子宜

世居卿士之位焉

正義毛以武公作卿士服緇衣國

願王家改爲也考工記三入爲纁五入爲緇七入爲緇此緇衣冠禮所云主人玄冠朝服緇帶素鞶是也諸侯與其臣服之以日視朝故禮通謂此服爲朝服天子與其臣皮弁以日視朝則卿士旦朝于王服皮弁不服緇衣故知是聽朝之正服謂既朝于王適之退適治事之館釋皮弁而服以聽其朝政也

館舍粢餐也諸侯入爲天子卿士受采祿

正義卿士

館舍於畿內有采祿言武公自朝而還我願王家授子采祿也衣王之所賜祿王之所授而言子者其意

願王為然祭
餐釋言文

箋緇衣者居私朝之服也天子之朝

服皮弁服也

正義私朝即館

卿士所之之館在天子之宮如

今之諸廬也自館還在采地之都我則設餐以授之

愛之欲飲食之

正義考工記外有九室九卿朝馬注云外路寢之表九室如今朝堂諸曹

治事之處此言諸廬正謂天子宮內卿士各立曹司有廬舍以治事也言適言還從采邑而適公館從公

館而反采邑也鄭以食為民授之則衣亦民為之以言子者鄭人愛君也

案說文稻重一石為粟二十斗為米十斗曰穀為米六斗大半斗曰粲秬百二十斤也

緇衣之好兮敝子又改造兮適子之館兮還子授子之

粲兮

傳好猶宜也

箋造為也

詩故攷異

卷七 鄭

三

咫聞齋

緇衣之席兮敝子又改作兮適子之館兮還子授子之

粲兮

傳蓆大也

正義釋詁文

箋作為也

韓蓆儲也

釋文

案說文蓆廣多也

緇衣三章章四句

將仲子刺莊公也不勝其母以害其弟弟叔失道而

公弗制祭仲諫而公弗聽小不忍以致大亂焉

莊公之母

謂武姜生莊公及弟叔段段好勇而無禮公不早為之所而使驕慢正義三章皆陳拒諫之辭事見左傳

隱元年傳曰鄭武公娶於申曰武姜生莊公及其叔段愛段欲立之亟請於武公公不許莊公即位為之

請制公曰制巖邑也他邑唯命請京使居之謂之京城大叔祭仲曰都城過百雉國之害也公曰姜氏欲之焉辟害對曰不如早為之所公曰子姑待之案左傳襄二十六年鄭伯為衛侯如晉晉侯言衛侯之罪使叔向告鄭伯子展賦將仲子兮晉侯乃許歸衛侯杜注義取衆言可畏也

將仲子兮無踰我里無折我樹杞豈敢愛之畏我父母

仲可懷也父母之言亦可畏也釋文將七羊反

傳將請也仲子祭仲也踰越里居也二十五家為里

杞木名也折言傷害也正義遂人云五家為鄰五鄰為里陸機疏云杞柳屬生水傍樹如柳葉粗而白色理微赤箋祭仲驟諫莊公不能用其言故

言請固距之無踰我里踰言無干我親戚也無折我

詩故攷異 卷七 鄭 四 思聞齋

樹杞踰言無傷害我兄弟也仲初諫曰君將與之臣

請事之君若不與臣請除之正義左傳此言是公子呂辭箋以為祭仲仲當

亦有此言段將為害我豈敢愛之而不誅與以父母之故

故不為也 懷私曰懷言仲子之言可私懷也我迫

於父母有言不得從也

將仲子兮無踰我牆無折我樹桑豈敢愛之畏我諸兄

仲可懷也諸兄之言亦可畏也

傳牆垣也桑木之衆也 諸兄公族

將仲子兮無踰我園無折我樹檀豈敢愛之畏人之多

言仲可懷也人之多言亦可畏也

傳園所以樹木也檀彊忍之木

正義陸璣疏云檀木皮正青滑澤與繫迷

相似又似駁馬駁馬梓榆里語曰斫檀不諦得繫迷繫迷尚可得駁馬繫迷一名挈榼齊人諺曰上山斫

檀挈榼先彈

將仲子三章章八句

叔于田刺莊公也叔處于京繕甲治兵以出于田國

人說而歸之

繕之言善也甲鑑也正義世本云斫作甲

叔于田巷無居人豈無居人不如叔也洵美且仁

傳叔大叔段也田取禽也巷里塗也箋叔往田國

人注心于叔似如無人處洵信也言叔信美好而

又仁

詩故攷異

卷七 鄭

五

咫聞齋

案白虎通王者諸侯所以田獵何上以供宗廟下以簡集士眾也四時之田總名為田何為田除害也說

文雖里中道篆文作巷

叔于狩巷無飲酒豈無飲酒不如叔也洵美且好

傳冬獵曰狩

正義釋天文

箋飲酒謂燕飲也

叔適野巷無服馬豈無服馬不如叔也洵美且武

箋適之也郊外曰野

正義釋地云郊外謂之牧收外謂之野

服馬猶乘

馬也武有武節

叔于田三章章五句

大叔于田刺莊公也叔多才而好勇不義而得眾也

正義叔負才特眾必為亂階而公不知禁故刺之

大叔于田乘乘馬執轡如組兩驂如舞叔在藪火烈具

舉禮褻暴虎獻于公所將叔無狂戒其傷文上乘釋文上如字下

繩證反無家語作舞藪釋文素口反烈文選注作列禮說文作禮釋文本又作袒將七羊反請也

傳叔之從公田也正義下云獻于公所明公亦與之俱田驂之與服和

諧中節正義如人舞者之中於樂節藪澤禽之府也烈列具俱也

正義釋地說十藪云鄭有圃田此言在藪蓋圃田也藪澤禽獸之所藏故言府也轉烈為列言火有行列

也禮褻肉袒也暴虎空手以搏之正義禮褻肉袒釋訓文李巡曰脫衣

見體孫炎曰袒去衣釋訓又云暴虎徒搏也狂習也箋如組者如織組

之為也在旁曰驂正義織組者總紕於此成文於彼御者執轡於手馬騁於道如織組

為列人持火俱舉言眾同心正義此為宵田故持火照之獻于公

詩故攷異 卷七 鄭 六 咫聞齋

所進於君也 狂復也請叔無復者愛也正義狂復釋文

韓兩驂左右驂驂文選注引薛君章句禽獸居之曰藪釋文

案釋天宵田為燎火田為狩火烈具舉似火田也說文禮肉禮也詩曰禮褻暴虎

叔于田乘乘黃兩服上襄兩驂鴈行叔在藪火烈具揚

叔善射忌又良御忌抑磬控忌抑縱送忌釋文忌音記

傳四馬皆黃 揚揚光也 忌辭也 騁馬曰磬止

馬曰控發矢曰縱從禽曰送正義申說射御之事箋兩服中

央夾轅者襄駕也上駕者言為眾馬之最良也鴈行

者言與中服相次序正義內者為服外者為驂襄駕釋言文曲禮注云鴈行者與之

並差良亦善也忌讀如彼己之子之己

叔于田乘乘鴉兩服齊首兩驂如手叔在藪火烈具臯
叔馬慢忌叔發罕忌抑釋棚忌抑鬯弓忌

鴉釋文音保棚左傳作冰

傳驪白雜毛曰鴉正義釋畜文馬首齊也進止如御者之

手 阜盛也 慢遲罕希也 棚所以覆矢鬯弓弣

弓正義昭二十五年左傳云公徒執冰而踞字雖異音義同服虔云冰積丸蓋杜預云積丸是箭箭鬯

者盛弓之器鬯弓謂弣弓而納之鬯中

箋如人左右手之相佐助也

矢弣弓言田事畢射者蓋

案說文鞬弓衣也鬯鬯古字通

大叔于田三章章十句

詩故攷異

卷七 鄭

七

咫聞齋

清人刺文公也高克好利而不顧其君文公惡而欲
遠之不能使高克將兵而禦狄于竟陳其師旅翱翔
河上久而不召衆散而歸高克奔陳鄭人爲之賦清人公子名
進之不以禮文公退之不以道危國公師之本故作
是詩也好利不顧其君注心於利也禦狄于竟時狄侵衛正義春秋閏二年冬十二月狄入衛鄭棄其師左傳曰鄭人惡高克使帥師次于河上久而不召師潰而歸高克奔陳鄭人爲之賦清人公子名素

清人在彭駟介矍矍二矛重英河上乎翱翔

釋文矍補彭反重直

反龍

傳清邑也彭衛之河上鄭之郊也介甲也正義營軍近河而衛

境亦至河南故云衛之河上鄭之郊謂境為郊也下
消軸皆以為河上地蓋久不得歸師有遷移三地亦
應不甚相遠也四馬被甲 重英牙有英飾也正義以
馳驅救遊旁奄然不息 朱榮為
英飾二牙長短 不同其飾重累

馬也 二牙酋夷牙也各有畫飾正義車上建牙
考工記云酋牙

常有四尺夷牙三尋注云八
尺日尋倍尋日常酋短夷長

案詩地理攷郡國志河南中牟縣有清口水水經注
清池水出清陽亭西南平地東北流逕清陽亭南東
流即故清人城也杜預春秋釋地云中牟縣西有清
陽亭是也釋文方言云牙吳揚江淮南楚五湖之間
謂之鉤或謂之鉞或
謂之縱其柄謂之矜

清人在消駟介庶庶二牙重喬河上乎逍遙喬韓詩作
鶴逍遙釋

文本又
作消搖

詩故攷異

卷七 鄭

八

咫聞齋

傳消河上也也庶庶武貌 重喬累荷也正義釋詁
云喬高也

候人傳曰荷揭也謂此二牙
刃有高中下重累而相負揭

題所以縣毛羽正義矜牙柄室牙之釜孔題識也二
牙上頭皆懸毛羽以題識之似重累

相負

韓二牙重鷩釋文○案說文鷩走鳴長尾雉也乘輿
以為防銑著馬頭上據此則箋云縣毛

羽殆雉羽也釋文又云喬鄭
居橋反雉名是韓鄭同也

案釋文荷舊音何題刻牙頭為荷葉相重累沈胡可
反謂兩牙之飾相負荷題頭也室謂牙頭受刃處解

與正義
不同

清人在軸駟介陶陶左旋右抽中軍作好抽說文
作搯

傳軸河上也也陶陶驅馳之貌 左旋講兵右抽抽

矢以射居軍中爲容好

正義毛以左右中總謂一軍之事左旋以講習兵事在軍

之人皆右手抽矢而射

高克爲將將在軍中

也中軍謂將也高克之爲將久不得歸日使其御者

習旋車車右抽刃自居中央爲軍之容好而已兵車

之法將居鼓下故御者在左

正義箋以左右爲一車之事左謂御者在車左

右謂勇力之士在車右中謂將居車中也此言將之所乘車耳若士卒兵車則闕宮箋所云左人持弓右

人持矛中人御御車不在左也

案說文指拍也土刀切周書曰師乃指指者拔兵刃以習擊刺詩曰左旋右指

清人三章章四句

羔裘刺朝也言古之君子以風其朝焉

言猶道也鄭自莊公而賢

詩故攷異

卷七 鄭

九

咫聞齋

者陵遲朝無忠正之臣故刺之正義經之所陳皆古之君子之事

案左傳昭十六年鄭六卿餞韓宣子子產賦鄭之羔裘宣子曰起不堪也

羔裘如濡洵直且侯彼其之子舍命不渝

韓詩洵作洵其作已渝作

偷釋文舍音赦

傳如濡潤澤也洵均侯君也

正義洵均釋言文侯君釋詁文渝變也

案王肅云舍受也

箋緇衣羔裘諸侯之朝服也言古朝廷

之臣皆忠直且君也君者言正其衣冠尊其瞻視儼

然人望而畏之

正義玉藻云羔裘緇衣以裼之是羔裘必緇衣也士冠禮云主人玄冠朝

服緇帶素鞶注云衣不言色者衣與冠同是緇衣爲朝服也玉藻云諸侯朝服以日視朝故知緇衣羔裘

是諸侯之朝服也以臣在朝廷服此舍猶處也之子羔裘故舉以言君言其有人君之度

是子也是子處命不變謂守死善道見危授命之等

正義刺今無此人

韓恂直且侯傳侯美也釋文彼己之子舍命不偷傳

羔裘豹飾孔武有力彼其之子邦之司直

傳豹飾緣以豹皮也孔甚也正義唐風云羔裘豹袂

皮謂為袂袖也禮君用純物臣下之故袖飾異皮言武勇可禦亂也司主也

羔裘晏兮三英粲兮彼其之子邦之彥兮

傳晏鮮盛貌三英三德也彥士之美稱正義釋訓云美士為

彥彥三德剛克柔克正直也粲衆意正義剛克者

濟之柔克者柔而能以剛濟之正直者不剛不柔每事得中也謂朝多賢臣具此洪範之三德周語稱三

詩故攷異卷七鄭十閱聞齋

女為粲是

案郭璞毛詩拾遺三英粲兮英謂古者以素絲英飾裘即素絲五紵也

羔裘三章章四句

遵大路思君子也莊公失道君子去之國人愚望焉

遵大路兮摻執子之祛兮無我惡兮不寔故也釋文摻

寔布坎反故也一本作故兮後好也亦爾

傳遵循路道摻擊祛袂也正義喪服云袂屬幅祛尺

未寔速也正義釋詁文箋思望君子於道中見之則欲

擊持其袂而畱之子無惡我擊持子之袂我乃以

莊公不速於先君之道使我然

案說文逮居之速爾雅疏舍人云逮意之速不逮故也謂不可速於棄去故舊也蓋以先君之義留之

遵大路兮摻執子之手兮無我魏兮不逮好也魏說文作馭釋

文本亦作款又作馭市由反或云鄭音爲醜好如字或呼報反傳醜棄也正義醜與醜古今字醜惡可棄之物箋言執手者思望之

甚。魏亦惡也好猶善也子無惡我我乃以莊公不

速於善道使我然

案說文馭棄也詩曰無我馭兮

遵大路二章章四句

女曰雞鳴刺不說德也陳古義以刺今不說德而好

色也德謂士大夫賓客有德者正義莊公之時朝廷之上不悅有德之君子故作此詩陳古之賢士

詩故攷異

卷七鄭

士

咫聞齋

好德不好色之義

女曰雞鳴士曰昧旦子興視夜明星有爛將翱將翔弋

鳧與鴈

傳言小星已不見也

閒於政事則翱翔習射

正義別色

之時早朝於君事終閒暇將以習射

箋此夫婦相警覺以夙興言不

畱色也正義士謂古朝廷大夫士也女士皆是自言起節不敢掩畱卽是相警之義明星

尚爛爛然早於別色時正義玉藻說朝之禮別色始入故起又早於別色時弋

繳射也言無事則往弋射鳧鴈以待賓客爲燕具正義繳射謂以繩繫矢而射說文云繳謂生絲爲繩也

案此章言不好色弋射爲燕具以起下章好德也

案釋天明星謂之居明

弋言加之與子宜之宜言飲酒與子偕老琴瑟在御莫不靜好

傳宜肴也正義釋言文李巡曰宜飲酒之肴君子無故不徹琴瑟

主和樂無不安好正義解在御之義曲禮云大夫無故不徹懸士無故不徹琴瑟

箋言我也子謂賓客也所弋之鳧鴈我以爲加豆之

實與君子共肴也正義此又申上弋射之事曲禮云凡進食之禮左肴右胾食居人之

左羹居人之右膾炙處外醢醬處內蔥醢處末酒漿處右注云此大夫士與賓客燕食之禮此燕飲之肴當異於食故用鴈爲加豆也牲

宜乎我燕樂賓客而

飲酒與之俱至老親愛之言也正義箋宜乎者謂宜與賓客燕樂與上別

也○案二章三章言好德也

詩故攷異 卷七 鄭 三 咫聞齋

知子之來之雜佩以贈之知子之順之雜佩以問之知

子之好之雜佩以報之釋文好呼報反

傳雜佩者珩璜琕瑀之類正義說文云珩佩上玉也璜半璧也琕佩

玉名也瑀石次玉也玉藻云佩玉有衝牙注云居中

央以前後觸也則衝牙亦玉爲之其狀如牙以衝突前後

問遺也正義曲禮云凡以弓劍苞苴篚筥問人

去則以送子也與異國賓客燕時雖無此物猶言之

以致其厚意其若有之固將行之士大夫以君命出

使主國之臣必以燕禮樂之助君之歡正義上章不

內賓客此章必是異國古之賢士與異國賓客燕飲設辭以愧謝之親愛有德之甚也聘禮云公於賓一

食再饗大夫於賓一食一饗
饗食尚有之明當燕樂之矣
與已同好 順謂與已和順 好謂

案天戴禮佩玉上有雙衡下有雙璜衝牙玼珠以納
其間瑀瑀以雜之行以采茨趨以肆夏步環中規折
還中矩進則揖之退則
揚之然後玉鏘鳴也

女曰雞鳴三章章六句

有女同車刺忽也鄭人刺忽之不昏于齊大子忽嘗
有功于齊齊侯請妻之齊女賢而不取卒以無大國

之助至於見逐故國人刺之忽鄭莊公世子祭仲逐之而立突正義經二章
皆假言鄭忽實娶齊女與之同車之事以刺之桓六
年傳曰北戎侵齊鄭太子忽帥師救齊大敗戎師公
之未昏於齊也齊侯欲以文姜妻鄭太子忽忽辭及
其敗戎師也齊侯又請妻之固辭此言齊女賢而不

詩故攷異

卷七 鄭

三

咫聞齋

娶謂復請妻者非文姜也

案左傳昭十六年鄭六卿餞韓宣子于旗賦有女同車

有女同車顏如舜華將翱將翔佩玉瓊琚彼美孟姜洵

美且都舜說文作薺

傳親迎同車也舜木槿也

正義士昏禮云婿備婦車授綏是親迎之禮與婦同

車也釋草云椹木槿槿木槿陸璣疏云舜一名木槿
一名椹一名椹齊魯之間謂之王烝五月始華故月
令仲夏
木堇榮 佩有琚瑀所以納閒 孟姜齊之長女都閉

也 箋鄭人刺忽不取齊女親迎與之同車故稱同

車之禮齊女之美 洵信也言孟姜洵美好且閑習

婦禮

案說文藤木莖朝華莫落者詩曰顏如舜華

有女同行顏如舜英將翱將翔佩玉將將彼美孟姜德

音不怠釋文將將七羊反玉佩聲楚辭章句作鏘鏘

傳行行道也英猶華也將將鳴玉而後行箋女

始乘車墻御輪三周御者代墻正義昏義文御者代墻即先道而行引之

以證同道之義不忘者後世傳道其德也

有女同車二章章六句

山有扶蘇刺忽也所美非美然言忽所美之人實非美人正義毛以二章

皆言用臣不得其宜鄭以上章言用之失所下章言養之失所

山有扶蘇隰有荷華不見子都乃見狂且釋文且子餘反

詩故攷異

卷七 鄭

古

咫聞齋

傳興也扶蘇扶胥小木也荷華扶渠也其華菡萏言

高下大小各得其宜也正義今忽置小人於上位置君子於下位是山隰之不如

荷扶渠其華菡萏釋草文子都世之美好者也狂狂人也且辭也正義傳狂人謂昭公言

臣無賢者君又狂醜箋興者扶胥之木生於山

喻忽置不正之人于上位也荷華生于隰喻忽置有

美德者于下位此言其用臣顛倒失其所也正義鄭易傳

人之好美色不往覩子都乃反往覩狂醜之人以興

忽好善不任用賢者反任用小人其意同正義喻忽所美非美

○案鄭亦易傳

山有橋松隰有游龍不見子充乃見狡童釋文橋本作喬毛作橋

王云高也鄭作稿
若老反枯稿也

傳松木也龍紅草也

正義釋草云紅龍古其大者藟
陸機疏云一名馬蓼葉大而赤

白色生水澤中

子充良人也狡童昭公也

正義言臣無忠
良君又昏惠

箋游龍猶放縱也橋

當作

松在山上喻忽無恩澤於

大臣也紅草放縱枝葉於隰中喻忽聽恣小臣此又

言養臣顛倒失其所也

正義箋取
楠游為義

人之好忠良之人

不往覩子充乃反往覩狡童狡童有貌而無實

正義
孫毓

云箋義
為長

山有扶蘇二章章四句

摯兮刺忽也君弱臣彊不倡而和也

不倡而和君臣
各失其禮不相

詩故攷異

卷七 鄭

五

咫聞齋

和倡

案左傳昭十六年鄭六卿
餞韓宣子子柳賦摯兮

摯兮摯兮風其吹女叔兮伯兮倡予和女

釋文和
胡臥反

傳興也摯稿也人臣待君倡而後和

正義七月傳云
摯落也然則落

葉謂之摯此云稿者枯稿乃落木葉待
風吹而後落喻人臣待君倡而後和

叔伯言羣臣

長幼也君倡臣和也

正義又以君意責羣臣
女何不待我倡而和乎

箋稿

謂木葉也木葉稿待風乃落興者風喻號令也喻君

有政教臣乃行之言此者刺今不然 叔伯羣臣相

謂也羣臣無其君而行自以彊弱相服女倡矣我則

將和之言此者刺其自專也叔伯兄弟之稱 正義鄭
下二句

與毛

韓兮韓兮風其漂女叔兮伯兮倡予要女

釋文漂本亦作飄要於遙

反

傳漂猶吹也 要成也

韓兮二章章四句

狡童刺忽也不能與賢人圖事權臣擅命也

權臣擅命祭仲

專也正義桓十一年左傳稱祭仲為公娶鄧曼生昭

公故祭仲立之是忽之前立祭仲專政也其年祭仲

逐忽立突十五年厲公奔蔡祭仲又迎昭公而復立是忽之復立祭仲又專此當是復立時事也

彼狡童兮不與我言兮維子之故使我不能餐兮

傳昭公有壯狡之志

正義解呼昭公為狡童之意

憂懼不遑餐也

詩故攷異

卷七 鄭

去

咫間齋

箋不與我言者賢者欲與忽圖國之政事而忽不能受之故云然

彼狡童兮不與我食兮維子之故使我不能息兮

傳不與賢人共食祿 憂不能息也

狡童二章章四句

襄裳思見正也狂童恣行國人思大國之正己也

狂童

恣行謂突與忽爭國更出更入而無大國正之正義

思得大國之正己欲令去突而定忽也忽是莊公世子於禮宜立故知狂童恣行謂突也忽以桓十一年

立其年九月經書突歸於鄭鄭忽出奔衛是突入而忽出也桓十五年經書鄭伯突出奔蔡鄭世子忽復歸於鄭是忽入而突出也此是忽復立之時桓十五年

年九月鄭伯突入於櫟與忽爭國故思大國之正己也

案左傳昭十六年鄭六卿餞韓宣子子大叔賦褰裳宣子曰起在此敢勤子至於他人乎子大叔拜

子惠思我褰裳涉溱子不我思豈無他人狂童之狂也

且釋文褰或作騫謙釋費鳳碑作舉釋文且子餘反說文溱作澗

傳惠愛也溱水名也狂行童昏所化也正義狂童斥突也其所風化徒眾漸多所以益為狂行作亂不已故思欲告急也

箋子者斥大國之

正卿子若愛而思我我國有突篡國之事而可征而

正之我則揭衣渡溱水往告難也言他人者先鄉

齊晉宋衛後之荆楚狂童之人日為狂行故使我

言此也

案說文澗水出鄭國詩曰澗與溱溱水出桂陽臨武入淮是經文溱當作澗也溱水出潁川陽城山東南

詩故攷異

卷七 鄭

七

咫聞齋

入潁水經注溱水出河南密縣西南馬領山又東過新鄭縣南溱水從西北來注之潱水出鄭縣西北南

入于

子惠思我褰裳涉溱子不我思豈無他士狂童之狂也

且

傳溱水名也士事也正義以其任事謂之為士箋他士猶他

人也大國之卿當天子之上士正義曲禮曰列國之大夫又天子之國曰

某士左傳曰晉韓宣子聘于周王使請事對曰晉士起將歸時事于宰旅是也

褰裳二章章五句

丰刺亂也昏姻之道缺陽倡而陰不和男行而女不

隨昏姻之道謂嫁取之禮正義經陳女悔之辭

子之丰兮俟我乎巷兮悔予不送兮釋文丰方言作姪

傳丰豐滿也巷門外也時有違而不至者箋子

謂親迎者我我將嫁者有親迎我者面貌丰丰然豐

滿善人也出門而待我於巷中悔乎我不送是子

而去也時不送則為異人之色後不得耦而思之

子之昌兮俟我乎堂兮悔予不將兮釋文堂毛如字鄭改作棖直庚反

傳昌盛壯貌正義傳不解堂之義王肅云升于堂以俟士昏禮主人揖賓入于廟主人升堂

西面賓升堂北面奠鴈再拜稽首降出婦從是則士禮受女於廟堂庶人雖無廟亦當受女於寢堂毛無

易字之理故將行也箋堂當為棖棖門榻上木近

邊者正義釋宮云棖謂之闕棖謂之楔將亦送也

詩故攷異卷七鄭

尺咫聞齋

衣錦褻衣裳錦褻裳叔兮伯兮駕予與行

傳衣錦褻裳嫁者之服正義婦人之服不殊裳而經衣裳異文者詩須韻句故別

言叔伯迎己者箋褻禪也蓋以禪縠為之中衣裳

用錦而上加禪縠焉為其文之大著也庶人之妻嫁

服也士妻紵衣纁禪釋文紵側基反或作純又作纁並同正義此女悔前不行白說

音義同士昏禮云女次紵衣纁禪立於房中南面注云次首飾也紵

衣絲衣神緣也言此者以前之悔今則叔也伯也來

迎己者從之志又易也

裳錦褻裳衣錦褻衣叔兮伯兮駕予與歸

丰四章二章章三句二章章四句

東門之墀刺亂也男女有不待禮而相奔者也正義女奔

也男

東門之墀茹蘆在阪其室則邇其人甚遠釋文墀音善蘆力餘反

傳東門城東門也墀除地町町者茹蘆茅蒐也男女

之際近而易則如東門之墀遠而難則如茹蘆在阪

正義毛以墀易登阪難越以興昏姻得禮則易不得禮則難封土謂之墀除地謂之墀茹蘆茅蒐釋草文

李巡曰一名茜可以染絳陸機疏云今之蒿草也邇近也得禮則近不得禮

則遠箋城東門之外有墀墀邊有阪茅蒐生焉茅

蒐之爲難淺矣易越而出此女欲奔男之辭正義箋以墀與

茹蘆在阪連文則是同在一處不宜分之爲二故易傳其室則近謂所欲奔男

詩故攷異

卷七 鄭

充

咫聞齋

之家望其來迎己而不來則爲遠

韓墀猶坦華嚴經音義

東門之栗有踐家室豈不爾思子不我卽踐韓詩作靖又作靜

傳栗行上栗也踐淺也正義栗生路上易取物在室內難取傳亦以難易爲喻也

栗表道樹行謂道也踐淺釋言文卽就也正義謂不以禮就已箋栗而在淺

家室之內言易竊取栗人所啗食而甘者故女以自

喻也案鄭亦易傳我豈不思望女乎女不就迎我而俱去

耳

韓有靖家室靖善也言東門之外栗樹之下有善人

可與成爲室家也太平御覽案藝文類聚靖作靜

東門之墀二章章四句

風雨思君子也亂世則思君子不改其度焉

案左傳昭十六年鄭六卿餞韓宣子子游賦風雨

風雨淒淒雞鳴喈喈既見君子云胡不夷淒淒說文作淒淒

傳興也風且雨淒淒然雞猶守時而鳴喈喈然正義釋言文

雖居亂世不變改其節度 思而見之云何而心不

說 變其鳴 胡何夷說也正義夷悅 箋興者喻君子

案說文淒淒寒也 詩曰風雨淒淒

風雨瀟瀟雞鳴膠膠既見君子云胡不瘳

詩故攷異 卷七 鄭 瘳愈也 咫聞齋

傳瀟瀟暴疾也膠膠猶喈喈也 瘳愈也

風雨如晦雞鳴不已既見君子云胡不喜

傳晦昏也 箋已止也雞不為如晦而止不鳴

風雨三章章四句

子衿刺學校廢也亂世則學校不脩焉鄭國謂學為校言可以按

正道藝正義鄭國不脩學校學者分散或去或留經三章皆陳留者責去者之辭襄三十一年左傳云鄭人游于鄉校是鄭國謂學為校也

青青子衿悠悠我心縱我不往子寧不嗣音衿石經作衿釋文亦

作襟嗣韓詩作詒

傳青青領也學子之所服正義釋器云衣皆謂之襟孫炎曰襟交領也衿

作襟嗣韓詩作詒

與襟音 義同 嗣習也古者教以詩樂誦之歌之絃之舞之

正義縱使我不往彼見子子寧得不來學習音樂乎責其廢業去學誦之謂背文闕誦之歌之謂引聲長

咏之絃之謂以琴瑟播之舞之謂以手足舞之王制云樂正崇四術立四教春秋教以禮樂冬夏教以詩

書文王世子云春誦夏絃太師詔之 箋學子而俱在學校之中已雷

彼去故隨而思之耳禮父母在衣純以青正義深衣云具父母

衣純以青孤子衣純以素 嗣續也女曾不傳聲問我以恩責其忘

己正義箋易傳

韓子寧不詒音詒寄也曾不寄問也釋文

青青子佩悠悠我思縱我不往子寧不來正義玉藻士佩瑀

傳佩佩玉也士佩璫珉而青組綬正義玉藻士佩璫

詩故攷異 卷七 鄭 主 咫聞齋

青者蓋毛讀禮記作青字○案釋文瑤作瑛說文瑛石次玉者不來者言不一來也

挑兮達兮在城闕兮一日不見如三月兮挑說文作史達釋文他未

反 傳挑達往來相見貌乘城而見闕正義釋宮云觀謂之闕孫炎曰宮門

雙闕此言城闕謂城之上別有高闕非宮闕也乘猶登也言禮樂不可一日而廢

正義一日不見此禮樂如三月兮何為廢學而遊觀 箋國亂人廢學業但好

登高見於城闕以候望為樂 君子之學以文會友

以友輔仁獨學而無友則孤陋而寡聞故思之甚正義

鄭下二 句為異 案說文叟滑也詩云叟兮達兮

達行不相遇也詩曰挑兮達兮

子衿三章章四句

揚之水閔無臣也君子閔忽之無忠臣良士終以死

亾而作是詩也

揚之水不流東楚終鮮兄弟維予與女無信人之言人

實廷女

釋文廷求往反又居望反

傳揚激揚也激揚之水可謂不能流漂東楚乎正義

忠臣良士豈不能誅除逆亂乎廷誑也正義言忽既無賢臣多被欺誑

箋激揚之

水喻忽政敎亂促不流東楚言其政不行於臣下正義

箋言實不能流鮮寡也忽兄弟爭國親戚相疑後竟寡於兄

弟之恩獨我與女有耳作此詩者同姓臣也

詩故攷異

卷七鄭

主

咫聞齋

揚之水不流束薪終鮮兄弟維予二人無信人之言人

實不信

傳二人同心也 箋二人者我身與女忽

揚之水二章章六句

出其東門閔亂也公子五爭兵革不息男女相棄民

人思保其室家焉公子五爭者謂突再也忽子廛子儀各一也正義經二章皆陳男思

保妻之辭左傳桓十一年昭公奔衛厲公立是一爭也十五年厲公出奔蔡鄭世子忽復歸于鄭是二爭

也十七年高渠彌弑昭公而立公子廛是三爭也十八年齊人殺子廛祭仲逆鄭子于陳而立之鄭子子儀也是四爭也莊十四年傅瑕殺鄭子而納厲公是五爭也

出其東門有女如雲雖則如雲匪我思存縞衣綦中聊

樂我員

綦說文作縹員釋文音云本亦作云韓詩作魂

傳如雲衆多也

思不存乎相救急

正義被棄衆多不可救拯縹

衣白色男服也綦中蒼艾色女服也願室家得相樂

也正義廣雅云縹細縹也室家即縹衣綦巾之男女也

箋有女謂諸見棄者

也如雲者如其從風東西南北心無有定

匪非也

此如雲者皆非我思所存也

正義以其非己之妻故心不存

巾所爲作者之妻服也時亦棄之迫兵革之難不能

相畜心不忍絕故言且雷樂我員此思保其室家窮

困不得有其妻而以衣巾言之恩不忍斥之綦綦文

也正義箋以此章皆是夫自言妻故易傳云員古今字助句辭

詩故攷異

卷七 鄭

三

咫闡齋

韓聊樂我魂薛君曰魂神也

文選注

案說文縹帛蒼艾色詩曰縹衣縹巾未嫁女所服

出其闥闈有女如荼雖則如荼匪我思且縹衣茹蘆聊

可與娛釋文闥鄭郭音都徐止奢反

傳闥曲城也闈城臺也茶英茶也言皆喪服也

正義

云闈城內重門釋宮云闈謂之臺出謂出城則闈是城上之臺釋草有茶苦菜又有茶萎葉此箋云茶茅

秀乃是茅草秀出之穗非彼二種茶草也茅秀色白言皆喪服色如茶然王肅云見棄又遭兵革之禍故

皆喪服也茹蘆茅蒐之菜女服也娛樂也

箋闈讀當如

彼都人士之都謂國外曲城之中市里也茶茅秀物

之輕者飛行無常正義箋與上章相類爲義匪我思且猶匪我思

存也 茅蒐染巾也聊可與娛且可畱與我爲樂心

欲畱之言也

案釋言闕臺也郭璞曰城門臺釋文孫炎曰闕積土如水渚可以望氣祥也

出其東門二章章六句

野有蔓草思遇時也君之澤不下流民窮於兵革男

女失時思不期而會焉

不期而會謂不相與期而自俱會

案左傳襄二十七年鄭伯享趙孟于垂隴子太叔賦野有蔓草趙孟曰吾子之惠也昭十六年鄭六卿餞韓宣子於郊子養賦野有蔓草

宣子曰孺子善故吾有望矣

野有蔓草零露漙漙兮有美一人清揚婉兮邂逅相遇適

我願兮

漙字林作暈釋文本亦作團徒端反清揚韓詩作青陽子華子作清風婉韓詩作婉又作宛近

詩故攷異

卷七

舌

釋文本亦作漙胡豆反

傳興也野四郊之外蔓延也漙漙然盛多也

正義王肅云草

之所以能延蔓破盛露也民

清揚睂目之閒婉然美

也邂逅不期而會適其時願

正義今君之恩澤不流於下男女失時故思相

遇

箋零落也蔓草而有露謂仲春之時草始生霜

爲露也周禮仲春之月令會男女之無夫家者

正義鄭以

蔓草零露記時

韓清揚婉兮

玉篇

孔子遭齊程木子於郊傾蓋而語終

日顧子路束帛十匹以贈先生子路對曰士不中道

相見女無媒而嫁者君子不行也孔子曰夫詩不云

平野有蔓草零露漙漙兮有美一人青陽宛兮邂逅相遇適我願兮齊程木子天下之賢士也吾於是而不

贈終身不之見也外傳○案左傳及外傳此詩似不涉男女意

案說文邂逅不期而遇也

野有蔓草零露漙漙有美一人婉如清揚邂逅相遇與

子偕臧釋文漙如羊反

傳漙漙盛貌 臧善也

野有蔓草二章章六句

且溱洧刺亂也兵革不息男女相棄淫風大行莫之能

救焉救猶止也亂者士與女合會溱洧之上

詩故攷異

卷七 鄭

五

咫聞齋

溱與洧方渙渙兮士與女方秉蘭兮女曰觀乎士曰既

且且往觀乎洧之外洵訏且樂維士與女伊其相謔贈

之以勺藥渙渙韓詩作洵洵漢書作灌灌蘭漢書作菅洵訏韓詩作洵訏既且釋文音徂往也徐子

反音

傳溱洧鄭兩水名渙渙春水盛也

蘭蘭也

正義陸機疏云

蘭即蘭香草也春秋傳刈蘭而卒楚辭云纫秋蘭孔子云蘭當為王者香草皆是也其莖葉似藥草澤蘭廣而長節節中赤高四五尺漢諸池苑及許昌宮中皆種之可著粉中藏衣著書中辟白魚

也正義釋勺藥香草正義陸機疏云今藥草芍藥無香氣非是也未識今何草

箋仲春之時冰以釋水則渙渙然 男女相棄各無

匹耦感春氣並出託采芴香之草而為淫泆之行

女曰觀乎欲與士觀於寬閒之處既已也士曰已觀矣未從之也洵信也女情急故勸男使往觀於洧之外言其土地信寬大又樂也於是男則往也伊因也士與女往觀因相與戲謔行夫婦之事其別則送女以勺藥結恩情也

韓溱與洧方洵洵兮釋文芎蓮也同傳云詩人言溱與洧方盛流洵洵然謂三月桃花水下之時士與女方

秉蘭兮秉執也當此盛流之時衆士與衆女方執蘭而拂除太平御覽薛君注云鄭國之俗三月上巳之溱洧

兩水之上招魂續魄秉蘭草祓除不祥故詩人願與

詩故攷異

卷七

美

咫聞齋

所說者俱往也後漢書注藝文類聚恂盱且樂恂盱樂貌也釋文

勺藥離草也言將離別贈此草也同上○案上巳祓

之義三月建辰則巳爲除日以除不祥也續漢禮儀志云是月上巳官民皆絮於東流水上曰洗濯祓除去宿垢疾爲大絮絮者言陽氣布暢萬物訖出始絮之矣魏以後不復用巳但用三日見沈約宋書陸堂詩學云

案古今注牛亨問將離相贈以芍藥者何答曰芍藥一名可離故將別以贈之亦猶相招贈之以文無文無亦名當歸也

溱與洧瀏其清矣士與女殷其盈矣女曰觀乎士曰既且且往觀乎洧之外洵訏且樂維士與女伊其將謔贈

之以勺藥釋文瀏音畱說文清兒力九反

傳瀏深貌 殷衆也 箋將大也

溱洧二章章十二句

鄭國二十一章五十三章二百八十三句

附錄偽魯詩傳說。鄭十三篇詩傳云鄭武公養賢而賦緇衣子曰於緇衣見好賢之至也鄭莊公封弟段于京祭足諫之不聽大夫風之賦將仲子大未段多才而好勇鄭人愛之賦未于田段不義而得衆鄭人歸之賦大未鄭世子忽辭昏於齊祭仲諫之賦有女同車公子五爭齊楚交伐鄭國大亂其臣謀欲諫而救之賦籥兮鄭文公使高克禦狄于境不召師潰大夫憂之賦清人鄭靈公棄其世臣而任狂狡子良憂之賦扶胥子良諫用狂狡靈公不聽將去其國賦變秀子良去國不忘諫君賦褻裳鄭靈公好倡國人化。子良譏之賦溱洧子皮爲政忠直文武子產美之賦羔求夫婦相戒以勤生樂善。俗賦出其東門詩雞鳴鄭有貞士宜其。賦。將仲子鄭莊欲陷說云緇衣鄭武公好賢賦詩貽之將仲子鄭莊欲陷

詩故攷異

卷七 鄭

宅

咫聞齋

弟段授以大邑祭仲諫陽拒之大夫原其情而刺之叔于田叔段多才而好勇大夫憂之而作是詩大叔段不義而得衆大夫憂之而作是詩有女同車鄭世子忽辭昏于齊祭足諫之而作是詩籥兮鄭莊公卒公子爭立而齊楚交伐忠臣憂之欲相率獻謀以救其國故作此詩清人鄭文公惡其大夫高克欲遠之而使禦狄于境久而不召師將潰散公子素憂之而作是詩扶胥鄭靈公棄其世臣而任嬖人狂狡子良諫之而作是詩褻裳靈公不聽子良之諫將逐之故作是詩以責狂狡褻裳子良如晉作詩以寓靈公溱洧刺亂也羔裘鄭子皮卒于產思之追頌焉女曰雞鳴夫婦相警戒之辭出其東門鄭之貞士宜其室家不染淫俗而作此詩

詩故攷異卷七終

詩故攷異卷八

東吳徐華嶽輯

齊

齊譜齊者古少皞之世爽鳩氏之墟正義左傳云昔爽鳩氏始居此

地季荊因之有逢伯陵因之周武王伐紂封大師呂

望於齊是謂齊大公地方百里都營丘正義齊世家云呂尚者先

世為四岳封於呂姓姜氏從其封姓故曰呂尚西伯

纘遇於渭之陽與語大悅曰自吾先君太公曰當有

聖人適周周興子真是邪吾太公望子久矣故號之

曰太公望載與俱歸立為太師釋丘云水出其左營

丘孫炎曰今齊之營丘淄水過其南及東是也地理

志云齊郡臨淄縣師尚父所封也臣瓚案臨淄卽營

丘周公致大平敷定九畿復夏禹之舊制成王用周

公之濼制廣大邦國之竟而齊受上公之地更方五

百里其封域東至于海西至于河南至于穆陵北至

于無棣正義大司徒職公五百里齊雖侯爵以大功取上公地也在禹貢青州岱

山之陰濼淄之野正義禹貢云海岱惟青州濼淄其道地理志云濼水出琅邪箕屋山

淄水出泰山其子丁公嗣位於王官正義左傳云熊萊蕪縣源山釋與呂伋王孫

牟鬻父禽父並事康王顧命云命仲桓南宮毛俾後

-5 235 45 935" data-label="Text">

爰齊侯呂伋以虎賁百人逆子釗明為王官也

焉齊人變風始作

五世哀公政衰荒淫怠慢紀侯譖之於周懿王使烹

焉齊人變風始作

案樂記齊者三代之遺聲也齊人識之故謂之齊左

傳吳公子札觀樂為之歌齊曰美哉泱泱乎大風也哉表東海者其太公乎國未可量也封禪書齊所以為齊以天齊也注臨淄城南有天齊泉齊世家自秦

詩故攷異

卷八 齊

一

咫聞齋

山屬之琅邪北被于海膏壤二千里其民闡達多匿
知其天性也地理志齊地虛危之分壑也古有分土
亡分民太公以齊地負海鹵少五穀而人民寡選
勸以女工之業通魚鹽之利而人物輻湊後十四世
桓公用管仲設輕重以富國故其俗彌侈織作冰紈
綺繡純麗之物號為冠帶衣履天下初太公治齊修
道術尊賢智賞有功故其土多好經術矜功名銜緩
闊達而足智其失夸奢朋黨言與行繆虛詐不情其
後為疆臣田和所滅而和自立為齊侯臨
甯海岱之間一都會也其中具五民云

雞鳴思賢妃也哀公荒淫怠慢故陳賢妃貞女夙夜

警戒相成之道焉正義所以思之者以哀公荒淫女
色怠慢朝政此由內無賢妃相警

戒故

韓雞鳴讒人也太平御覽○案
詩攷引作悅人

案孔叢子子曰於雞鳴
見君子之不忘其敬也

詩故攷異

卷八

二

咫聞齋

雞既鳴矣朝既盈矣匪雞則鳴蒼蠅之聲釋文朝
直遙反

傳雞鳴而夫人作朝盈而君作 蒼蠅之聲有似遠

雞之鳴 箋雞鳴朝盈夫人也君也可以起之常禮

正義陳賢妃警戒其
夫之辭是常禮也夫人以蠅聲為雞鳴則起早於

常禮敬也正義書傳說夫人御於君所之禮云太師
奏雞鳴於階下夫人鳴玉佩於房中告去

則雞鳴當待太師告之此說夫
人相警戒不必待告方起也

韓蒼蠅之聲雞遠鳴蠅聲相似太平御覽引
薛君章句

東方明矣朝既昌矣匪東方則明月出之光明說文
作昌

傳東方明則夫人纏笄而朝朝已昌盛則君聽朝正義

士昏禮注纏緇髮纏廣充幅長六尺笄今時簪傳言
首服纏笄以朝君則當身服綃衣也列女傳曰魯師

氏之母齊姜戒其女云平旦見日出之光以爲東方

纒笄而朝則有君臣之嚴

明 箋東方明朝既昌亦夫人也君也可以朝之常

禮君日出而視朝正義玉藻文夫人以月光爲東方明則

朝亦敬也

蟲飛薨薨甘與子同夢會且歸矣無庶子子憎

傳古之夫人配其君子亦不忘其敬 會會於朝音潮

下君也卿大夫朝如字會於君朝聽政夕歸治其家事

無庶子子憎無見惡於夫音符人 箋蟲飛薨薨東方

且明之時我猶樂與子臥而同夢言親愛之無已

詩故攷異 卷八 齊 三 咫聞齋

庶衆也 蟲飛薨薨所以當起者卿大夫朝者且罷

歸故也無使衆臣以我故憎惡於子戒之也正義上言欲君

早起此又述其欲早起之意

雞鳴三章章四句

還刺荒也哀公好田獵從禽獸而無厭國人化之遂

成風俗習於田獵謂之賢閑於馳逐謂之好焉荒謂政事

廢亂正義經三章皆士大夫相答之辭

子之還兮遭我乎狝之間兮並驅從兩肩兮揖我謂我

偃兮還齊詩作營韓詩作嬾乎齊詩作虜狝作嘽漢書注亦作嬾音皆乃高反水經注作猗肩說文作猗

釋文許全反

傳還便捷之貌猗山名 從逐也獸三歲曰肩儂利

也 正義大司馬云大獸公之小獸私之七月云言私其縱獻猗于公則猗是大獸故言三歲曰肩

箋子也我也皆士大夫也俱出田獵而相遭也 並

併也子也我也併驅而逐二獸子則指耦我謂我儂

譽之也譽之者以報前言還也 正義與下茂好昌臧皆是相譽

齊子之營兮遭我虋之閒兮 地理志○案志云臨淄名營丘故齊詩云

云顏師古曰毛詩作還齊詩作營之往也嶼山名言往適營山而相逢於嶼山也爾雅齊曰營州釋文云營者蓋取營丘以為號詩地理

攷云說者以茂也昌也皆地名

韓子之媼兮媼好貌 釋文 遭遇也 音義 獸三歲曰肩

後漢書注 揖我謂我媼兮媼好貌 釋文

詩故攷異

卷八 齊

四

咫間齋

案說文猗山在齊地詩曰遭我于猗之閒兮猗三歲豕肩相及者詩曰並驅從兩猗兮

子之茂兮遭我乎猗之道兮並驅從兩牡兮揖我謂我

好兮

傳茂美也 箋譽之言好者以報前言茂也

子之昌兮遭我乎猗之陽兮並驅從兩狼兮揖我謂我

臧兮

傳昌盛也 狼獸名臧善也 正義釋獸云狼牡獾牝

機疏云其鳴能小能大善為小兒啼聲以誘人去數十步其敏捷者雖善用兵者不能免也其膏可煎和

皮可為裘故禮記狼膺膏又曰君之右虎裘厥左狼裘

箋昌俊好貌

案說文狼似犬銳頭白頰高前廣後

還三章章四句

著刺時也時不親迎也

時不親迎故陳親迎之禮以刺之正義毛以為首章言士

二章言卿大夫卒章言人君鄭以為三章共述人臣親迎之禮

俟我於著乎而充耳以素乎而尚之以瓊華乎而

俟地

作

傳俟待也門屏之間曰著素象瑱

正義釋宮云門屏之間謂之宁著與

宁音義同楚語巴浦之犀犀兕象其可盡乎其又以規為瑱韋昭云瑱所以塞耳言四獸之牙角可以為瑱此言以素

瓊華美石士之服也

正義衣服之飾謂為佩也王肅云以

美石飾象瑱

箋我嫁者自謂也待我於著謂從君子而出至於著君子揖之時也我視君子則以素為

詩故攷異

卷八

齊

五

咫間齋

充耳謂所以縣瑱者或名為統織之人君五色臣則

三色而已此言素者目所先見而云

正義士昏禮壻親迎北面奠鴈

再拜稽首降出婦從降自西階主人不降送是受女

於堂導之以出故此婦從君子而出至著君子揖之下云揖我於庭不言揖我於堂者壻

於堂上拜受即降無揖故不言之尚猶飾也飾之以瓊華者謂縣統之末所謂瑱也人君以玉為之瓊

華石色似瓊也

正義鄭以充耳用素絲為統以懸瓊華之石為瑱也統是懸瑱之繩

案地理志瑛我於著乎而注著地名濟南郡著縣水經注漂水東北逕著縣故城南此解著字與下章庭

宜遵傳箋

俟我於庭乎而充耳以青乎而尚之以瓊瑩乎而

傳青青玉

正義謂以青玉為瑱瓊瑩石似玉卿大夫之服也

箋待我於庭謂揖我於庭時青紬之青也 石色似

瓊似瑩也

俟我於堂乎而充耳以黃乎而尚之以瓊英乎而

傳黃黃玉 瓊英美石似玉者人君之服也 箋黃

紬之黃 瓊英猶瓊華也 正義英華是玉光色

著三章章三句

東方之日刺衰也君臣失道男女淫奔不能以禮化

也 正義毛以為陳君臣盛明化民以禮之事以刺當時之衰鄭則指陳當時君臣不能化民以禮

東方之日兮彼姝者子在我室兮在我室兮履我即兮

傳興也日出東方人君明盛無不照察也姝者初昏

詩故攷異 卷八 齊 六 咫間齋

之貌 正義君昭察下民使之不敢淫奔彼姝者子言親迎之事王肅云言人君之明盛刺今之昏闇

履禮也 正義民皆依禮嫁娶以禮來故就之王肅云言古婚姻之正禮以刺今之淫奔 箋

言東方之日者愬之乎耳有姝妹然美好之子來在

我室欲與我為室家我無如之何也日在東方其明

未融興者喻君不明 正義鄭以有女以男逼己乃詆之昭五年左傳云明而未融其

當曰平服虔云融高也 即就也在我室者以禮來我則就之與

之去也言今者之子不以禮來也 正義假為女拒男之辭

韓東方之日兮彼姝者子詩人言所說者顏色美盛

若東方之日 文選注引薛君章句

東方之日兮彼姝者子在我闈兮在我闈兮履我發兮

釋文闈
他達反

傳月盛於東方君明於上若日也臣察於下若月也

闈門內也發行也箋月以興臣月在東方亦言

不明以禮來則我行而與之去

韓門屏之間曰闈釋女

東方之日二章章五句

東方未明刺無節也朝廷興居無節號令不時挈壺

氏不能掌其職焉號今猶召呼也挈壺氏掌漏刻者

注云主挈壺水以為漏然則挈壺者懸繫之名刻謂

置箭壺內刻以為節而浮之水上令水漏而刻下以

詩故攷異

卷八

七

咫聞齋

東方未明顛倒衣裳顛之倒之自公召之

傳上曰衣下曰裳自從也箋挈壺氏失漏刻之

節東方未明而以爲明故羣臣促遽顛倒衣裳羣臣

之朝別色始入正義玉藻文羣臣顛倒衣裳而朝人又從

君所來而召之漏刻失節君又早興

東方未暉顛倒裳衣倒之顛之自公令之

傳暉是明之始升正義日之光氣始升令告也

折柳樊圃狂夫瞿瞿不能辰夜不夙則莫釋文瞿俱具反莫音暮

傳柳柔脆之木樊藩也圃菜園也折柳以為藩園無

益於禁矣瞿瞿無守之貌古者有挈壺氏以水火分

日夜以告時於朝

正義樊藩釋言文郭璞曰謂藩籬也柳藩無益於禁以喻狂夫不任

挈壺之職狂夫志無所守分日夜則參差不齊告時節則早晚失度故責之也挈壺氏職注云以水守壺者為沃漏也以火守壺者夜則視刻數也分以日夜者異晝夜漏也漏刻之箭晝夜其百刻冬夏則有長短焉太史立成法有四十八箭以一年有二十四氣

每一氣又分為二率七十強半而易一箭也馬融王肅注尚書以為日永則晝漏六十刻夜四十刻日短則晝漏四十刻夜六十刻日中宵中則晝夜各五十刻告時者天子備官挈壺掌漏雞人告

時諸侯兼官不立雞人故挈壺告也

晚也
正義釋訓云

柳木之不可以為藩猶是狂

夫不任挈壺氏之事此言不任其事者恒失節數也

案說文柳小楊也从木卯聲卯古文酉釋文樹菜蔬曰圃太宰注樹果蔬曰圃

東方未明三章章四句

詩故攷異

卷八 齊

八

咫聞齋

南山刺襄公也鳥獸之行淫乎其妹大夫遇是惡作

詩而去之襄公之妹魯桓公夫人文姜也襄公素與淫通及嫁公諱之公與夫人如齊夫人愬

之襄公襄公使公子彭生乘公而盜殺之夫人久留於齊莊公即位後乃來猶復會齊侯于禚于祝丘又

如齊師齊大夫見襄公行惡如是作詩以刺之又非魯桓公不能禁制夫人而去之

南山崔崔雄狐綏綏魯道有蕩齊子由歸既曰歸止曷

又懷止綏綏齊詩作文文

傳興也南山齊南山也崔崔高大也國君尊嚴如南山

崔崔然雄狐相隨綏綏然無別失陰陽之匹蕩

平易也齊子文姜也懷思也正義釋詁文王肅云文姜既嫁於魯適人

矣何為復思與之會而淫乎 箋雄狐行求匹耦於南山之上形

貌綏綏然興者喻襄公居人君之尊而為淫泆之行
其威儀可恥惡如狐 婦人謂嫁曰歸言文姜既以
禮從此道嫁于魯侯也 懷來也言文姜既曰嫁于

魯侯矣何復來為乎非其來也 正義懷來釋言文

齊雒狐父文 玉篇○案詩攷引作齊詩

葛屨五兩冠綏雙止魯道有蕩齊子庸止既曰庸止曷
又從止

傳葛屨服之賤者冠綏服之尊者 庸用也 箋葛

屨五兩喻文姜與姪娣及傅姆同處冠綏喻襄公也
五人為奇而襄公往從而雙之冠屨不宜同處猶襄

詩故攷異 卷八 齊 九 忠聞齋

公文姜不宜為夫婦之道 此言文姜既用此道嫁

於魯侯襄公何復送而從之為淫泆之行

案說文綏系冠纓也

藪麻如之何衡從其畝取妻如之何必告父母既曰告

止曷又鞠止 義釋文本或作藝技藝字耳衡從韓詩作橫中釋文衡音橫從足容反

傳藪樹也衡獵之從獵之種之然後得麻 正義獵是行步踐履

之名衡古橫字衡獵縱獵謂既耕而東西踐躡槩摩之也必告父母廟 正義昭元年左傳楚

公子圍娶於鄭曰圍布几筵告於莊其之廟而來是娶妻有告廟之法 鞠窮也 正義釋言文

其箋樹麻者必先耕治其田然後樹之以言人君取

妻必先議於父母 取妻之禮議於生者卜於死者

此之謂告 鞠盈也魯侯女既告父母而取何復盈

從音令至于齊乎又非魯桓正義鞠盈釋詁文

韓橫由其畝東西耕曰橫南北耕曰由釋文

析薪如之何匪斧不克取妻如之何匪媒不得既曰得止曷又極止

傳克能也 極至也正義釋詁文箋此言析薪必待斧

乃能也 此言取妻必待媒乃得也 女既以媒得

之矣何不禁制而恣極其邪意令至齊乎又非魯桓

南山四章章六句

甫田大夫刺襄公也無禮義而求大功不修德而求

詩故攷異 卷八齊 十 咫聞齋

諸侯志大心勞所以求者非其道也正義求大功者欲求為霸也國

語云齊莊僖於是乎小伯韋昭曰小伯主諸侯盟會襄即莊孫僖子故欲求為霸也

無田甫田維莠驕驕無思遠人勞心忉忉釋文無田音佃驕法言作

傳興也甫大也大田過度而無人功終不能獲正義

謂墾耕下田謂土地無思與無田相對為喻周禮授民田上地家百畝中地家二百畝下地家三百畝過

度謂過此數而廣治田也忉忉憂勞也 箋興者喻人君欲立功

致治必勤身脩德積小以成高大 言無德而求諸

侯徒勞其心忉忉耳

案揚子法言田甫田者莠喬喬思遠人者心忉忉韋昭毛詩答雜問維莠今何草答曰今之狗尾也

無田甫田維莠桀桀無思遠人勞心怛怛

傳桀桀猶驕驕也 怛怛猶怛怛也

婉兮變兮總角卯兮未幾見兮突而弁兮變說文作媯

傳婉變少好貌總角聚兩髦也卯幼稚也弁冠也正義

總聚其髮以爲兩角內則云男女未冠笄者總角衿纓周禮掌冠冕者謂之弁師則弁者冠之大號也

箋人君內善其身外脩其德居無幾何可以立功

猶是婉變之童子少自脩飾卯然而稚見之無幾何

突耳加冠爲成人也正義上二章刺其求大功卒章刺其不能脩德

案說文媯順也詩曰婉兮媯兮方言凡卒相見謂之突

甫田三章章四句

詩故攷異 卷八 齊

咫聞齋

盧令刺荒也襄公好田獵畢弋而不脩民事百姓苦

之故陳古以風焉畢囑也弋繳射也正義用畢以掩兔用弋以射鴈釋天云囑謂之畢郭璞曰掩兔之畢或呼爲囑因星形以名之月令注云網小而柄長謂之畢

盧令其人美且仁令韓詩作洽洽說文作獫狁而獫良之無幾何

傳盧田犬令令纓環聲正義令是環聲之狀環在大頷下如人之冠纓然故

云纓環聲言人君能有美德盡其仁愛百姓欣而奉之愛

而樂之順時游田與百姓共其樂同其獲故百姓聞

而說之其聲令令然正義言古者賢君田獵百姓愛之刺今君田獵百姓苦之

韓盧洽洽詩攷引董氏云

案說文獫狁健也詩曰盧獫狁

盧重環其人美且鬢釋文重直龍反鬢音權

傳重環子母環也正義大環貫一小環鬢好貌箋鬢讀當為

擢擢勇壯也正義箋易傳

案說文鬢髮好也詩曰其人美且鬢

盧重鈿其人美且佻釋文佻七才反

傳鈿一環貫二也正義大環貫二小環佻才也箋才多才也

案說文鈿大鎖也一環貫二者詩曰盧重鈿佻彊力也詩曰其人美且佻

盧令三章章二句

敝笱刺文姜也齊人惡魯桓公微弱不能防閑文姜

使至淫亂為二國患焉

詩故攷異 卷八 齊

士 咫聞齋

敝笱在梁其魚魴鰈齊子歸止其從如雲釋文鰈毛古頑反鄭古魂

反從才用反

傳興也鰈大魚正義陸璣疏云魴今伊洛濟穎魴魚也廣而薄肥恬而少力細鱗魚之美

者遼東梁水魴尤美其鄉語云居就糧梁水魴孔叢子云衛人釣於河得鰈魚焉其大盈車王肅言魯桓

不能制文姜若敝笱不能制大魚也如雲言盛也正義文姜初歸於魯從者庶姜庶士衆多

如雲以此強盛故魯桓不能禁箋鰈魚子也魴也鰈也魚之易制

者然而敝敗之笱不能制興者喻魯桓微弱不能防

閑文姜終其初時之婉順正義鰈魚子釋魚文李巡曰凡魚之子總名鰈鰈鰈

古字通用其從姪娣之屬言文姜初嫁于魯桓之時其從

者之心意如雲然雲之行順風耳後知魯桓微弱文

姜遂淫恣從者亦隨之爲惡

案說文筍曲竹捕魚筍也淮南兵略訓云發筍門高誘曰筍竹筍所以捕魚其門可入而不得出

敝筍在梁其魚魴魴齊子歸止其從如雨釋文魴象呂反廣雅云魴也

傳魴魴大魚

正義陸璣疏云魴似魴厚而頭大魚之不美者故里語曰網魚得魴不如啗菹

如雨言多也

箋魴似魴而弱鱗

如雨言無常天

下之則下天不下則止以言姪娣之善惡亦文姜所

使止

敝筍在梁其魚唯唯齊子歸止其從如水

釋文唯唯維癸反韓詩作

遺

詩故攷異

卷八

齊

三

咫聞齋

傳唯唯出入不制

水喻衆也

箋唯唯行相隨順

之貌水之性可停可行亦言姪娣之善惡在文姜

也

韓其魚遺遺言不能制也

釋文

敝筍三章章四句

載驅齊人刺襄公也無禮義故盛其車服疾驅於通

道大都與文姜淫播其惡於萬民焉

故猶端也正義端謂頭緒也此

故與上爲句非生下之辭

載驅薄薄簞茀朱韜魯道有蕩齊子發夕

釋文薄普各反

傳薄薄疾驅聲也簞方文席也車之蔽曰茀諸侯之

路車有朱革之質而羽飾正義釋器云輿革前謂之

後謂之蔽郭璞曰輶以韋鞮車軾蕭以韋鞮後戶禦

以簞衣軾蔽以簞衣後戶如爾雅之文車飾皆有革

有簞也此蕭蔽為一者彼因革與竹別而異

其實同飾後戶故傳通言之說文云鞞革也

夕發至旦箋此車襄公乃乘焉而來與文姜會

襄公既無禮義乃疾驅其乘車以入魯竟魯之道路

平易文姜發夕由之往會焉曾無慙恥之色

韓發旦也釋文○案焦氏易林齊子

旦夕留連久處義同韓詩

四驪濟濟垂轡瀾瀾魯道有蕩齊子豈弟爾釋文作爾

豈弟鄭讀為

傳四驪言物色盛也濟濟美貌垂轡轡之垂者瀾瀾

詩故攷異卷八 齊

衆也正義校人云凡軍事物馬而頌之法

云物馬齊其力言四言驪物色俱盛

是樂易然箋此又刺襄公乘是四驪而來徒為淫

亂之行此豈弟猶言發夕也豈讀當為闔

弟音開

文尚書以弟為闔音闔明也正義鄭唯豈弟為異說

論卜兆有五曰闔鄭注云闔者色澤光明蓋古文作

弟今文作闔也上言發夕謂初夜即行此言闔明謂

發明而行釋言云愷悌發也舍人李巡孫炎皆云闔

明發行郭璞又引此詩齊子豈弟是闔亦為行之義

也

案釋名轡拂也言牽引拂戾以制馬也說文闔回行

也尚書曰闔闔升雲半有半無案闔字通作拂今本

洪範作驛因聲訛也宋

世家引作涕因形訛也

汶水湯湯行人彭彭魯道有蕩齊子翱翔釋文湯失章

反彭必殉反

傳湯湯大貌彭彭多貌 翱翔猶彷徨也 箋汶水

之上蓋有都焉襄公與文姜時所會

案詩地理攷汶水許氏以爲出琅邪朱虛縣東泰山東至安丘入濰此青州之汶也桑欽以爲出泰山萊蕪縣原山西南入濟此徐州之汶也說者主桑欽義以爲在齊南魯北水經注汶水南逕鉅平縣故城東西南流城東有魯道 詩所謂魯道有蕩

汶水滔滔行人儻儻魯道有蕩齊子遊敖

傳滔滔流貌儻儻衆貌

案說文儻行貌 詩曰行人儻儻

載驅四章章四句

猗嗟刺魯莊公也齊人傷魯莊公有威儀技藝然而

詩故攷異

卷八 齊

五 咫聞齋

不能以禮防閑其母失子之道人以為齊侯之子焉

猗嗟昌兮頤而長兮抑若揚兮美目揚矣巧趨踰兮射

則臧兮

傳猗嗟歎辭昌盛也頤長貌 抑美色揚廣揚好目

揚睂 案上揚爲頤 下揚爲睂 踰巧趨貌 箋昌佼好貌臧善也

正義威儀技藝其美如此而不能防閑其母是可嗟傷也

猗嗟名兮美目清兮儀既成兮終日射侯不出正兮展

我甥兮 名玉篇作顛 正釋文音征

傳目上爲名目下爲清 正義釋訓云目上爲二尺曰名郭璞曰睂眼之間

正據賓射爲文也正大如鴝三分侯廣而正居一焉

侯身長一丈八尺者正方六尺侯身一丈四尺者正
方四尺六寸大半寸侯身一丈者正方三尺三寸少
半寸正以綵畫爲之其外之廣雖則不同其內皆方
二尺射人注云正之言正也射者內志正則能中大
射注云正亦鳥之捷黠者射外孫曰甥正義姊妹之
之難中以中爲俊故取名焉子曰甥言外
孫者王肅云據外祖以言箋成猶備也正所以射於侯中者天

子五正諸侯三正大夫二正士一正外皆居其侯中

參分之一焉正義射人大夫士同射二正今云士一

正誤耳畫五正之侯者中朱次白次蒼次黃玄居外三正者損玄黃展誠也姊妹之子曰甥

二正者去白蒼而畫以朱綠容貌技藝如此誠我齊之甥言誠者拒時人言齊侯

之子

猗嗟變兮清揚婉兮舞則選兮射則貫兮四矢反兮以

詩故攷異 卷八 齊 士 思聞齋

禦亂兮選韓詩作纂貫釋文毛古亂

傳變壯好貌 婉好睂目也 選齊貫中也正義齊

中於正鵠 四矢乘矢 箋選者謂於倫等最上貫習也於樂節

反復也禮射三而止每射四矢皆得其故處此之謂

復射必四矢者象其能禦四方之亂也正義必三而

射初使三耦射之而未釋獲射訖君與卿大夫等射釋獲飲不中者訖君與卿大夫等又射取中於樂節

注云君子之於事也始取苟能中課有功終用成法教化之漸也

韓舞則纂兮言其舞則應雅樂也文選注引四矢變

兮變易也釋

猗嗟三章章六句

齊國十一篇三十四章百四十三句

附錄偽魯詩傳說○齊十三篇詩傳云齊大夫相戒以勸于公賦東方未明襄公好田大夫風之賦盧齊俗習于田賦營公子小白適莒齊人慕之賦手魯桓公會襄公于濼遂與夫人姜氏如齊齊人刺之賦敝筍襄公留姜氏于齊魯桓公不能制齊人刺之賦南山襄公伐衛姜氏會之于師齊人刺之賦載毆魯莊公會齊大夫狩于禚齊人譏之賦風雨桓公好內衛姬箴之仲以匡天下齊人美之賦風雨桓公好內衛姬箴之賦雞鳴莊公無禮齊人刺之賦東方之日景公欲求諸侯大夫風之賦甫田齊俗昏禮不窺君子譏之賦著詩說云東方未明齊大夫相戒以勸于公故作此詩盧齊襄公好田君子諷之而作是詩營齊俗好田君子刺之丰襄公無道卽位之四年公弟小白避之莒齊人慕之而作是詩敝筍魯桓與夫人姜如齊而襄公通焉齊人刺之南山襄公久留文姜齊人刺之載毆齊襄納衛朔抗王人魯人從之文姜歸齊以搞師齊人刺之猗嗟魯莊公朝于齊遂及齊大夫狩禚齊人刺之風雨齊桓得管仲以爲相齊人喜之而

詩故攷異

卷八 齊

七

咫聞齋

作是詩雞鳴齊衛姬勸桓公以勤政故作此詩東方之日齊莊公好女樂君子譏之甫田齊景公急於圖霸大夫諷之著齊俗廢親迎之禮君子譏之

詩故攷異卷八終

詩故攷異卷九

東吳徐華嶽輯

魏

魏譜魏者虞舜夏禹所都之地正義地理志云河東郡有河北縣詩魏國

也皇甫謐云舜都蒲坂禹都安邑皆屬河東在禹貢冀州雷首之北析城

之西周以封同姓焉正義襄二十九年左傳云虞虢焦滑霍楊韓魏皆姬姓其

封域南枕河曲北涉汾水正義地理志云魏國姬姓也在晉之南河曲故其詩

曰彼汾一曲實諸河之干昔舜耕於廩山陶於河濱禹菲飲食而

致孝乎鬼神惡衣服而致美乎黻冕卑宮室而盡力

乎溝洫此一帝一王儉約之化於時猶存及今魏君

詩故攷異

卷九 魏

一

咫聞齋

嗇且褊急不務廣脩德於民教以義方其與秦晉鄰

國日見侵削國人憂之正義魏國西接於秦北鄰於晉桓四年左傳云秦師圍魏

是秦數伐之終為晉滅明晉亦侵之當周平桓之世魏之變風始作至

春秋魯閔公元年晉獻公竟滅之以其地賜大夫畢

萬自爾而後晉有魏氏

案左傳襄二十九年吳公子札觀樂為之歌魏曰美哉風颯乎大而婉儉而易行以德輔此則明主也

葛屨刺褊也魏地陜隘其民機巧趨利其君儉嗇褊

急而無德以將之儉嗇而無德是其所以見侵削

糾糾葛屨可以履霜摻摻女手可以縫裳要之褊之好

人服之摻摻韓詩作織織說文作織織釋文所銜反又息廉反

傳糾糾猶繚繚也夏葛屨冬皮屨葛屨非所以履霜

正義糾糾稀疎之貌士冠禮云屨夏用葛冬皮屨可也 摻摻猶織織也婦人三

月廟見然後執婦功正義曾子問云三月而廟見稱來婦既成爲婦則當家事盡爲

此譏使之縫裳明未可縫裳也 要褻也褻領也好人好女手之人正義

要裳褻褻衣領 筮葛屨賤皮屨貴魏俗至冬猶謂葛屨可

以履霜利其賤也言女手者未三月未成爲婦裳

男子之下服賤又未可使縫魏俗使未三月婦縫裳

者利其事也服整也褻也領也在上好人尙可使

整治之謂屬著直略反之正義裳乃服之褻者亦使女手縫之是其趨利之甚

韓織織女手織織女手之貌文選注

詩故攷異 卷九 魏 二 咫聞齋

案說文織好手貌 詩曰織織女手

好人提提宛然左辟佩其象締維是褊心是以爲刺提提

楚辭章句作提提宛然說文作宛如辟釋文音避說文作僻維魯詩作惟刺作刺

傳提提安諦也宛辟貌婦至門夫揖而入不敢當尊

宛然而左辟象締所以爲飾正義釋訓云提提安也孫炎曰行步之安也土

昏禮云婦至主人揖婦以入及寢門揖入不敢當夫之尊故左還辟之就客位 筮婦新至

慎於威儀如是使之非禮 魏俗所以然者是君心

褊急無德教使之耳我是以刺之

魯惟是褊心是以爲刺隸釋石經

案釋訓提提安也从女說文提諦也晉子難進曰提揚涼注提與提提同皆謂舒緩也說文僻避也詩曰

宛如左僻

葛屨二章一章六句一章五句

汾沮洳刺儉也其君子儉以能勤刺不得禮也

釋文其君

子一本無子字

彼汾沮洳言采其莫彼其之子美無度美無度殊異乎

公路釋文莫音暮

傳汾水也沮洳其漸洳者莫菜也

正義陸機疏云莫酸迷也莖大如箸

赤節節一葉似柳葉厚而長有毛刺今人纔以取繭緒其味酢而滑始生可以為羹河汾之間謂之莫菜王肅孫毓皆以路車也箋言我也於彼汾水漸洳為大夫采菜

之中我采其莫以為菜是儉以能勤之子是子也

詩故攷異

卷九魏

三

咫聞齋

是子之德美無有度言不可尺寸

正義非尺寸可量

是子之

德美信無度矣雖然其采莫之事則非公路之禮也

公路主君之軫車庶子為之晉趙盾為軫車之族是

也正義公路與公行一也以其主君路車謂之公路主兵車之行列謂之公行宣二年左傳云晉成公

立乃宦卿之適以為公族又宦其餘子亦為餘子其庶子為公行趙盾請以括為公族公許之冬趙盾為

軫車之族是其事也趙盾自以為庶子讓公族而為公行言為軫車之族明公行掌軫車服虔云軫車戎

車之倅杜預云公行之官是也

案山海經管涔之山汾水出焉地理志汾水出太原郡汾陽縣北山西南至汾陰入河詩地理攷入河之處即魏

之舊國

彼汾一方言采其桑彼其之子美如英美如英殊異乎

公行釋文行戶郎反

傳萬人為英正義此傳及尹文子皆萬人為英大戴禮云千人為英公行從公

之行也 箋采桑親蠶事也 從公之行者主君兵

車之行列

彼汾一曲言采其蕢彼其之子美如玉美如玉殊異乎

公族釋文賈音績

傳蕢水鳥也正義釋草云蕢牛脣郭璞曰水鳥如續斷寸寸有節拔之可復陸璣疏云今澤

也正義成十八年左傳曰晉荀會樂壓韓無忌為公族大夫使訓卿之子弟恭儉孝弟是公族主君之

同姓此公族公行諸侯之官故魏晉有之周禮六官皆無公族公行是天子諸侯異禮也

詩故攷異 卷九 魏 四 咫聞齋

汾沮洳三章章六句

園有桃刺時也大夫憂其君國小而迫而儉以嗇不

能用其民而無德教日以侵削故作是詩也

園有桃其實之殽心之憂矣我歌且謠不我知者謂我

士也驕彼人是故子曰何其心之憂矣其誰知之其誰

知之蓋亦勿思釋文殺本又作肴何其音基說文謠作謠

傳興也園有桃其實之食國有民得其力正義今君不用民力

又不施德教 曲合樂曰歌徒歌曰謠正義樂即琴瑟夫人謂

我欲何為乎正義彼人又言君之行是故子之歌謠何為乎彼人正謂不知我者 箋

魏君勸公稅省國用不取於民食園桃而已不施德

教民無以戰其侵削之由由是也

正義傳者明食

之事鄭志答張逸云稅法有常不得薄今魏君不取於民唯食園桃而已非徒薄於十一故刺之

心憂君之行如此故歌謠以寫我憂矣 士事也不

知我所為歌謠之意者反謂我於君事驕逸故 彼

人謂君也曰於也不知我所為憂者既非責我又曰

君儉而嗇所行是其道哉子於此憂之何乎 正義鄭

為君曰為於 如是則眾臣無知我憂所為也無知我

憂所為者則宜無復思念之以自止也眾不信我或

時謂我謗君使我得罪也

韓有章曲曰歌無章曲曰謠 初學記引

詩故攷異 卷九 五 咫聞齋

案釋名人聲曰歌歌柯也所歌之言是其質也以聲

咏吟有上下如草木之有柯葉也釋樂徒歌謂之謠

孫炎曰聲消搖也說

文善徒歌从言因

園有棘其實之食心之憂矣聊以行國不我知者謂我

士也罔極彼人是哉子曰何其心之憂矣其誰知之其

誰知之蓋亦勿思 傳棘棗也 極中也 箋聊且略之辭也聊出行於

國中觀民事以寫憂 見我聊出行於國中謂我於

君事無中正 案釋木槭酸棗槭即棘也孟子養其槭棘趙岐曰槭棘小棘所謂酸棗也淮南子伐棘棗而為矜高誘曰棘棗酸棗是又名棘棗也說文棘小棗叢生者

園有桃二章章十二句

陟岵孝子行役思念父母也國迫而數侵削役乎大國父母兄弟離散而作是詩也役乎大國者為大國所徵發

陟彼岵兮瞻望父兮父曰嗟子子行役夙夜無已上慎旃哉猶來無止

魯詩無作母上作尙爾雅注猶作猷

傳山無草木曰岵

正義釋山云多草木木岵無草木岵傳與爾雅正反當是傳寫誤也○

案釋文云王肅依爾雅以其恩義親故也

旃之猶可也父尙義

正義尙義尙恩尙親俱明見戒之意

以遙瞻望其父所在之處 子我夙早夜莫也無已

無解倦

上者謂在軍事作部列時

正義上言行役此變言上又云

詩故攷異

卷九 魏

六

咫聞齋

可來乃來明在軍上為部分行列時也曲禮曰左右有局各司其局注云局部分也

魯夙夜母已尙慎口哉

石經

案程際盛說文引經考說文岵山有草木也岵山無草木也又爾雅多草木曰岵無草木岵岵即岵字釋名山有草木岵無草木岵同許氏惟毛傳法與諸說不同字誤耳

陟彼岵兮瞻望母兮母曰嗟子季行役夙夜無寐上慎旃哉猶來無棄

爾雅注棄作弃

傳山有草木曰岵

季少子也無寐無耆

常志反

寐也

母尙恩也

箋此又思母之戒而登岵山而望之

也

案釋言猷可也郭璞曰詩曰猷來無弃棄忘也說文棄捐也

陟彼岡兮瞻望兄兮兄曰嗟子弟行役夙夜必偕上楨

旃哉猶來無死魯詩無作母

傳偕俱也 兄尚親也

魯猶來母死石經

陟岵三章章六句

十畝之間刺時也言其國削小民無所居焉

案水經注故魏國城南西北面並去大河可二十餘里北去首山十餘里處河山之閒土地迫隘故魏風著十畝

十畝之間兮桑者閑閑兮行與子還兮釋文還本亦作旋

傳閑閑然男女無別往來之貌 或行來者或來還

詩故攷異 卷九 魏

者正義還兮相呼而共歸下云邈兮相呼而其往傳總解之 箋古者一夫百畝正義王制云制農田百畝

今十畝之間往來者閑閑然削小之甚正義王制云地官遂人云夫一廛田百畝司馬法云畹百為夫是一夫百畝也今纔十畝是其削小

十畝之外兮桑者泄泄兮行與子逝兮釋文泄以世反

傳泄泄多人之貌 箋逝遠也案說文逝往也

十畝之間二章章三句

伐檀刺貪也在位貪鄙無功而受祿君子不得進仕

爾

案孔叢子孔子曰於伐檀見賢者之先事後食也文選注張揖曰伐檀其詩刺賢者不遇明王也

坎坎伐檀兮實之河之干兮河水清且漣漪不稼不穡

胡取禾三百廛兮不狩不獵胡瞻爾庭有縣貍兮彼君

子兮不素餐兮寅之漢書作寅諸漣倚爾雅作瀾瀾廛釋文本亦作堙又作墮縣音玄貍本亦

猓作

傳坎坎伐檀聲寘置也于厓也風行水成文曰漣伐

檀以俟世用若俟河水清且漣正義釋水云河水清且瀾瀾大波為瀾小

波為淪直波為涇瀾漣義同言此人伐檀隱居以待

可仕之世若待河清也置檀河厓因即以河為喻襄

八年左傳云俟河之清人壽幾何易緯種之曰稼斂

云王者太平嘉瑞之將出則河水先清種之曰稼斂

之曰穡一夫之居曰廛貍獸名正義君子不進由在

不親種不親斂何為取禾三百夫之田穀兮言無功

而食祿也一夫之居曰廛謂一夫之田穀兮言無功

云夫一廛田百畝司農云廛居也揚子云有田一廛

謂百畝之居與此傳同也若載師注云廛民居之區

詩故攷異

卷九 魏

八

尺聞齋

域也里居也以廛里在國中則不為一夫之田也釋獸云貍子貍郭璞曰其雌者名貍素空也

箋是謂君子之人不得進仕也案釋首三句是謂在位

貪鄙無功而受祿也冬獵曰狩宵田曰獵胡何也貉

子曰貍正義釋天云冬獵為狩宵田為獠李巡曰冬

載鑑照者也江東呼獵為獠管子曰獠獵彼君子者

畢弋是獠為獵之別名。案釋中四句

斥伐檀之人仕有功乃肯受祿

韞何謂素餐素餐者質人但有質相而無治民之材

名曰素餐尸祿者頗有所知善惡不言默然不語苟

欲得祿而已譬若尸焉文選注引薛君章句

案說文瀾洛干切或从連是漣卽瀾釋文音力纏切者誤也釋名風吹水波成文曰瀾瀾連也波體流轉

相及連也說文禾之秀實曰稼穀可收曰穡禾嘉穀也二月始生八月而孰得時之中故曰禾禾木也木王而生金王而死餐吞也或从水作淪

坎坎伐輻兮寘之河之側兮河水清且直猗不稼不穡

胡取禾三百億兮不狩不獵胡瞻爾庭有縣特兮彼君

子兮不素食兮魯詩倚作兮穡作齋

傳輻檀輻也側猶厓也直直波也 萬萬曰億獸三

歲曰特 箋十萬曰億三百億禾秉之數正義今九章算術皆

萬萬曰億箋知古億十萬者以田方百里於今數為九百萬畝而王制云方百里為田九十億畝是億為十萬也楚語云百姓千品萬官億醜皆以數相十秉把也聘禮注云秉謂刈禾盈把是也

魯上兮不稼不齋石經

詩故攷異 卷九 魏

九 咫聞齋

案考王記輪輻三十以象日月也老子三十輻共一轂說文輻輪輻也釋名直波曰涇涇徑也言如道徑也徐岳數術記遺黃帝為法數有十等及其用也乃有三焉十等者億兆京垓種壤溝瀆正載三等者謂上中下也下數十十變之若言十萬曰億十億曰兆十兆曰京是也中數萬萬變之若言萬萬曰億萬億曰兆萬兆曰京是也上數數窮則變若言萬萬曰億億億曰兆兆兆曰京是也甄鸞曰毛注萬萬曰億卽中數也鄭注十萬曰億卽下數也上數宏廓世不可用

坎坎伐輪兮寘之河之涘兮河水清且淪猗不稼不穡

胡取禾三百困兮不狩不獵胡瞻爾庭有縣鷄兮彼君

子兮不素煖兮魯詩坎坎作欲欲釋文涘木亦作涘困丘倫反

傳檀可以為輪涘厓也小風水成文轉如輪也 圓

者為困鷄鳥也正義月令修困倉方者為倉故圓者為困匠人注云圓倉是也釋鳥云

鵝鶉其雄鵠牝庫郭璞曰鶉之屬也熟食曰飧正義傳以飧為餼饗之

熱致之掌客云卿飧二年飧客始至之大禮其食

大夫飧一牢士飧少牢箋飧讀如魚飧之飧正義

宣六年公羊傳云趙盾方食魚飧是也說文云飧水澆飯也從夕食夕則食飧是飧為飯之別名易傳者

鄭志答張逸云禮飧饗大多非可素不得與不素餐相配故易之也

魯飲飲伐輪兮石經

韓順流而風曰淪淪文貌釋文

案釋名淪倫也水文相次有倫理也說文飧餼也也从夕食餼日加申時食也正義所引似誤

伐檀三章章九句

碩鼠刺重斂也國人刺其君重斂蠶食於民不脩其

政貪而畏人若大鼠也

詩故攷異 卷九 魏

碩鼠碩鼠無食我黍三歲貫女莫我肯顧逝將去女適

彼樂土樂土樂土爰得我所魯詩無作毋釋文貫古亂反魯詩作宦釋文樂音洛

樂土樂土新序亦作適彼樂土

傳貫事也正義釋箋碩大也大鼠大鼠者斥其君

也女無復食我黍疾其稅斂之多也我事女三歲矣

曾無教令恩德來顧眷我又疾其不脩政也古者三

年大比民或於是徙正義釋獸於鼠屬有鼯鼠孫炎曰五技鼠郭璞曰大鼠頭似兔

尾有毛青黃色好在田中食粟豆舍人燮光同引此

詩以碩鼠為五技鼠也說文云鼯鼠五技能飛不能

上屋能游不能渡谷能緣不能窮木能走不能先人

能穴不能覆身陸機疏云今河東有大鼠能人立交

前兩腳於頸上跳舞善鳴食人不苗人逐則走入樹

空中亦有五技或謂之雀鼠其形大故序云大鼠也

魏國今河北縣是也言其方物宜謂此鼠非鼯鼠也言三歲者小司徒鄉大夫職皆云三年則大比謂大校比其民之數而定其版籍明於此時民或得徙比長職云徙於國中及郊則從而授之也

往矣將去女與之訣別之辭樂土有德之國 爰曰

也
魯母食我黍三歲宦女

石經○案九經古義魯詩貫作宦國語云入宦於吳章昭

曰宦爲臣隸也傳云貫事也蓋本爾雅而與宦義亦通婁壽以爲宦卽貫字恐未然

案荀子勸學篇梧鼠五技而窮是鼯鼠一名梧鼠也九家易晉九四注鼯鼠喻貪五技皆劣四爻當之翟玄易作碩鼠云碩鼠晝伏夜行貪猥無已足鼯鼠通作碩鼠也

碩鼠碩鼠無食我麥三歲貫女莫我肯德逝將去女適

彼樂國樂國樂國爰得我直

詩故攷異

卷九

七

咫聞齋

傳直得其直道

箋不肯施德於我 直猶正也

碩鼠碩鼠無食我苗三歲貫女莫我肯勞逝將去女適

彼樂郊樂郊樂郊誰之永號

釋文號戶毛反

傳苗嘉穀也

號呼也

箋不肯勞來我

郭外曰

郊 之往也永歌也樂郊之地誰獨當往而歌號者

言皆喜說無憂苦

碩鼠三十三章章八句

魏國七篇十八章百二十八句

附錄僞魯詩傳說○魏八篇詩傳伐檀十畝之間皆殘闕魏之君子訓民孝弟賦杖杜陟岵園有桃碩鼠鳴羽葛履皆殘闕詩說云伐檀君子能其宦而不用魏人慕之而作是詩十畝之間政亂國危賢者不樂

仕于其朝而思與友歸于農畝杖杜君子教人孝弟
之詩陟岵魏人行役而思其親故作此詩園有桃李
子憂國而歎之故作此詩碩鼠大夫貪戾魏人怨之
而作是詩鴛羽民從征役而不得養其父母故作此
詩葛履魏之內子儉
不中禮賤者怨之

詩故攷異卷九終

詩故攷異

卷九 魏

十三

咫聞齋

詩故攷異卷十

東吳徐華嶽輯

唐

唐譜唐者帝堯舊都之地今日大原晉陽是堯始居

此後乃遷河東平陽正義晉世家云唐在河汾之東方百里言百里則堯為諸侯所

居地理志河東郡平陽縣應劭曰堯都也則是堯為天子乃都平陽也

成王封母弟叔虞於堯之故墟曰唐侯南有晉水至子燮改為晉侯

正義晉世家云成王與叔虞戲削桐葉為珪曰以此封若史佚曰天子無戲言言則史書之於是封叔虞

唐其封域在禹貢冀州太行恒山之西大原大岳之

野正義地理志云太行在河內山陽縣西北恒山在故郡上曲陽西北禹貢云既修太原至于岳陽地

詩故攷異

卷十

一

咫聞齋

理志太岳在河東故

至曾孫成侯南徙居曲沃近平

陽焉

正義地理志云河東郡聞喜縣故曲沃也晉成侯自晉陽徙此

昔堯之末洪水

九年下民其咨萬國不粒於時殺禮以救艱厄其流

乃被於今當周公召公共和之時成侯曾孫僖侯甚

嗇愛物儉不中禮國人閔之唐之變風始作其孫穆

侯又徙於絳云

正義成侯徙居曲沃至昭侯時分曲沃以封桓叔則正都不在曲沃明昭

侯前已徙絳矣知穆侯徙者蓋相傳為然地理志云

河東絳縣晉武公自曲沃徙此者以桓叔別封曲沃

武公既并晉國徙就晉都也而隱五年左傳云曲沃

莊伯伐翼翼侯奔隨又謂之翼者昭侯以下又徙於

翼及武公并晉又都絳也

案左傳景公又遷于新田

案竹書成王十年王命唐叔虞為侯康王元年唐遷

于晉左傳定四年唐叔以大路密須之鼓闕鞏姑

沈懷姓九宗職官五正命以唐誥而封於夏虛啟以夏政疆以戎索地理志河東土地平易有鹽鐵之饒本唐堯所居詩風唐魏之國也其民有先王遺教君子深思小人儉陋故唐詩蟋蟀山樞葛生之篇皆思奢儉之中念死生之慮吳札聞唐之歌曰思深哉其有陶唐氏之遺民乎自唐叔十六世至獻公滅魏以封大夫畢萬滅耿以封大夫趙夙及大夫韓武子食采於韓原晉於是始大至于文公伯諸侯尊周室始有河內之土文公後十六世爲韓魏趙所滅又太原郡晉陽縣故詩唐國龍山在西北晉水所出東入汾晉語景霍以爲城汾河涑滄以爲淵戎狄之民實環之

蟋蟀刺晉僖公也儉不中禮故作是詩以閔之欲其

及時以禮自虞樂也此晉也而謂之唐本其風俗憂

深思遠儉而用禮乃有堯之遺風焉憂深思遠謂宛其死矣百歲之

後之類是也釋文僖公史記作釐侯

詩故攷異

卷十唐

二 咫聞齋

案孔叢子夫子讀詩曰於蟋蟀見陶唐儉德之大也

蟋蟀在堂歲聿其莫今我不樂日月其除無已大康職

思其居好樂無荒良士瞿瞿說文蟀作蜺釋文莫音暮除直慮反大音泰好呼報

反瞿俱具反

傳蟋蟀蝥也九月在堂聿遂除去也正義詩人欲令僖公及時自樂

也蟋蟀蝥釋蟲文陸璣疏云似蝗而小正義王肅云其如漆有角翅一名蝥一名蜻蛚楚人謂之王孫幽州人謂之趨織里語

曰趨織鳴懶婦驚已甚康樂職主也正義王肅云其自居

荒大也瞿瞿然顧禮義也正義荒爲廣遠之言釋訓云瞿瞿休休儉

也李巡曰皆良士顧禮節之儉也窶我我僖公也蝥在堂歲時之

候是時農功畢君可以自樂矣今不自樂日月且過

去不復暇爲之謂十二月當復命農計耨耕事正義月令

季冬云告民出五穀命農計耨耕事脩耒耜具田器注云大寒氣過農事將起是也君雖當自

樂亦無甚大樂欲其用禮爲節也又當主思於所居

之事謂國中政令 荒廢亂也良善也君之好樂不

當至於廢亂政事當如善士瞿瞿然顧禮義也正義鄭唯

其居謂國中政令荒謂廢亂政事爲異

韓歲聿其莫聿辭也莫晚也言君之年歲已晚也文選

注引薛君章句

蟋蟀在堂歲聿其逝今我不樂日月其邁無已大康職

思其外好樂無荒良士蹶蹶釋文蹶俱衛反

詩故攷異 卷十 唐 三 思聞齋

傳邁行也 外禮樂之外正義王肅云其外言思無越於禮樂也蹶蹶

動而敏於事正義釋詁云蹶動也釋訓云蹶蹶敏也箋外謂國外至

四竟正義居是國中則外爲國外

蟋蟀在堂役車其休今我不樂日月其慆無已大康職

思其憂好樂無荒良士休休釋文休吐刀反

傳悵過也 憂可憂也正義憂謂踰越禮樂至於荒淫則可憂也王肅云其憂言

荒則休休樂道之心 箋庶人乘役車役車休農功

畢無事也正義巾車注云役車方箱可載任器以供役然則收納禾稼亦用此車役車休是農

功畢 憂者謂鄰國侵伐之憂正義詩人戒君所思思其自近及遠故從內而

也外

山有樞刺晉昭公也不能脩道以正其國有財不能

用有鐘鼓不能以自樂有朝廷不能洒埽政荒民散

將以危亾四鄰謀取其國家而不知國人作詩以刺

之也釋文昭公左傳及史記作昭侯正義四鄰卽桓叔謀伐晉是也

山有樞隲有榆子有衣裳弗曳弗婁子有車馬弗馳弗

驅宛其死矣他人是愉樞魯詩作蘆釋文本或作蘆爾雅作權婁釋文力俱反宛本亦作苑他漢書作它榆釋文毛以朱反鄭他侯反漢書作愉

傳興也樞莖也國君有財貨而不能如山隲不能

自用其財正義樞莖釋本文郭璞曰今之刺榆○案陸璣疏云其針刺如柘其葉如榆論爲茹

詩故攷異

卷十 唐

四 咫聞齋

美滑如白榆榆之類數十種葉皆相似皮及木理異矣釋木云榆白粉 婁亦曳也釋文馬云婁牽也正義走馬謂之馳策馬謂之驅

愉取也案鄭唯愉爲異 宛死貌愉樂也 箋愉讀曰愉

魯山有蘆石經

山有樞隲有柎子有廷內弗洒弗埽子有鐘鼓弗鼓弗

考宛其死矣他人是保考說文音出

傳樞山樞柎也正義釋木文郭璞曰樞似樞色小似如一柎似棗細葉刺生可飼牛材中車輜陸璣疏云樞葉如櫟木皮厚數寸可爲車輻柎葉似杏而尖白色皮正赤爲木多曲少直枝葉茂好二月中酒葉疏花如棟而細葉正白蓋樹材可爲弓弩幹

灑也考擊也 保安也 箋保居也

山有漆隲有栗子有酒食何不日鼓瑟且以喜樂且以
永日宛其死矣他人入室何魯詩作胡

傳君子無故琴瑟不離於側永引也正義曲禮云君無故玉不去身

大夫無故不徹懸士無故不徹琴瑟注云憂樂不相干也此言君子總謂大夫士以上也

魯胡不日鼓瑟石經天子食日舉樂諸侯不釋縣大夫

士日琴瑟公羊傳注引魯詩傳

山有樞三章章八句

揚之水刺晉昭公也昭公分國以封沃沃盛疆昭公

微弱國人將叛而歸沃焉封沃者封叔父桓叔于沃也沃曲沃晉之邑也正義

封沃者別為沃國不復屬晉桓三年左傳云初晉穆侯之夫人姜氏以條之役生太子命之曰仇其弟以

詩故攷異卷十唐

千畝之戰生命曰成師師服曰異哉君之名子也嘉耦曰妃怨耦曰仇古之命也今君命太子曰仇弟曰

成師始兆亂矣兄其替乎惠之二十四年晉始亂故封桓叔於曲沃三十年晉潘父弑昭侯而納桓叔不

克是封桓叔于沃之事也

揚之水白石鑿鑿素衣朱襮從子于沃既見君子云何

不樂鑿釋文子洛反

傳興也鑿鑿然鮮明貌襮領也諸侯繡黼丹朱中衣

沃曲沃也正義釋器云黼領謂之襮孫炎曰繡刺黼

朱中衣大夫之僭禮也知諸侯當服之中衣者朝服祭服之裏衣也其制如深衣深衣曰錄云深衣連衣

裳而純之以緜有表則謂之中衣其異者中衣之袖長耳玉藻云中衣繼揜尺是也大夫祭服中衣用素

不必以繡黼為領繡黼唯諸侯乃得服箋激揚之

之此晉人欲以諸侯之服往從桓叔也

水波流湍疾洗去垢濁白石鑿鑿然興者喻桓叔盛
疆除民所惡民得以有禮義也 繡當為綃綃繡丹

朱中衣中衣以綃繡為領丹朱為純真允反也國人欲

進此服去從桓叔正義郊特牲注云繡讀為綃綃繡名破繡為綃者考工記云白與黑

謂之繡五色備謂之繡若五色聚居則白黑共為繡
文不得別為繡稱繡繡不得同處明知非繡字也

君子謂桓叔

案水經注左邑故城故曲沃涑水自城西注之水流急濬故詩人以為激揚之水

揚之水白石皓皓素衣朱繡從子于鵠既見君子云何

其憂繡魯詩作綃

傳皓皓絜白也 繡繡也鵠曲沃邑也正義謂於繡之上繡刺以

詩故攷異

卷十唐

六

咫聞齋

為繡也其都在曲沃其旁更有邑言無憂也

魯素衣朱綃綃綺屬也士昏禮注

揚之水白石粼粼我聞有命不敢以告人釋文粼本又作磷

傳粼粼清澈也 聞曲沃有善政命不敢以告人

箋不敢以告人而去者畏昭公謂已動民心

案說文粼水生匡石間粼粼也

揚之水三章二章章六句一章四句

椒聊刺晉昭公也君子見沃之盛疆能脩其政知其

蕃衍盛大子孫將有晉國焉

椒聊之實蕃衍盈升彼其之子碩大無朋椒聊且遠條

且釋文且子餘反

傳興也椒聊椒也

正義釋木云檉大椒郭璞曰今椒樹叢生實大者名為檉陸璣疏云

椒聊聊語助也椒樹似菜莢有針刺葉堅而滑澤蜀人作茶吳人作茗皆合煮其葉以爲香今成皋諸山間有椒謂之竹葉椒朋比也案釋文比必履反王條用蒸雞豚最佳香

長也箋椒之性芬香而少實今一椽之實蕃衍滿

升非其常也興者喻桓叔晉君之支別耳今其子孫

衆多將日以盛也

正義棣謂椒之房裏實者也釋木云椒檉醜棣李巡曰檉棣莢也椒

菜莢皆有房故曰棣

之子是子也謂桓叔也碩謂壯俊貌好也

大謂德美廣博也無朋平均不朋黨案箋於毛傳朋比讀毗至反

椒之氣日益遠長似桓叔之德彌廣博

詩故攷異

卷十唐

七

咫聞齋

案離騷雜申椒與菌桂兮九歌奠桂酒兮椒漿椒可作佩及和酒也說文棣菜菜从艸不從木釋木棣者聊又下句曰柶聊似非語助說文條小枝也○又案孫毓云桓叔阻邑不臣以孽傾宗與潘父比至殺昭公而求入焉能均平而不朋黨乎正義不然之

椒聊之實蕃衍盈匊彼其之子碩大且篤椒聊且遠條

且

傳兩手曰匊 篤厚也 言聲之遠聞也

韓碩大且篤非良篤修身行之君子其孰能與之哉

外傳

椒聊二章章六句

綢繆刺晉亂也國亂則昏姻不得其時焉不得其時謂不及仲

春之月正義毛以為不得初冬冬末開春之時故陳
婚姻之正時以刺之鄭以為不得仲春之正時四月
五月乃成婚故直舉
失時之事以刺之

綢繆束薪三星在天今夕何夕見此良人子兮子兮如
此良人何釋文綢繆上直
畱反下公侯反

傳興也綢繆猶纏繆也三星參也在天謂始見東方

也男女待禮而成若薪芻待人事而後束也三星在

天可以嫁取矣正義天文志云參自虎宿三星是也

以嫁娶王肅毛以秋冬為婚時故云三星在天可

見此美云謂十月也良人美室也正義王肅云婚姻不得其

室也時故思詠嫁娶之夕而欲子兮者嗟茲也正義嗟歎已身不得

星謂心星也心有尊卑夫婦父子之象又為二月之

合宿故嫁取者以為候焉昏而火星不見嫁取之時

也今我東薪於野乃見其在天則三月之末四月之

中見於東方矣故云不得其時正義孝經援神契云

志云心為明堂大星天王前後星子屬然則心之三

星星有大小大者象夫父小者象子婦也二月日體

在戌而斗柄建卯初昏之時心星在於卯上故云合

宿昏而火星不見謂仲春之月嫁娶之正時也心一

名火星昭十七年左傳云火出於夏為三月商為四
月周為五月箋云三月未四月中者以心星始見在
故每章皆舉兩月也○案三星鄭易傳今夕何夕者

言此夕何月之夕乎而女以見良人言非其時正義
仲春為婚月此二子兮子兮者斥取者子取後陰陽
句為責娶者之辭交會之月當如此良人何正義亦責
娶者之辭

詩故攷異

卷十唐

綱繆束芻三星在隅今夕何夕見此邂逅子兮子兮如

此邂逅何

邂逅文本亦作解戶解反
近韓詩作觀釋文胡豆反

傳隅東南隅也

正義謂十一月十二月

邂逅解說

音解

之貌

箋心星在隅謂四月之末五月之中

韓見此邂逅邂逅不固之貌

釋文

案說文芻列艸也
象包束艸之形

綱繆束楚三星在戶今夕何夕見此繁者子兮子兮如

此繁者何

案說文作放釋文
采且反字林作娑

傳參星正月中直戶也

三女為繁大夫一妻二妾

正義周語云女三為繁繁美物也以大夫
為辭者王肅云言在位者亦不能及禮也

箋心星

詩故攷異

卷十

九

咫聞齋

在戶謂五月之末六月之中

案說文三女為放放美也
廣韻詩傳云三女為娑

綱繆三章章六句

杜杜刺時也君不能親其宗族骨肉離散獨居而無

兄弟將為沃所并爾

有杜之杜其葉漑漑獨行蹢躅豈無他人不如我同父

嗟行之人胡不比焉人無兄弟胡不佞焉

杜釋文
徒細反

傳興也杜特貌杜赤棠也漑漑枝葉不相比也

正義
杜赤

棠釋木交樊光曰赤者為杜白者為棠陸璣疏云赤
棠與白棠同但子有赤白美惡白棠甘棠也少醉滑
美赤棠子澀而酢無味俗語云澀
如杜是也木理韌可以作弓幹 蹢躅無所親也

文踴疏 飲助也 正義飲古次字 以次第助之 他人謂異姓也

言昭公遠其宗族獨行於國中踴踴然此豈無異姓

之臣乎顧恩不如同姓親親也 君所與行之人謂

異姓卿大夫也比輔也此人女何不輔君為政令

異姓卿大夫女見君無兄弟之親親者何不相推伙

而助之

有杖之杜其葉菁菁獨行畏畏豈無他人不如我同姓

嗟行之人胡不比焉人無兄弟胡不伙焉 畏畏云文選 注作榮榮

傳菁菁葉盛也 畏畏無所依也同姓同祖也 箋

菁菁稀少之貌 正義葉雖茂盛枝條稀疏 以喻宗族雖強不相親睦

詩故攷異 卷十 唐 十 咫聞齋

杖杜二章章九句

羔裘刺時也晉人刺其在位不恤其民也 恤憂也正義謂刺朝

廷卿大夫

羔裘豹祛自我人居居豈無他人維子之故

傳祛袂也本末不同在位與民異心自用也居居懷

惡不相親比之貌 正義玉藻說深衣之制云袂可以 回肘注二尺二寸之節又云祛尺

二寸注袂口也然則袂與祛別其通皆為袂也裘身 為本裘袂為末其皮不同喻在位與民異心也定本

云祛袂未釋詁云由用也自由也釋訓云居居究究 惡也李巡曰居居不狎習之惡孫炎曰究究窮極人

之 箋羔裘豹祛在位卿大夫之服也其役使我之

民人其意居居然有悖惡之心不恤我之困苦 此

民卿大夫采邑之民也故云豈無他人可歸往者乎
我不去者乃念子故舊之人正義王肅云我豈無他國可歸乎維念子與我有故舊也

羔裘豹褻自我人究究豈無他人維子之好釋文褻本又作褻

傳褻猶祛也究究猶居居也 **箋**我不去而歸往他人者乃念子而愛好之也民之厚如此亦唐之遺風

羔裘二章章四句

鴝羽刺時也昭公之後大亂五世君子下從征役不

得養其父母而作是詩也大亂五世者昭公孝侯鄂侯哀侯小子侯正義左傳

惠公三十年晉人立孝侯四十五年曲沃莊伯伐翼弒孝侯翼人立其弟鄂侯鄂侯生哀侯隱五年曲沃

詩故攷異 卷十 唐 七

莊伯伐翼翼侯奔隨秋王命虢公伐曲沃而立哀侯于翼六年翼人逆晉侯于隨納諸鄂謂之鄂侯桓二年哀侯侵陘庭之田陘庭南鄙啟曲沃伐翼三年曲沃武公伐翼逐翼侯于汾隰夜獲之七年曲沃伯誘晉小子侯殺之八年春滅翼冬王命虢仲立哀侯之弟緡于晉不數緡者自昭公數之至小子而滿五也

肅肅鴝羽集于苞栩王事靡盬不能蓺稷黍父母何怙

悠悠蒼天曷其有所鴝釋文音保似鴈而大無後趾蒼韓詩作倉

傳興也肅肅鴝羽聲也集止苞槲栩也鴝之性不

樹止正義苞槲釋言文孫炎曰物叢生曰苞齊人名曰槲郭璞曰今人呼物叢緻者為槲槲釋木

文郭璞曰柞樹也陸璣疏云今柞櫟也徐州人謂櫟為柞其子為阜斗殼可以染阜鴝鳥連蹄性不樹止

樹止則為苦故以喻君 **監**不攻致也怙恃也正義監

子從征役為危苦也義同昭元年左傳云於文皿蟲為蠱穀之飛亦為蠱然則蠱害器敗穀者皆謂之蠱是監為不攻牢不堅

繳之意也
箋興者喻君子當居安平之處今下從征役

其為危苦如鴉之樹止然稔者根相迫迨相致也

蓺樹也我迫王事無不攻致故盡力焉既則罷音倦

不能播種五穀今我父母將何怙乎 曷何也何時

我得其所哉

韓悠悠倉天外傳

案阜斗一名椽斗大司徒阜物注先鄭以為柞栗之屬典染草注後鄭以為椽斗也說文椽柔也其實阜一曰椽樣椽實繫傳云今俗書作椽莊子徐無鬼居于深山拾椽栗而食呂氏春秋冬日則食椽栗高誘曰椽阜斗也其狀似栗

肅肅鴉翼翼集于苞棘王事靡盬不能蓺黍稷父母何食

詩故攷異

卷十 唐

十一

咫聞齋

悠悠蒼天曷其有極

箋極已也

肅肅鴉行集于苞桑王事靡盬不能蓺稻粱父母何嘗

悠悠蒼天曷其有常

傳行翮也

釋文爾雅云羽本謂之翮

鴉羽三章章七句

無衣美晉武公也武公始并晉國其大夫為之請命

乎天子之使而作是詩也

天子之使是時使來者正義左傳桓八年王使立緡

于晉莊十六年王使緡公命曲沃伯為晉侯晉世家云晉侯緡立二十八年曲沃武公伐晉滅之盡以其寶器賂周僖王僖王命武公為晉君列為諸侯於是盡并晉地而有之經二章皆請命之辭○案武公以

孽奪宗美之者
其臣美之耳

豈曰無衣七兮不如子之衣安且吉兮

傳侯伯之禮七命冕服七章正義典命云侯伯七命其國家宮室車旗衣服

禮儀皆以七為節大行人云諸侯之禮執信圭七寸冕服七章是七命七章之衣諸侯不命

於天子則不成為君正義此解得衣乃安之意箋我豈無是七

章之衣乎晉舊有之非新命之服武公初并晉國

心未自安故以得命服為安

豈曰無衣六兮不如子之衣安且燠兮

傳天子之卿六命車旗衣服以六為節正義典命文燠煖

也箋變七言六者謙也不敢必當侯伯得受六命

詩故攷異 卷十 唐

之服列於天子之卿猶愈乎不正義不言晉舊有之者燠父事康王文侯

輔平王有為天子卿者但侯伯入為卿土依其本國之命不服六章之衣鄭答趙商云諸侯入為卿大夫

與在朝仕者異各依本國如其命數是晉之先世實無六章之衣而云豈曰無衣六者飾辭以請命耳

無衣二章章三句

有杕之杜刺晉武公也武公寡特兼其宗族而不求

賢以自輔焉正義兼其宗族者昭侯以下為君於晉國者武公兼有之也

有杕之杜生于道左彼君子兮噬肯適我中心好之曷

飲食之噬韓詩作述

傳興也道左之陽人所宜休息也正義據南嚮西嚮為正在陰為右在

陽為左噬逮也正義釋言文○案釋言噬作邁從彳不從口箋道左道東

也日之熱恒在日中之後道東之杜人所宜休息也

今人不休息者以其特生陰寡也興者喻武公初兼

其宗族不求賢者與之在位君子不歸似乎特生之

杜然正義物積而後始極既極而後方衰從旦積煖

故日中之後乃極熱從昏積涼故半夜之後始

極寒計一歲當以仲冬極寒仲夏極暑

而六月始大暑季冬乃大寒亦此意 肯可適之也

彼君子之人至於此國皆可來之我君所君子之人

義之與比其不來者君不求之正義箋訓逮為至也曷何也言

中心誠好之何但飲食之當盡禮極歡以待之

韓逝肯適我逝及也釋文 有杖之杜生于道周彼君子兮噬肯來遊中心好之曷

詩故攷異 卷十 唐 齒 忠聞齋

飲食之 傳周曲也 遊觀也

韓周右也釋文 有杖之杜二章章六句

葛生刺晉獻公也好攻戰則國人多喪矣喪棄也

夫從征役 棄不反則其妻居家而怨思正義五章皆妻怨之

辭左傳莊二十八年晉伐驪戎閔元年晉侯作二軍

以滅耿滅霍滅魏三年使大子申生伐東山皋落氏

僖二年晉師滅下陽五年晉侯圍上陽冬滅虢又執

虞公八年晉里克敗狄 于宋桑是其好攻戰也 葛生蒙楚薺蔓于野予美亾此誰與獨處釋文薺音廉

傳興也葛生延而蒙楚薺生蔓於野喻婦人外成於

他家

正義此二者皆是蔓草陸璣疏云藪似栝櫟葉盛而細子正黑如燕奠不可食其莖葉煮以哺

牛除熱

〔箋〕子我也亾無也言我所美之人無於此謂

其君子也吾誰與居乎獨處家耳從軍未還未知死

生其今無於此

葛生蒙棘蔽蔓于域子美亾此誰與獨息

〔傳〕域營域也 息止也

角枕粲兮錦衾爛兮子美亾此誰與獨旦

〔傳〕齊

側皆反

則角枕錦衾禮夫不在斂枕篋衾席鞫而

藏之

正義夫既不在妻將攝祭當齊之時出夫之衾枕觀物思夫王肅云見夫齊物感以增思也傳

又以無故不出夫之衾枕明是齊時所用內則云篋篋變篋爲衾順經文

〔箋〕夫雖不在

詩故攷異

卷十 唐

五

咫聞齋

不失其祭也攝主主婦猶自齊而行事 旦明也我

君子無於此吾誰與齊乎獨自絜明

夏之日冬之夜百歲之後歸于其居

〔傳〕言長也

〔箋〕思者於晝夜之長時尤甚故極言之

以盡情 居墳墓也言此者婦人專壹義之至情之

盡

冬之夜夏之日百歲之後歸于其室

〔傳〕室猶居也

〔箋〕室猶家壙

葛生五章章四句

采芩刺晉獻公也獻公好聽讒焉

案左傳莊二十八年驪姬嬖欲立其子賂外嬖梁五與東闕嬖五使言于公夏使太子居曲沃重耳居蒲夷吾居屈羣公子皆鄙二五卒與驪姬諧羣公子而立夷齊晉人謂之二五耦此獻公聽讒之證

采苓采苓首陽之巔人之爲言苟亦無信舍旃舍旃苟

亦無然人之爲言何得焉

釋文爲于偽反本或作偽

傳興也苓大苦也首陽山名也采苓細事也首陽幽

辟也細事喻小行也幽辟喻無徵也

正義首陽山在河東蒲阪縣南

采苓細事喻獻公問細小之行也首陽幽辟喻小人是無徵驗之人也讒言之起由君昵近小人故責君數問小事于小人所以致讒言也苟誠也

采苓采苓者言采苓

之人衆多非一也皆云采此苓於首陽山之上首陽

山之上信有苓矣然而今之采者未必於此山然而

詩故攷異

卷十

唐

七

咫聞齋

人必信之興者喻事有似而非

正義箋易傳者鄭答張逆云篇義云好聽

讒當似是而非者

苟且也爲言謂爲

于偽人爲善言以稱薦

之欲使見進用也旃之言焉也舍之焉舍之焉謂謫

訕人欲使見貶退也此二者且無信受之且無答然

人以此言來不信受之不答然之從後察之或時

見罪何所得

案首陽山卽雷首山一名中條山水經注雷首山臨大河北去蒲阪三十里晉志蒲阪有雷首山夷齊居其陽蒲阪舜都也亦曰首山左傳趙宣子田于首山

采苦采苦首陽之下人之爲言苟亦無與舍旃舍旃苟

亦無然人之爲言何得焉

傳苦苦菜也

正義此茶也陸璣云苦菜生山田及澤中得霜恬脆而美所謂董茶如餉內則

云濡豚包苦用苦菜是也無與勿用也

采葑采葑首陽之東人之爲言苟亦無從舍旃舍旃苟亦無然人之爲言何得焉

傳葑菜名也

采芩三章章八句

唐國十二篇三十三章二百三句

附錄爲魯詩傳說○唐十二篇詩傳云蟋蟀山有樞菜聊錫之水無衣葛生采芩皆殘闕晉文公好賢賦賦野有蔓草晉大夫賢賦美之賦羔求彼汾網繆皆殘闕詩說云蟋蟀唐人相戒之詩山有樞唐人憂國之詩菜唐昭侯封公子成師于曲沃成師治聚

詩故攷異

卷十唐

七

咫聞齋

盛強師服憂之而作是詩場之水成師有篡國之謀唐人知之而作是詩無衣唐公孫衮弑三君而取其國盡以寶器賂周僖王王命之爲晉侯國人作此以刺之葛生晉獻公之時國人困于征役室家念之而作是詩采芩晉人諫獻公信讒之詩杖杜晉文公好賢而國人美之野有蔓草晉白季薦卻缺于文公晉人美之羔求晉人美其大夫之詩彼汾晉人刺其大夫之詩網繆晉亂民窮昏嫗失時君子傷之而作是詩

詩攷攷異卷十終

詩故攷異卷十一

東吳徐華嶽輯

秦

秦譜秦者隴西谷名於禹貢近雍州鳥鼠之山

正義地理

志秦今隴西秦亭秦谷是也爾雅云鳥鼠同穴其鳥為餘其鼠為獸

堯時有伯翳者實

皋陶之子佐禹治水水土既平舜命作虞官掌上下

草木鳥獸賜姓曰嬴

正義鄭語嬴伯翳之後地理志云嬴伯益之後翳益聲轉字異

猶一人也地理志又云秦之先曰伯益助禹治水為舜虞官養草木鳥獸賜姓嬴氏秦本紀云顓頊之苗裔孫曰女脩玄鳥隕卵女脩吞之生子大業大業娶少典之子曰女華生太費是為伯翳舜賜姓嬴氏是治水賜姓之事也則益又名太費太費之父名大業列女傳曰皋子生五歲而佐禹注云皋陶之子伯益

詩故攷異

卷十一 秦

一

咫聞齋

也然則皋陶大業一人也先言伯翳然後上本皋陶者以舜賜嬴姓始自伯翳也虞書稱舜曰益汝作朕

虞是舜命作虞官也廛夏商興衰亦世有人焉周孝王使其末

孫非子養馬於汧渭之間孝王為伯翳能知禽獸之

言子孫不絕故封非子為附庸邑之於秦谷

正義左傳說介

葛盧聞牛鳴而知其音賈逵云伯益曉是術蔡雍云伯翳綜聲於語鳥葛盧辨音於鳴牛是知鳥獸之言也

至曾孫秦仲宣王又命作大夫始有車馬禮樂侍

御之好國人美之秦之變風始作

正義鄭語史伯曰秦仲齊侯姜嬴之

雋也且大其將興乎言秦仲國大將興是雖未得爵命而大於邦莒故附庸而得有詩也秦仲之

孫襄公平王之初興兵討西戎以救周平王東遷王

城乃以岐豐之地賜之始列為諸侯遂橫有周西都

宗周畿內八百里之地其封域東至迤山正義禹貢無迤山鄭

據時山之名上巳云逝鳥鼠之山正義雍今扶在荆岐終南停物

之野至玄孫德公又徙於雍云正義雍今扶

案地理志秦之先曰柏益至周有造父善馭習馬得

華駟綠耳之乘幸于穆王封于趙城後有非子為周

諸侯後八世穆公稱伯以河為竟十餘世孝公用商

君制轅田開仞伯東雄諸侯子惠公初稱王得上郡

西河孫昭王開巴蜀滅周取九鼎昭王曾孫政并六

國稱皇帝又云天水隴西山多林木民以板為室屋

及安定北地上郡西河皆追近戎狄修習戰備高上

氣力以射獵為先故秦詩曰在其板屋又云修我甲

兵及車騎四載小戎之篇皆言車馬田狩之事漢興

六郡良家子選給羽林期門以材力為官名將多出

焉吳札觀樂為之歌秦曰此之謂夏聲夫能夏則大

大之至也其周之舊乎曰并十度至

柳三度謂之鶉首之次秦之分也

詩故攷異 卷十一 秦 二 應聞齋

車鄰美秦仲也秦仲始大有車馬禮樂侍御之好焉

正義始大國士始大也王肅云秦為附庸世處西戎秦仲脩德為宣王大夫遂誅西戎是以始大

有車鄰鄰有馬白顛未見君子寺人之令鄰漢書作麟寺釋文本亦

作侍寺人奄人令釋文力呈反韓詩作伶

傳鄰鄰眾車聲也白顛的顛也正義釋畜文舍人寺曰的白也顛額也

人內小臣也正義左傳齊有寺人貂晉有寺人披是諸侯之官有寺人也寺人是在內細小

之箋欲見國君者必先令寺人使傳告之時秦仲

又始有此臣正義此美秦仲始有車馬侍御之好也

韓寺人之伶使伶釋文

案釋言顛頂也郭璞釋畜注白顛戴星馬也說文駒馬白額也易曰為駒顛明也易曰為的顛

阪有漆隰有栗既見君子並坐鼓瑟今者不樂逝者其

耆

傳興也阪者曰阪下溼曰隰正義釋地文又見其禮樂焉

耆老也八十曰耆正義孫炎曰耆者色如生鐵服虔云七十曰耆七十八十無正

文 箋興者喻秦仲之君臣所有各得其宜 既見

既見秦仲也並坐鼓瑟君臣以閒暇燕飲相安樂也

今者不於此君之朝自樂謂仕焉而去仕他國其

徒自使老言將後寵祿也正義二章卒章言鼓瑟鼓簧並論樂事用樂必有禮

是禮樂也

案詩地理考說文阪山脅也地理志隴西有隴坻在其西注隴阪也即今隴山三秦記其阪九回欲上者

詩故攷異

卷十一 秦

三

咫聞齋

七日乃越高處東望秦川然則阪固秦地所有也

阪有桑隰有楊既見君子並坐鼓簧今者不樂逝者其

亾

傳簧笙也 亾喪棄也

車鄰三章一章四句二章章六句

駟職美襄公也始命有田狩之事園囿之樂焉始命命為

諸侯也秦始附庸也正義非子以來世為附庸今始受王命為諸侯有蕃曰園有牆曰囿

駟職孔阜六轡在手公之嬀子從公子狩駟職漢書作四轡

傳職驪阜大也正義驪為黑色職者言其色黑如鐵能以道媚於上下

者冬獵曰狩正義媚訓愛也能使君愛臣臣愛君王肅云卿大夫稱子 箋四馬

六轡六轡在手言馬之良也

正義四馬當八轡以駿馬內轡納之於缺故在手唯六轡在手不假控制故為馬之良

○案四馬謂兩服兩驂

媚于上下謂使君臣

和合也此人從公往狩言襄公親賢也

案說文驥馬赤黑色驪馬深黑色驥驪稍別

奉時辰牡辰牡孔碩公曰左之舍拔則獲

釋文拔蒲末反

傳時是辰時也冬獻狼夏獻麋春秋獻鹿豕羣獸

獸人拔矢末也

正義以鏃為首故拔為末 箋奉是時牡者謂虞

人也時牡甚肥大言禽獸得其所

正義山虞云大田獵則萊山田之野

及弊田植虞旗于中以致禽故

知謂虞人也虞人驅獸以待射

左之者從禽之左射之也拔括也舍拔則獲言公善射

詩故攷異

卷十一 秦

四

咫聞齋

禽之左射之也家語孔子與子路論矢云括而羽之鏃而矚之其入之不已深乎是矢末為括也

案地官保氏注云五馭鳴和鸞逐水曲過君表無交衢逐禽左是逐禽而命御者左之禮也

遊于北園四馬既閑輶車鸞鑣載獫歇驕

說文鸞作鸞釋文獫力驗

反歇許謁反說文作獨釋文驕許喬反說文作矯

傳閑習也輶輕也獫歇驕田犬也長喙曰獫短喙

曰歇驕

正義釋畜文

箋公所以田則克獲者乃遊于北

園之時時則已習其四種之馬

正義此倒本未獵之前調習車馬又始試

習犬之事校人辨六馬之屬種馬戎馬齊馬道馬田馬駕馬諸侯四種無種戎也獵事止應調習田馬作者廣言四輕車驅逆之車也置鸞於鑣異於乘車也

載始也始田犬者謂達其搏噬始成之也此皆遊于

北園時所爲也

正義田僕掌設驅逆之車注云驅驅禽使前趨獲逆御還之使不出園然

則田僕掌田而設驅逆之車且下句說大明是車驅之而大獲之故知是驅逆之車非君所乘田車也乘車玉路金路象路大馭及玉藻經解注皆云鸞在衡和在軾謂乘車之鸞也此云鸞在於鑣故知異於乘車也釋詁云哉始也哉載義同言公遊于北園已試調習故令狩于園中多所獲也

案說文輶輕車也詩曰輶車鑿鑿人君乘車四馬鑿入鑿鈴象鸞鳥聲和則敬也鑿馬銜也獫狁犬獨短喙犬也詩曰獫狁獨獫

駟騏三章章四句

小戎美襄公也備其兵甲以討西戎西戎方彊而征

伐不休國人則矜其車甲婦人能閱其君子焉矜夸大也

國人夸大其車甲之盛有樂之意也婦人閱其君子恩義之至也作者敘外內之志所以美君政教之功

詩故攷異

卷十一 秦

五

咫聞齋

正義三章皆上六句是矜其車甲下四句是閱其君子

小戎倭收五檠梁輶游環脅驅陰鞞鑿續文茵暢鞞駕

我騏驎言念君子溫其如玉在其板屋亂我心曲

釋文倭錢

淺反桑音木本又作鞞鑿音沃驎之樹反

傳小戎兵車也倭淺收軫也五五束也檠檠錄也梁

輶輶上句古侯反衡也一輶五束束有檠錄正義六月云元戎十

乘以先啟行元大也先啟行之車謂之大戎從後行者謂之小戎故箋云此羣臣之兵車也軫者車之前後兩端橫木所以收斂所載故名收焉考工記云輿人爲車輪崇車廣衡長參如一參分車廣去一以爲隧注云兵車之隧四尺四寸隧謂車輿深也則兵車從前軫至後軫深四尺四寸大車深八尺兵車比之爲淺也輶者輶也五檠輶上之飾言以皮革五處束之文章歷錄然梁輶輶上曲句衡衡者輓也輶從軫

以前稍曲而上至衡則居衡之上而嚮下句之衡則橫居軻下如屋之梁故謂之梁軻也考工記云國馬之軻深四尺有七寸注云馬高八尺兵車乘車軻崇三尺有七寸也除馬之高則餘七寸又并此軻深則衡高八尺七寸也除馬之高則餘七寸為馬頸

游環軻本又作斬

環也游在背上所以禦出也脅驅慎駕具所以止入

也陰揜軻也軻所以引也蓋白金也續續軻也正義游環

在背上貫兩驂馬之外轡轡為環束驂馬欲出此環牽之所以禦出也脅驅以一條皮上繫于衡後繫于軻當服馬之脅驂馬欲入此皮約之所以止入也陰謂輿下三面材以板木橫側車前所以陰映此軻故曰揜軻軻以皮為之繫於陰板之上今驂馬之引何則衡長六尺六寸止容二服而已驂馬頸不當衡別為二軻以引車也大叔于田云兩服齊首兩驂馮行明驂馬之首不與服馬齊也哀二年左傳郵無恤說己之御云兩軻將絕吾能止之是橫軻之別有驂馬二軻也言蓋白金者蓋非白金之名謂銷此白金

詩故攷異

卷十一 秦

六

咫聞齋

以沃灌鞞環飾其相續之處金銀銅鐵總名為金此或是白銅白鐵也釋名云游環在服馬背上游移前卻無定處脅驅當服馬脅也蓋沃也文茵虎皮也暢治白金以沃灌鞞環也續續鞞端也

鞞長鞞也騏騏文也左足白曰鼻正義茵者車上之褥釋名云文茵車

中所坐用虎皮有文采是也暢訓長於大車之鞞也考工記云兵車之輪崇六尺有六寸桴其漆內而中誦之以為之鞞長注云六尺六寸之輪漆內六尺四寸是為鞞長三尺二寸也大車之鞞長尺半兵車比之為長也色青黑者名綦馬名為騏知其所色作綦文釋畜云馬後右足白驥左足白驥西戎板屋

箋此羣臣之兵車故曰小戎 游環在背上無

常處貫驂之外轡以禁其出脅驅者著直略反服馬之

外脅以止驂之入揜軻在軾前垂軻上蓋續白金飾

續鞞之環正義續是作環相接此上六句者國人所矜案此章國人夸

車之善兼言馬也 言我也念君子之性溫然如玉玉有五德

心曲心之委曲也憂則心亂也此上四句者婦人

所用閱其君子

案尤經古義箋云此羣臣之兵車故曰小戎管子云十軌爲里故五十人爲小戎里有司帥之韋昭曰此有司之所乘故曰小戎古者戎車一乘步卒七十二人今齊五十八韋氏所據乃司馬法六月詩所謂元戎也七十二人爲大戎五十人爲小戎其周之制與又案傳游環鞞之鞞釋文舊本皆作斬斬者言無常處游在服馬背上以鞞馬外轡貫之以止鞞之出左傳云如鞞之有斬無取於鞞也說文鞞輻所湊也輻輪

四牡孔阜六轡在手騏驎是中駟驪是驂龍盾之合鑿

以艘輶言念君子溫其在邑方何爲期胡然我念之

詩故攷異

卷十一 秦

七

咫聞齋

蓋作沃釋文輶古穴反輶音納

傳黃馬黑喙曰駟

正義釋畜云馬黑喙駟以爲黃馬者相傳爲然龍盾畫龍

其盾也合合而載之輶驂內轡也

正義盾以木爲之此說車馬之事盾則載於車上王肅云合而載之以爲車蔽也蓋以輶

輶謂白金飾皮爲輶以內物也四馬入轡經傳皆言六轡明有二轡當繫之驂馬欲入則偃於脅驅內轡不須牽挽故知輶者納驂內轡繫於軾前其繫之處以白金爲輶也 在蔽邑也 箋赤身黑鬣曰駟中中服也驂

兩駢也

正義車駕四馬在內兩馬謂之駢

鑿以艘輶輶之輶

以白金爲飾也輶繫於軾前

案此章國人夸馬之善又及車也

方今

以何時爲還期乎何以然了不來言望之也

案說文盾蔽也所以扞身蔽目艘環之有舌者輶驂馬內轡繫軾前者詩曰沃以艘輶釋文輶內也

伐駟孔羣公矛盜錚蒙伐有苑虎韞鏤膺交韞二弓竹

閉緹滕言念君子載寢載興厭厭良人秩秩德音女釋文音

求錚徒對反說文作錚伐釋文本或作嚴玉篇作嚴苑作苑韞釋文本亦作暢閉儀禮注作柘周禮注作

於鹽反列女傳作楷楷

傳伐駟四介馬也孔甚也公三隅矛也錚鏤也蒙討

羽也伐中干也苑文貌正義伐駟用淺薄之金為駟

介馬而馳之是戰馬皆被甲也矛以白金為鏤曲禮

曰進戈者前其鏤後其刃進矛戟者前其鏤注云銳

底曰鏤平底曰錚言錚鏤者取類相明上言龍盾是

畫龍於盾則知蒙伐是畫物於伐討羽謂畫雜鳥之

羽以為盾飾也襄十年左傳狄厲彌建大車之輪而

蒙之以甲以為櫓櫓是大盾故伐為中干干伐皆盾

之別虎虎皮也韞弓室也膺馬帶也交韞交二弓於

名

詩故攷異

卷十一 秦

八

思聞齋

韞中也閉緹繩繩膝約也正義膺胃也膺上有鏤明

帶交二弓謂顛倒安置之既夕記注云韞弓檠也弛

則縛之於弓裏備損傷也以竹為之然則竹閉一名

韞言閉緹者弓人注云緹弓韞也說文云緹繫也謂

置弓韞裏以繩緹之因名韞為緹所緹之事即緹膝

是也謂以繩約弓

然後納之韞中也厭厭安靜也秩秩有知也正義釋

厭安也秩秩習也

甚羣者言和調也蒙羗也討雜也畫雜羽之文於伐

故曰羗伐 鏤膺有刻金飾也正義釋器云金謂之

讀如鞶帶之鞶謂馬大帶革路樊纓以條絲飾之不

其堅牢○案此章國 此既閱其君子寢起之勞又思

其性與德

韓駟馬不著甲曰袋駟

釋文

案說文鐔矛戟柲下銅鐔也詩曰各矛沃鐔鞬弓衣也

小戎三章章十句

蒹葭刺襄公也未能用周禮將無以固其國焉

秦處周之

舊土其人被周之德教日久矣今襄公新為諸侯未習周之禮法故國人未服焉正義三章皆言治國須

禮之事

蒹葭蒼蒼白露為霜所謂伊人在水一方遡洄從之道

阻且長遡游從之宛在水中央

遡爾雅作泝說文作泝宛釋文本亦作苑

傳興也蒹蘆葭蘆也蒼蒼盛也白露凝戾為霜然後

歲事成國家待禮然後興

正義蒹蘆葭蘆釋草文郭璞曰蒹似葭而細高數尺

詩故攷異

卷十一 秦

九

咫聞齋

蘆葦也陸璣疏曰葭水草也堅實牛食之令牛肥疆此以霜降物成喻得禮則國興伊維也一

方難至矣

正義傳以詩刺未能用周禮則未得人心則所謂維是得人之道也王肅云維得人

之道乃在水之一方一難至矣逆流而上曰遡洄

水以喻禮樂能用禮則至於道也

逆禮則莫能以至也順流而涉曰遡游順禮求濟道

來迎之

正義釋水注孫炎曰逆渡者逆流也

箋蒹葭在眾草

之中蒼蒼然疆盛至白露凝戾為霜則成而黃興者

喻眾民之不從襄公政令者得周禮以教之則服

正義鄭以蒹葭至白露為霜則成以興眾民得周禮以教則服伊當作緊緊猶是也所謂是知周禮之賢人乃在大水之一邊假喻以言遠

正義箋以伊人為知禮之人故易傳以為求賢之事此言不以敬順往求之則

不能得見宛坐見貌以敬順求之則近耳易得見也

正義逆流喻不敬順順流喻敬順皆述求賢之事

案說文蒹葭之未秀者葭葦之未秀者逆流而上曰滌洄滌洄也

蒹葭萋萋白露未晞所謂伊人在水之湄迢洄從之道

阻且躋迢游從之宛在水中坻釋文萋本亦作躋躋本又作躋

傳萋萋猶蒼蒼也晞乾也正義未晞未已言未為霜則物不成喻未得禮則國

不潛水隰也正義釋水云水草交為潛釋山云重與隰隰是山岸潛是水岸故云水隰

升也坻小渚也正義釋水云小洲曰渚小渚曰坻箋未晞未

為霜升者言其難至如升阪

蒹葭采采白露未已所謂伊人在水之涘迢洄從之道

詩故攷異 卷十一 秦

阻且右迢游從之宛在水中坻

傳采采猶萋萋也未已猶未止也 涘厓也 右出

其右也小渚曰坻 箋右者言其迂迴也

韓大渚曰坻文選注引薛君章句

蒹葭三章章八句

終南戒襄公也能取周地始為諸侯受顯服大夫美

之故作是詩以戒勸之

終南何有有條有梅君子至止錦衣狐裘顏如渥丹其

君也哉條釋文本又作櫛丹韓詩作沚音撻各反

傳興也終南周之名山中南也條稻梅柟也宜以戒

不宜也

正義地理志扶風武功縣東大壺山古文以為終南昭四年左傳曰荆山中南九州之險

是一名中南也釋木云稻山稷陸璣疏云稻今山楸也皮葉白色亦白材理好宜為車板能溼釋木又云

梅柎郭璞曰似杏實酢孫炎曰荆州曰梅楊州曰柎陸璣疏云梅樹皮葉似豫樟豫樟葉大如牛耳一頭

尖赤心華赤黃子青不可食柎葉大可三四葉一叢木理細緻於豫樟子赤者材堅子白者材脆○案柎

卽柎則梅柎非似杏實

正義狐白裘其上加錦衣以為裼其上又加皮弁服也玉藻云君衣狐白裘錦衣以裼之凡裼衣象裘色

也士冠禮注云諸侯與其臣皮弁以視朔朝服以日視朝論語曰素衣麕裘云素衣諸侯視朔之服聘禮

云公側受宰玉裼降立注引論語曰素衣麕裘然則

諸侯在國視朔及受鄰國之聘其皮弁服皆服麕裘

不服狐白此言狐裘朝廷之服謂諸侯在天子之朝

廷服此服耳諸侯受天子之賜歸則服以告廟而已

於後不復服之知視朔受聘服麕裘

此美其受賜而歸故言錦衣狐裘

詩故攷

卷十一 秦

十一

咫聞齋

意以為名山高大有茂木也興者喻人君有盛德

乃宜有顯服猶山之木有大小也此之謂戒勸正義若無

盛德則不宜矣君當務崇明德無使不宜

至止者受命服於天子而來也

諸侯狐裘錦衣以裼之 渥厚漬也顏色如厚漬之

丹言赤而澤也其君也哉儀貌尊嚴也

韓顏如渥

外傳作楮

渥楮也

釋文

案西都賦表以太華終南之山西京賦終南太一隆嶺崔峯郡縣志終南山在京兆府萬年縣南五十里

一名太一括地志一名南山李善曰終南山之總名太一一山之別號說文梅柎也可食此條梅之梅

果酸果也此似杏實酢之梅

終南何有有紀有堂君子至止黻衣繡裳佩玉將將壽

考不忘

釋文紀本亦作肥

傳紀基也堂畢道平如堂也

正義謂山基釋丘云畢堂牆郭璞曰今終南

山道名畢其邊若堂之牆

黑與青謂之黻五色備謂之繡正義續人交黻

在裳言衣者衣大名

箋畢也堂也亦高大之山所宜有也畢

終南山之道名邊如堂之牆然

案崔靈恩集注紀作肥曰終南之宛有肥山震宇記堂即畢原也

終南二章章六句

黃鳥哀三良也國人刺穆公以人從死而作是詩也

三良三善臣也謂奄息仲行鍼虎也從死自般以從死正義云六年左傳云秦伯任好卒以子車氏之三子為殉皆秦之良也國人哀之為之賦黃鳥服虔

曰子車秦大夫氏殺人以葬環其左右曰殉

詩故攷異

卷十一 秦

三

咫聞齋

齊秦穆貴信而士多死

臣衡傳應劭注曰公與羣臣飲酒酣公曰生共此樂死共

此哀奄息仲行鍼虎皆許諾及公薨皆從死

案括地志穆公冢在岐州雍縣東南二里三良冢在雍縣一里故城內

交黃鳥止于棘誰從穆公子車奄息維此奄息百夫

之特臨其穴惴惴其慄彼蒼者天殲我良人如可贖兮

人百其身

釋文贖子廉反贖食燭反

傳興也交小貌黃鳥以時往來得其所人以壽命

終亦得其所子車氏奄息名乃特百夫之德

惴惴懼也殲盡良善也箋黃鳥止于棘以求安

已也此棘若不安則移興者喻臣之事君亦然今穆

公使臣從死刺其不得黃鳥止于棘之本意

正義易傳者以

臣有去雷之道不得生死從君

言誰從穆公者傷之

百夫之中最

雄俊也

穴謂冢壙中也秦人哀傷此奄息之死臨

視其壙皆為之悼慄

言彼蒼者天愬之如此奄息

之死可以他人贖之者人皆百其身謂一身百死猶

為之惜善人之甚

交交黃鳥止于桑誰從穆公子車仲行維此仲行百夫

之防臨其穴惴惴其慄彼蒼者天殲我良人如可贖兮

人百其身

釋文防毛音方鄭音房

傳防比也

箋仲行字也

正義或名或字取其韻耳

防猶當也言

詩故攷異

卷十一 秦

三

咫聞齋

此一人當百夫

交交黃鳥止于楚誰從穆公子車鍼虎維此鍼虎百夫

之禦臨其穴惴惴其慄彼蒼者天殲我良人如可贖兮

人百其身

傳禦當也

黃鳥三章章十二句

晨風刺康公也忌穆公之業始棄其賢臣焉

歌彼晨風鬱彼北林未見君子憂心欽欽如何如何忘

我實多

歎辭詩作鶉晨說文作鶉鬱周禮注作宛

傳興也歌疾飛貌晨風鶉也鬱積也北林林名也先

君招賢人賢人往之駛疾如晨風之飛入北林

正義晨風

鷓釋鳥文郭璞曰鷓屬陸璣疏云鷓似鷓青黃色燕領勾喙嚮風搖翅乃因風飛急疾擊鳩鷓雀食之

思望之心中欽欽然

正義穆公思賢之狀

今則忘之矣

箋先

君謂穆公言穆公始未見賢者之時思望而憂之

此以穆公之意責康公如何如何乎女忘我之事

實多

山有苞櫟隰有六駮未見君子憂心靡樂如何如何忘

我實多

傳櫟木也駮如馬倨牙食虎豹

正義釋木云櫟其實林孫炎曰櫟實緣也

有椽橐自裹也陸璣疏云秦人謂柞櫟為櫟河內人謂木蓼為櫟其子房生為椽此秦詩宜從其方立之

詩故攷異

卷十一 秦

齒

咫聞齋

言柞櫟是也釋畜云駮如馬倨牙食虎豹王肅云言六據所見而言也倨牙者謂其牙倨曲也陸璣疏云駮馬梓榆也其樹皮青白駮犖遙視似駮馬故

謂之駮馬下章皆山隰之木相配不宜云獸

山之櫟隰之駮皆其所宜有也以言賢者亦國家所

宜有之

案古今注六駮山中有木其葉似象章皮多癘駮答問釋木云駮赤李其卽詩之六駮乎

山有苞椽隰有樹椽未見君子憂心如醉如何如何忘

我實多

釋文椽或作遂說文作椽

傳椽唐椽也椽赤羅也

正義釋木文郭璞曰今楊椽也實似梨而小酢可食陸璣

疏云椽一名山梨

案說文椽羅也詩曰隰有樹椽

晨風三章章六句

無衣刺用兵也秦人刺其君好攻戰亟用兵而不與

民同欲焉正義康公以文七年五十八年卒案文七年晉人秦人戰于令狐十年秦伯伐晉十二年晉人秦人戰于河曲十六年

楚人秦人滅庸是其好攻戰也

案陸堂詩學傳二十四年左傳襄王使簡師父告叔帶之難于晉亦使左驛父告于秦秦伯師於河上將納王晉侯辭秦師然則奉王命而勦同仇此詩正詠其事屬秦穆時無疑此說與箋疏異而解王字甚直捷

豈曰無衣與子同袍王于興師脩我戈矛與子同仇

傳興也袍襦也上與百姓同欲則百姓樂致其死

義袍襦釋言文王藻云纊為繭繻為袍然則純著新綿為襦雜用舊絮為袍其制度一也此經所言朋友相

詩故攷異卷十一 秦 壹 恐聞齋

與同袍以興也

與百姓同欲也戈長六尺六寸矛長二丈天下有道

則禮樂征伐自天子出仇匹也正義廬人云戈長六尺六寸酋矛常有四

尺注云八尺曰尋倍尋曰常常有四尺是長二丈也傳以康公不與百姓同欲非王興師而自好攻戰故

百姓怨也王肅云疾其好攻戰不由王命故思王興師是也箋此責康公之言

也君豈嘗曰女無衣我與女同袍乎言不與民同欲

正義鄭以康公平時不肯言此于於也怨耦曰仇君不與我同欲而

於王興師則云脩我戈矛與子同仇往伐之刺其好

攻戰正義箋以此陳康公傳令之辭也征伐是王者之法故以王為言

案釋名袍苞也苞內衣也

豈曰無衣與子同澤王于興師脩我矛戟與子偕作說

文作釋

傳澤潤澤也

作起也

箋澤褻衣近污垢

正義說文云釋

袴也論語注云褻衣袍袴也

戰車戟常也

正義廬人文常長丈六

案釋名汗衣近身受汗垢之衣也詩謂之澤受汗澤也作之用六尺裁足覆背格也

豈曰無衣與子同裳王于興師脩我甲兵與子偕行

書作

傳行往也

無衣三章章五句

渭陽康公念母也康公之母晉獻公之文文公遭麗

釋文本亦作驪

姬之難未反而秦姬卒穆公納文公康公時

詩故攷異

卷十一 秦

共

咫聞齋

為大子贈送文公子于渭之陽念母之不見也我見舅

氏如母存焉及其卽位思而作是詩也

正義左傳莊二十八年晉

獻公烝於齊姜庄秦穆夫人及太子申生又娶二女於戎大戎狐姬生重耳小戎子生夷吾是康公之母

為文公異母姊也僖四年麗姬譖申生申生自殺又譖二公子曰皆知之重耳奔蒲夷吾奔屈僖五年重

耳奔翟是文公遭麗姬之難也僖二十四年穆公納文公

我送舅氏曰至渭陽何以贈之路車乘黃

傳母之昆弟曰舅

正義釋親文孫炎曰舅之言舊尊長之稱

贈送也乘黃

四馬也

箋渭水名也秦是時都雍至渭陽者蓋東

行送舅氏於咸陽之地

正義雍在渭南水北曰陽晉在秦東行必渡渭地理志云

右扶風渭城縣故咸陽也其地在渭水之北

案水經注渭水逕長安城北注卽咸陽也

我送舅氏悠悠我思何以贈之瓊瑰玉佩

釋文瑰古回反

傳瓊瑰石而次玉

正義瓊者玉之美名非玉名也瑰是美石佩玉唯天子用純諸侯以下玉石

雜用

渭陽二章章四句

權輿刺康公也忘先君之舊臣與賢者有始而無終也

於我乎夏屋渠渠今也每食無餘于嗟乎不承權輿

爾雅承權輿

傳夏大也 承繼也權輿始也

正義釋詁文此述賢人責康公之辭

詩故攷異

卷十一 秦

七

咫聞齋

具以食我其意勤勤然也言君始於我厚設禮食大

王肅云屋則立之於先君食則受之於今君故居大屋而食無餘義似可通鄭謂始則大具終則無餘皆說飲食之事不

得言屋宅也 此言君今遇我薄其食我纔足耳

案釋言屋具也今本作握逸書周月解是謂日月權輿天戴詒志篇孟春百草權輿皆言始也

於我乎每食四簋今也每食不飽于嗟乎不承權輿

傳四簋黍稷稻粱

正義考工記云旒人為簋其實一穀然則簋是瓦器容計二升也易

損卦二簋注云離為日日體圓與為木木器圓簋象則亦以木為之也舍人注云方曰簋圓曰簋則簋簋

形異也公食大夫禮云宰夫設黍稷六簋又云宰夫授公飯梁公設之宰夫膳稻於梁西注云進稻梁者

以簋掌容注云簋稻梁器也簋黍稷器也此四簋內兼有稻梁者言每食則是平常燕食器物不具故稻

兼有稻梁者言每食則是平常燕食器物不具故稻

梁在

案釋文內方外圓曰盩以盛黍稷外方內圓曰盩用貯稻梁皆容一斗二升

權輿二章章五句

秦國十篇二十七章百八十一句

附錄偽魯詩傳說○秦十篇詩傳云秦襄公以王命征戎周人赴之賦無衣襄公遣大夫征伐而勞之賦小戎襄公伐戎初命為秦伯國人榮之賦車鄰襄公克戎始取周地秦人矜之賦終南襄公始有田關之事秦人喜之賦駟鐵晉重耳入于晉秦穆公送之賦渭陽康公葬穆公以子車氏三子殉秦人哀之賦黃鳥君子隱于川上○秦之賦蒹葭晨風權輿皆殘缺詩說云無衣秦襄公以王命征戎周人赴之小戎秦襄公征戎而勞其大夫之詩車鄰襄公初為諸侯周大夫與燕美之而作終南襄公初為諸侯秦人祝之而作駟鐵秦人從狩而作渭陽晉公子重耳歸于晉秦穆公送之而作是詩黃鳥秦穆公卒世子營以

三良殉之秦人傷之而作是詩蒹葭君子隱于河上秦人慕之而作是詩晨風秦君遇賢始勤終怠賢人譏之權輿則與前篇同義

詩故攷異

卷十一 秦

文

應聞齋

陳

陳譜陳者大暉虞戲氏之墟

正義地理志云淮陽古陳國舜後胡公所封也

虞戲卽伏羲音義同

帝舜之胄有虞闕父者爲周武王陶正武

王賴其利器用與其神明之後封其子媯滿於陳都

於宛丘之側是曰陳胡公以備三恪

說文作窻

妻以元女

大姬

正義鄭據襄二十五年左傳文也又昭八年左傳云胡公不淫故周賜之姓使祀虞帝則胡公

姓媯武王所賜袁元年左傳少康逃奔有虞虞思妻之以二姚虞思仍爲姚姓是胡公始姓媯也恪者敬

也王者敬先代封其後鄭駁異義云三恪尊於諸侯卑於二王之後則祀宋以外別有三恪謂黃帝堯舜

詩故攷異

卷十二

一

廋聞齋

之後也杜預以陳與杞宋爲三恪案樂記云武王未及下車封黃帝之後於薊封帝堯之後於祝封帝舜

之後於陳下車乃封夏后氏之後於杞封殷之後於宋明陳與薊祝共爲三恪杞宋別爲二王之後矣

其封域在禹貢豫州之東其地廣平無名山大澤西

望外方東不及明豬

正義地理志外方卽嵩高山明豬在梁國睢陽縣東北明豬尙

書作盟豬卽左傳稱孟諸之麋爾雅宋有孟諸是也但聲說字變耳

大姬無子好巫禱

禱祈鬼神歌舞之樂民俗化而爲之

正義蓋太姬禱而得子故彌信

巫覡也楚語曰在女曰巫在男曰覡

五世至幽公當厲王時政衰大夫

淫荒所爲無度國人傷而刺之陳之變風作矣

案地理志周武王封媯滿于陳是爲胡公妻以元女太姬婦人尊貴好祭祀用史巫故其俗巫鬼陳詩曰

坎其擊鼓宛丘之下亾冬亾夏值其鷺羽又曰東門之枌宛丘之榭子仲之子婆娑其下此其風也吳札

聞陳之歌曰國無主其能久乎
自胡公後二十三世爲楚所滅

宛丘刺幽公也淫荒昏亂游蕩無度焉

子之湯兮宛丘之上兮洵有情兮而無望兮
湯釋文他浪反瑟辭

章句作蕩

傳子大夫也湯蕩也四方高中央下曰宛丘
正義大夫游蕩

高丘荒廢政事由幽公化之使然故舉之以刺幽公也釋丘云宛中宛丘言中央宛宛然是爲四方高中央下郭璞謂中央隆峻與此傳正反洵信也
箋子毛傳是也李巡孫炎皆云中央下者斥幽公也游蕩無所不爲
正義鄭以子斥幽公爲異此君信有

淫荒之情其威儀無可觀望而則微

案爾雅陳有宛丘注今在陳郡陳縣水經注宛丘在陳城南道東九經古義湯古蕩字王逸引此詩正作詩故攷異
卷十二 陳 二 咫聞齋

蕩云蕩猶蕩蕩蕩無思慮貌也

坎其擊鼓宛丘之下無冬無夏值其鷺羽
二無字漢書作八

傳坎坎擊鼓聲 值持也鷺鳥之羽可以爲翳
正義釋鳥

云鷺春組郭璞曰白鷺也頭翮背上皆有長翰毛江東人取以爲睫攤名之曰白鷺縷陸璣疏云鷺水鳥也好而潔白故謂之白鳥齊魯之間謂之春組青脚高尺七八寸尾如鷺尾喙長三寸頭上有毛十數枚長尺餘毳毳然欲取魚時則弭之復有赤者舊鼓吹朱鷺曲是也然則鳥名白鷺赤者少耳

翳舞者所持以指麾

坎其擊缶宛丘之道無冬無夏值其鷺翮
釋文缶方有反翮音導

傳盞謂之缶
正義釋器文孫炎曰缶瓦器郭璞曰盞益也此擊缶是樂器易離卦九三云鼓

缶而歌注云艮爻也位近丑丑上值弁星弁星似缶史記藺相如使秦王鼓缶是樂器爲缶也案坎卦六

四樽酒盞貳用缶注云爰辰在丑丑上值斗可以斟
之象斗上有建星形似盞貳副也建星上有弁星又
如缶天子大臣以王命出會諸侯主國尊於盞副設
左酒以缶則又是酒器比卦初六有孚盈缶注云爰
辰在未上值東井井之水人所汲用缶缶汲器襄
九年左傳云具綆缶衛水器則又是汲水之器 壽
駢也 正義釋言文郭璞曰
舞者所以自蔽翳

宛丘三章章四句

東門之枌疾亂也幽公淫荒風化之所行男女棄其

舊業亟會於道路歌舞於市井爾

正義白虎通云因井為市故曰市井

應劭風俗通云市特也養贍老少特以不價也古者
二十畝為一井為市交易因稱市井然則本井田中
交易為市故國都之市亦名市井案應劭二十畝為
井者還食貨志一井八家家有私田百畝公田十畝
餘二十畝以為井竈廬舍其文
易之處在廬舍故言二十畝

詩故攷異

卷十二 陳

三

咫聞齋

東門之枌宛丘之榭子仲之子婆娑其下

婆釋文步波反說文作娑

娑釋文

傳枌白榆也榭榭也國之交會男女之所聚

正義釋木云榆

白枌孫炎曰榆白者名枌郭璞曰枌榆先生葉卻著
莢皮色白榭榭釋木文此二木是道路交會處也

子仲陳大夫氏婆娑舞也

正義此刺在位之人明子仲是大夫之氏也李巡曰

婆娑盤辟舞也

箋之子男子也

穀旦于差南方之原不績其麻市也婆娑

釋文且本亦作且差鄭初

佳反韓詩作嗟

傳穀善也原大夫氏

正義春秋莊二十七年季友如陳葬原仲是陳有大夫姓原氏

箋旦明于日差擇也朝日善明日相擇矣以南方

原氏之女可以爲上處釋義男擇女也續麻者婦人之事也

疾其今不爲釋義女會男也

韓穀旦于嗟釋文○案王肅差音嗟同韓詩案說文嬰奢也娑舞也詩曰市也娑娑

穀旦于逝越以醜邁視爾如莢貽我握椒釋文穀子公反莢祈饒反

傳逝往醜數邁行也釋義假有績者於是行醜謂麻縷每數一升而用繩

紀之故醜爲數王肅云醜數績麻之縷也莢芘芘也椒芬香也釋義莢芘華紫綠色可食微苦椒之實芬香

陸璣疏云芘芘一名荊葵似蕪菁

朝日善明曰往矣謂之所會處也於是以總行欲男

女合行釋義鄭以醜爲總集之意女從男也男女交會而相說曰我視

詩故攷異 卷十二 陳 四 咫聞齋

女之顏色美如芘芘之華然女乃遺我一握之椒交

情好也此本淫亂之所由釋義男語女也

東門之枌三章章四句

衡門誘僖公也愿而無立志故作是詩以誘掖其君

也誘進也掖扶持也

衡門之下可以棲遲泌之洋洋可以樂飢釋文衡如字橫也沈云古

文橫字樂毛音洛鄭本作藥力召反韞詩作療

傳衡門橫木爲門言淺陋也棲遲遊息也釋義衡古字也門之深者有阿第堂字此唯橫木爲泌泉水也

之其淺也舍人曰棲遲行步之息也洋洋廣大也樂飢可以樂道忘飢釋義邶風有泌彼泉水知泌爲泉水

泉水涓流不已乃至廣大况人君寧不進德積小成
大樂道忘飢乎此是誘掖之辭王肅云洋洋泌水可
以樂道忘飢巍巍南

面可以樂治忘亂

不遊息於其下以喻人君不可以國小則不興治致
政化 飢者不足於食也泌水之流洋洋然飢者見
之可飲以瘵飢以喻人君懇愿任用賢臣則政教成
亦猶是也

韓可以瘵飢 外傳○案說文瘵治也从疒樂聲或
从夬作瘵是鄭之瘵即韓之瘵也

案九經古義嚴發碑云西遲衡門說文云西鳥在巢
上象形日在西方而鳥棲故因以為東西之西或作
棲从木妻是西為古文棲也劉楨毛詩
義問橫一木作門而上無屋謂之衡門

豈其食魚必河之魴豈其取妻必齊之姜 釋文取
音娶

詩故攷異 卷十二 陳 五 咫聞齋

【箋】此言何必河之魴然後可食取其美口而已何必
大國之女然後可妻亦取貞順而已以喻君任臣何
必聖人亦取忠孝而已齊姜姓

豈其食魚必河之鯉豈其取妻必宋之子

【箋】宋子姓

衡門三章章四句

東門之池刺時也疾其君之淫昏而思賢女以配君

子也 正義經三章皆
思得賢女之事 釋文漚

東門之池可以漚麻彼美淑姬可與晤歌 烏豆反

傳興也池城池也漚柔也 正義諸詩言東門皆是城
門故以池為城池考工記

幄氏以澆水漚其絲注云漚漚也 晤遇也正義釋言云遇偶也

此云柔者謂漸漬使之柔韌也 然則遇亦對偶之義故王肅云可以與相遇歌樂室家之事

可緝績作衣服與者喻賢女能柔順君子成其德教

晤猶對也言淑姬賢女君子宜與對歌相切化也

正義翼其切化使君為善謂之姬者黃帝姓姬炎帝姓姜二姓之女美者尤多遂以姬姜為婦人之美稱

左傳引逸詩云雖有姬姜無棄憔悴是也

案水經注陳城故陳國也東門內有池池水東西七十步南北八十許步水至清潔而不耗竭不生魚草

水中有故臺處詩所謂東門之池也

東門之池可以漚紵彼美淑姬可與晤語釋文紵又作苧

正義陸璣疏云紵亦麻也科生數十莖宿根在地中至春自生不歲種也荆揚之間一歲三收今南越紵

詩故攷異 卷十二 陳 六 咫聞齋

布皆用此麻

東門之池可以漚菅彼美淑姬可與晤言晤列女傳作寤

正義菅者巴漚之茅陸璣疏云菅似茅而滑澤無毛根下五寸中有白粉者柔韌宜

為索漚乃尤善矣

東門之池三章章四句

東門之楊刺時也昏姻失時男女多違親迎女猶有

不至者也正義毛以失時者失秋冬之時鄭以為失仲春之時違謂女違男

東門之楊其葉牂牂昏以為期明星煌煌釋文牂反

傳興也牂牂然盛貌言男女失時不逮秋冬正義楊葉初生

喻正時楊葉已盛喻過時毛以秋冬為昏之正時薊卿云霜降逆女冰泮殺止霜降九月也冰泮正月也

然則自九月至正月皆可為昏家語云霜降而婦功成嫁娶者行焉冰泮而農業起昏禮殺於此又云冬合男女春頌爵位毛公親事荀卿或見家語故依用焉 期而不至也 箋楊葉

辨辨三月中也與者喻時晚也失仲春之月正義鄭以周禮

言仲春之月令會男女故以仲春為昏月親迎之禮以昏時女雷他色不

肯時行乃至大星煌煌然正義士昏禮執燭前馬是以昏也用昏者取陽往陰

來之義

東門之楊其葉肺肺昏以為期明星晬晬釋文肺普貝反晬之世反

傳肺肺猶辨辨也 晬晬猶煌煌也

東門之楊二章章四句

墓門刺陳佗也陳佗無良師傅以至於不義惡加於

詩故攷異

卷十二 陳

七

忠聞齋

萬民焉不義者謂弑君而自立正義春秋桓五年正月甲戌己丑陳侯鮑卒左傳云再赴也文公

子佗殺太子免而代之公疾病而亂作國人分散故再赴是陳佗弑君自立之事也

魯陳辯女陳國采桑之女也晉大夫解居甫使於宋

過陳遇采桑之女止而戲之女為歌曰墓門有棘云

云又曰墓門有楛云云大夫乃釋之列女傳○案王逸天問注解居

父聘吳過陳之墓門見婦人負子欲與之淫婦人引詩刺之曰墓門有棘有鴟萃止似本列女傳之說而

附會之者

墓門有棘斧以斯之夫也不良國人知之知而不已誰

昔然矣

傳興也墓門墓道之門斯析也幽閒希行用生此棘

薪維斧可以開析之

正義以與陳佗之惡必明師乃可以訓道之釋言云斯離也孫

炎曰斯析之離

夫傅相也

昔久也

箋興者喻陳佗由不

覩賢師良傅之訓道至陷於誅絕之罪

良善也陳

佗之師傅不善羣臣皆知之言其罪惡著也 已猶

去也誰昔昔也國人皆知其有罪惡而不誅退終致

禍難自古昔之時常然

正義誰昔昔也釋訓文郭璞曰誰發語辭

墓門有梅有鴉萃止夫也不良歌以訊之訊子不顧顛

倒思子

梅列女傳作媒訊之廣韻作諱止訊子楚辭章句作諱子

傳梅柶也鴉惡聲之鳥也萃集也

正義陸璣疏云鴉大如斑鳩綠色惡

聲之鳥入人家凶賈誼所賦鴉鳥是其肉甚美可為羹臠又可為炙

訊告也

正義釋詁文

詩故攷異

卷十二 陳

八

咫聞齋

箋梅之樹善惡自耳徒以鴉集其上而鳴人則惡

之樹因惡矣以喻陳佗之性本未必惡師傅惡而陳

佗從之而惡

歌謂作此詩也既作又使工歌之是

謂之告

予我也歌以告之女不顧念我言至於破

滅顛倒之急乃思我之言言其晚也

韓訊諫也

釋文

墓門二章章六句

防有鵲巢憂讒賊也宣公多信讒君子憂懼焉

防有鵲巢邛有旨苕誰侮予美心焉切切

邛釋文其苕反美韓詩作

媿

傳興也防邑也邛丘也茗草也

正義茗之華傳云陵茗此直云草彼生下

溼此生高丘與彼異也陸璣疏云茗茗饒也幽州人謂之翹饒夏生莖如勞豆而細葉似蒺藜而青其莖葉綠色可生食如小豆藿也

俯張誑也正義釋訓文郭璞曰幻惑欺誑人者

箋防

之有鵲巢邛之有美茗處勢自然興者喻宣公信多

言之人故致此讒人

正義防多樹木故鵲巢焉邛丘地美故茗生焉宣公信讒故讒

焉誰誰讒人也女眾讒人誰俯張誑欺我所美之人

乎使我心切切然所美謂宣公也

韓誰侑子媿媿美也

釋文

案續漢郡國志補注博物記云邛地在陳國陳縣北防亭在焉說文侑有靡蔽也釋文切憂也

中唐有璧邛有旨鵲誰侑子美心焉惕惕

璧釋文薄庭反鵲爾雅作

詩故攷異

卷十二

九

忠聞齋

薦說文作薦類篇作薦

傳中中庭也唐堂塗也璧瓴甌也鵲綬草也

正義釋宮云廟

中路謂之唐堂塗謂之陳堂塗堂下至門之徑也然則唐與陳廟庭之異名耳其實一也釋宮又云瓴甌謂之璧郭璞曰甌甌也鵲綬釋草文郭璞曰小草有雜色似綬陸璣疏云鵲五色作綬文故曰綬草惕

惕猶切切也

謹心焉惕惕惕悅人

爾雅注

案說文薦綬也詩曰邛有旨薦說文引經考鵲鳥名薦草名

防有鵲巢二章章四句

月出刺好色也在位不好德而說美色焉

月出皎兮佼人僚兮舒窈窕兮勞心悄悄兮

釋文敵本又作皎佼字又

作姣像本亦作嫫同音
了糾其趙反梢七小反

傳興也皎月光也 僚好貌舒遲也窈糾舒之姿也

正義僚謂形貌好舒言婦人行步舒緩 悄憂也 箋興者喻婦人有美

色之白皙 思而不見則憂

案方言自關而東河濟之間凡好謂之皎

月出皓兮佼人懌兮舒憂受兮勞心慍兮 釋文劉本又作懌力久反

好貌埤蒼作嫫嫫妖也懌於久反舒貌極七老反憂也

月出照兮佼人燎兮舒天紹兮勞心慘兮 釋文燎力召反慘七感反

憂也張參五經文字作燥

月出三章章四句

詩故攷異

卷十二 陳

十

咫聞齋

株林刺靈公也淫乎夏姬驅馳而往朝夕不休息焉

夏姬陳大夫妻夏徵舒之母鄭女也徵舒字子南夫字御叔正義宣九年左傳稱陳靈公與孔寧儀行父通於夏姬十年經云陳

夏徵舒弑其君平國

胡為乎株林從夏南匪適株林從夏南 釋文夏戶雅反

傳株林夏氏邑也夏南夏徵舒也 正義王肅云反覆言之疾之也

箋陳人責靈公君何為之株林從夏氏子南之母為

淫泆之行 匪非也言我非之株林從夏氏子南之

母為淫泆之行自之他耳觥拒之辭

案郡國志陳縣注陳有株邑蓋朱襄之地郡縣志宋州柘城縣本陳之株邑詩株林是也

駕我乘馬說于株野乘我乘駒朝食于株 釋文說音稅

傳大夫乘駒

正義王肅云陳大夫孔寧儀行父與君淫于夏氏王意以乘駒者謂孔儀從君

適株傳意或當然

箋我國人我君也君親乘君乘馬乘君

乘駒變易車乘以至株林或說舍焉或朝食焉又責

之也馬六尺以下曰駒

株林二章章四句

澤陂刺時也言靈公君臣淫於其國男女相說憂思

感傷焉

君臣淫於國謂與孔寧儀行父也感傷謂涕泗漉漉

彼澤之陂有蒲與荷有美一人傷如之何寤寐無為涕

泗漉漉

爾雅注作茄傷魯詩作陽

傳興也陂澤障也荷芙蕖也

釋文夫渠本亦作芙蕖正義毛以興男悅女也

詩故攷異

卷十二 陳

十一

咫聞齋

澤障謂澤畔障水之岸釋草云荷芙蕖其莖茄其葉

葢其本菴其華菡萏其實蓮其根藕其中叶的叶中葢

陸璣疏云蓮青皮裏白子為的的中有青為薏味甚

苦里語云苦如薏是也傳意蒲荷共喻美人之貌蒲

草柔滑喻容體荷有紅華喻顏色傷無禮也正義君子傷彼美自目

曰涕自鼻曰泗箋蒲柔滑之物芙蕖之莖曰荷生

而佼大興者蒲以喻所說男之性荷以喻所說女之

容體也正以陂中二物興者喻淫風由同姓生正義鄭以

喻男女相悅也芙蕖之莖曰茄此言荷者荷為大名

樊光注爾雅引詩有蒲與茄則詩本有作茄字者傷思也我思此美人當如之何而得見之正義箋易

魯陽如之何

爾雅注○案釋詁陽予也郭璞注引魯詩又云今巴濮之人自呼阿陽

人不得見而憂傷也傷思釋言文寤覺也

案說文蒲水草也可以作席

彼澤之陂有蒲菡萏有美一人碩大且卷寤寐無為中

心娟娟釋文卷本又作媿同其員反

傳蒲蘭也 卷好貌 娟娟猶悒悒也 **箋**蘭當作

蓮蓮芙蕖實也蓮以喻女之言信案箋易傳

彼澤之陂有蒲菡萏有美一人碩大且儼寤寐無為輾

轉伏枕菡萏釋文本又作荅敬儼本又作儼魚檢反韓詩說文作媿輾韓詩作展

傳菡萏荷華也 儼矜莊貌 **箋**華以喻女之顏色

韓碩大且媿媿重頤也太平御覽引薛君章句展轉伏枕文選注

案說文媿含怒也一曰難知也詩曰碩大且媿

詩故攷異 卷十二 澤陂三章章六句 十一 咫聞齋

陳國十篇二十六章百二十四句

附錄偽魯詩傳說○陳十篇詩傳云宛丘衡門殘缺陳靈公如夏氏□□之賦株林孔寧儀行父從君□□泄治刺之賦墓門陳靈公聽讒囚泄治內子憂之賦防有鵲巢陳殺其大夫泄治□□傷之賦澤陂東門之枌東門之池東門之楊月出皆殘缺詩說云宛丘陳人譏其大夫之詩衡門君子樂隱之詩株林陳靈公通平夏姬國人刺之墓門泄治諫靈公孔寧儀行父譖而囚之治作是詩防有鵲巢泄治被讒內子憂之而作澤陂泄治諫而死君子傷之東門之枌東門之池東門之楊月出朋友相期不至而作

詩故攷異卷十三

東吳徐華嶽輯

檜

左傳國語作郇
地理志作會

檜譜檜者古高辛氏火正祝融之墟

正義左傳云鄭

滅檜而處之故知檜是祝融之墟楚語稱顓頊命南

正重司天以屬神命火正黎司地以屬民則黎為火

正高陽時也言高辛者歷及高辛仍為此職也韋昭

以火當為北北陰位以五行官有火正祝融則火官

之號若天地之官據陰陽之位對南正為文則為北

正是黎一人居二官也鄭順外傳之文故云火正耳

檜國在禹貢豫州外方之北滎波之南居溱洧之間

祝融氏名黎其後八姓唯妘姓檜者處其地焉正義鄭語

云祝融其後八姓己姓昆吾蘇顧溫董也董姓禳夷

參龍也彭姓彭祖豕韋諸稽也禿姓舟人也妘姓郟

一

檜路徧陽也曹姓鄒苕也斟姓無後通楚為芊姓是

八姓也楚世家云帝嚳誅重黎以其弟吳回為後復

居火正吳回生陸終陸終生子六人四曰會人案世

本會人即檜之祖章昭服虔皆云檜是陸終第四子

求言後然則八姓乃黎弟吳回之後以吳回繫黎之

後復居黎職故本之黎也史記以重黎為一人又以

吳回為重黎皆謬周夷王厲王之時檜公不務政事而好絮

衣服大夫去之於是檜之變風始作正義鄭語史伯

不言檜仲則在前也左傳魯為季札歌其國北鄰於

詩自檜以下無譏故鄭不言檜之風俗

正義此謂東號杜預云西號在弘農陝縣東南東

號今滎陽東號鄭武公滅之西號則晉獻公滅之

案釋文檜子男之國王肅云周武王封之於濟洛河

穎之閒為檜子周語鄭之亾由叔妘左傳杜注郟城

在滎陽密縣東北水經注洧水又東南逕檜城南

又案九經古義潛夫論上會在河伊之閒其君驕貪

嗇儉滅爵損祿羣臣卑讓上下不臨詩人憂之故作

羔裘閱其痛悼也匪風冀君先教也會仲不悟重氏

詩故攷異

卷十三 檜

一

咫聞齋

伐之上下不能相使禁罰不行遂以見凶余案此高辛時有鄒之君非外傳檜仲也汲郡古文帝高辛十六年帝使重帥師滅有鄒左史戎夫所云重氏伐之鄒君以凶是也世本云陸終生子六人四曰求言是為鄒人陸終在高辛之後或因有鄒之墟而封之後為鄭武公所滅耳王符之說失之

羔裘大夫以道去其君也國小而迫君不用道好絜

其衣服逍遙游宴而不能自彊於政治故作是詩也

以道去其君者三諫不從待放於郊得玦乃去正義得玦乃去者荀卿書云聘士以圭復士以璧召人以瑗絕人以玦反絕以環穀梁傳注君賜之環則還賜之玦則往

羔裘逍遙狐裘以朝豈不爾思勞心忉忉釋文朝直遙反

傳羔裘以游燕狐裘以適朝 國無政令使我心勞

箋諸侯之朝服緇衣羔裘大蜡而息民則有黃衣

詩故攷異 卷十三 檜 二 咫聞齋

狐裘今以朝服燕祭服朝是其好絜衣服也先言燕

後言朝見君之志不能自彊於政治正義諸侯視朝之服曰朝服也

士冠禮云主人立冠朝服緇帶素鞶注云衣與冠同

色論語云緇衣羔裘玉藻云羔裘緇衣以裼之論語

又云羔裘玄冠是羔裘所用配玄冠羔裘之上必用

緇布衣為裼裼衣之上正服亦是緇色明是朝服可

知故知羔裘是視朝之服也人君以歲事成熟搜索

羣神而報祭之謂之大蜡又臘祭先祖五祀因令民

得大欲農事休息謂之息大蜡於大蜡之後作息民

祭其時則有黃衣狐裘也大蜡之祭與息民異息民

用黃衣狐裘大蜡則皮弁素服其事相次故連言之

郊特牲云蜡也者索也歲十二月合聚萬物而索饗

之也皮弁素服而祭素服以送終也是大蜡之祭用

素服也又云黃衣黃冠而祭息田夫也注云祭謂既

蜡臘先祖五祀也於是勞農以休息之是息民之祭

用黃衣也故知狐裘是息民祭服也案玉藻云君衣

狐白裘錦衣以裼之又曰錦衣狐裘諸侯之服又曰

君子狐青裘豹褰玄綌衣以裼之此知是黃衣者以

服狐白裘惟在天子之朝狐青裘注云君子大夫士也爾女也三諫不從待放

而去思君如是心忉忉然

羔裘翩翩狐裘在堂豈不爾思我心憂傷

傳堂公堂也

正義首章言以朝謂視路門外之朝二章云在堂謂在路寢之堂也玉藻云君

朝服以日視朝於內朝退適路寢聽政聽政服視朝之服是在朝在堂同服羔裘今檜君皆用狐裘故二章各舉其一

箋翩翩猶逍遙也

羔裘如膏日出有曜豈不爾思中心是悼

釋文膏古報反

傳日出照曜然後見其如膏

正義潤澤如脂膏然羔裘既美狐裘可知悼

動也箋悼猶哀傷也

羔裘三章章四句

詩故攷異

卷十三

三

咫聞齋

素冠刺不能三年也

喪禮子為父卒為母皆三年時人思薄禮廢不能行也正義

毛意上二章思既練之人卒章思祥祭之人鄭以首章思見既祥之後素縞之冠下二章思見祥祭之服

庶見素冠兮棘人欒欒兮勞心博博兮

棘崔靈思集注作械欒說文作

傳庶幸也素冠練冠也棘急也欒欒瘠貌

正義禮三年之喪十

三月而練則此練冠是十三月而練服也

博博憂勞也

正義釋訓文

箋喪禮

既祥祭而縞冠素紕時人皆解緩無三年之恩於其

父母而廢其喪禮故覲幸一見素冠急於哀戚之人

形貌欒欒然瘠瘠也

正義鄭以練冠者練布為之而經傳言素皆謂白絹未有以布

為素者則素冠非練也且不能三年當謂三年將終小月日耳故易傳玉藻曰縞冠素紕既祥之冠也注

云紕緣邊也。閒傳注云：黑經白緯，曰縞。王肅亦以素冠爲大祥之冠。孫毓以箋說爲長。勞心者

憂不得見

案說文：鬻，懼也。詩曰：棘人鬻鬻兮。呂覽：肥者欲棘高誘曰棘。羸瘠也。詩云：棘人之樂。樂

庶見素衣兮我心傷悲兮聊與子同歸兮

傳素冠故素衣也。正義謂既練後服此白布喪服。願見有禮之人與

之同歸。箋除成喪者其祭也。朝服縞冠朝服緇衣

素裳然則此言素衣者謂素裳也。正義箋亦以素非縞冠喪服。小記文：祥祭當服朝服。朝服緇帶素鞞。鞞從裳色故大祥之祭其服以素爲裳裳而言衣衣是

大名聊猶且也且與子同歸欲之其家觀其居處

案閒傳又期而大祥素縞麻衣

詩故攷異

卷十三 檜

四

咫聞齋

庶見素鞞兮我心蘊結兮聊與子如一兮

傳子夏三年之喪畢見於夫子援琴而絃衍衍而樂

作而曰先王制禮不敢不及夫子曰君子也閔子騫

三年之喪畢見於夫子援琴而絃切切而哀作而曰

先王制禮不敢過也夫子曰君子也子路曰敢問何

謂也夫子曰子夏哀已盡能引而致之於禮故曰君

子也閔子騫哀未盡能自割以禮故曰君子也夫三

年之喪賢者之所輕不肖者之所勉。正義檀弓說子

反二者必有一誤。毛公當有所馬據。又喪服始終皆無鞞。素鞞是大祥祭服之鞞。然則毛意亦以卒章思 人也。箋祥祭朝服素鞞者鞞從裳色。聊與子

如一旦欲與之居處觀其行也

素冠三章章三句

隰有萋楚猗儺其枝天之沃沃樂子之無知釋文猗於可反儺乃戲不以禮也

隰有萋楚猗儺其枝天之沃沃樂子之無知釋文猗於可反儺乃

於驕反

傳興也萋楚銚弋也猗儺柔順也

正義萋楚銚弋釋草文郭璞曰今羊

桃也葉似桃華白子如小麥亦似桃陸璣疏云葉長而狹華紫赤色其枝莖弱過一尺引蔓於草上天少也沃沃壯佼也箋銚弋之性始生正直及其長大則其枝猗儺而柔順不妄尋蔓草木與者喻人少

詩故攷異

卷十三 檜

五

咫聞齋

而端慤則長大無情慾 知匹也疾君之恣故於人年少沃沃之時樂其無妃匹之意正義知匹釋詁文

隰有萋楚猗儺其華天之沃沃樂子之無家楚辭章句猗儺作猗旒

箋無家謂無夫婦室家之道

隰有萋楚猗儺其實天之沃沃樂子之無室

隰有萋楚三章章四句

匪風思周道也國小政亂憂及禍難而思周道焉

匪風發兮匪車偈兮顧瞻周道中心惓兮韓詩偈作揭坦作惓

傳發發飄風非有道之風偈偈疾驅非有道之車釋文

得疾也 怛傷也下國之亂周道滅也 箋周道周之政

令也迴首日顧

韓匪風發兮匪車揭兮說曰是非古之風也發發者

是非古之車也揭揭者蓋傷之也 漢書王吉傳 中心慙兮

同上

匪風飄兮匪車嘒兮顧瞻周道中心弔兮 嘒說文作嘒釋文本又作

票匹遙反

傳迴風為飄嘒嘒無節度也 正義迴風為飄釋天文李巡曰旋風也車當有

鸞和之節由 弔傷也 疾故無節

案說文嘒疾也詩曰匪車嘒兮

詩故攷異

卷十三 檜

六

咫聞齋

誰能亨魚既之釜鬻誰將西歸懷之好音 亨釋文普耕反既說文作

概鬻釋文音尋

傳既滌也鬻釜屬亨魚煩則碎治民煩則散知亨魚

則知治民矣 正義釋器云鬻謂之鬻鬻鈔也孫炎曰鬻東謂鬻為鬻涼州謂鬻為鈔然則鬻

是鬻亨魚用釜不用鬻雙舉者以其俱是食器故連言耳知亨魚則知治民言治民貴安靜 周道

在乎西懷歸也 正義檜在榮陽周都豐鎬在西 箋誰能者言人偶

能割亨者 誰將者亦言人偶能輔周道治民者也

檜在周之東故言西歸有能西仕於周者我則懷之

以好音謂周之舊政令 正義愛其人欲贈之

案說文概滌也詩曰概之釜鬻鬻大釜也一日鼎大上小下若鬻日鬻

匪風三章章四句

檜國四篇十二章四十五句

附錄偽魯詩傳說○檜六篇詩傳云羔求匪風長楚
素冠殘缺鄆人兄弟相棄□□□□賦夫路詩說云羔求鄆君
鄆人夫婦相棄□□□□賦夫路詩說云羔求鄆君
不能自強於政治國人憂之而作匪風周室衰微賢
人憂之而作長楚鄆人困於賦役而作素冠三年之
喪廢君子傷之而作場之水兄弟爲人所聞而被讒
者訴之詞大
路棄婦之詞

詩故攷異卷十三終

詩故攷異

卷十三 檜

七

咫聞齋

蘇國四篇十二章四十五句

匪風三章章四句

詩故攷異卷十四

東吳徐華嶽輯

曹

曹譜曹者禹貢兗州陶丘之北地名周武王既定天

下封弟叔振鐸於曹今日濟陰定陶是也正義地理志云濟陰

定陶縣故曹國禹貢陶丘在西南陶丘亭是也曹都

雖在濟陰其地則踰濟北春秋僖三十一年取濟西

田左傳曰濟西其封域在雷夏菏澤之野正義地理志雷夏澤

在濟陰成陽縣西北荷澤在濟陰定陶縣東昔堯嘗遊成陽死而葬焉舜

漁於雷澤民俗始化其遺風重厚多君子務稼穡薄

衣食以致畜積正義地理志云成陽縣有堯冢夾於魯衛之間又寡

詩故攷異 卷十四 曹 一 咫聞齋

於患難末時富而無教乃更驕侈正義魯在其東南衛在其西北

一世當周惠王時政衰昭公好奢而在小人曹之變

風始作正義昭公以魯閔公元年即位僖七年卒

案詩含神霧曹地處季夏之位土地勁急音中徵其

聲清以急重地理考陳氏曰檜凶東周之始也曹公春

秋之終也檜之卒篇曰思周道也傷天下之無王也

曹之卒篇曰思治也傷天下之無伯也

蜉蝣刺奢也昭公國小而迫無法以自守好奢而在小人將無所依焉

蜉蝣之羽衣裳楚楚心之憂矣於我歸處楚楚說文作翬翬

傳興也蜉蝣渠略也朝生夕死猶有羽翼以自脩飾

楚楚鮮明貌

正義釋蟲云蜉蝣渠略郭璞曰似蜉蝣身狹而長有角黃黑色叢生糞土中朝

生暮死猶好噉之陸機疏云似甲蟲有角大如指長三四寸甲下有翅能飛夏月陰雨時地中出

箋興者喻昭公之朝其羣臣皆小人也徒整飾其衣

裳不知國之將迫脅君臣死亾無日如渠略然歸

依歸君當於何依歸乎言有危亾之難將無所就往

案夏小正五月浮游有股股衆也浮游也者渠略也易本命蜉蝣不飲不食方言蜉蝣秦晉之間謂之蠖

蠖說文蠖會五采鮮色詩曰衣裳蠖蠖

蜉蝣之翼采采衣服心之憂矣於我歸息

傳采采衆多也息止也

蜉蝣掘閱麻衣如雪心之憂矣於我歸說

掘說文作堀說釋文音稅

詩故攷異

卷十四

二

咫聞齋

協韻如字

傳掘閱容閱也如雪言鮮絜

正義此蟲土裏化生閱者悅釋之意掘閱者言

其掘地而出形容鮮閱也

箋掘閱掘地解

音蟹閱謂其始生時也

以解閱喻君臣朝夕變易衣服也麻衣深衣諸侯之

朝朝服朝夕則深衣也

正義謂開解而容閱上羽翼謂成蟲之後此掘閱舉始生

之時蟲以朝夕容貌不同故知喻朝夕變易衣服衣純用布色白如雪深衣爲然也玉藻說諸侯之禮云

夕深衣深衣布升數無文雜記云朝服十五升然則深衣之布亦十五升也深衣篇云孤子衣純以素非

孤子皆不用素純此諸侯夕服當純以采也

說猶舍息也

案說文掘突也詩曰蜉蝣掘閱陸堂詩學閔通穴管子掘閱得玉是也

蜉蝣三章章四句

候人刺近小人也其公遠君子而好近小人焉

彼候人兮何戈與祓彼其之子三百赤芾

釋文何何可反祓都律反

禮記注作綴其釋文音記左傳作已禮記作記芾說文作市

傳候人道路送迎賓客者何揭祓芑也言賢者之官

不過候人正義言共公遠君子也夏官序天子之候人是上士下士則諸侯之徒屬也候人亦應是士

此說賢者身荷戈設謂作候人之徒屬也候人職云各掌其方之道治與其禁令以設候人若有方治則帥而致於朝及歸送之於境注云以設候人者選士卒以爲之是其徒亦名候人也廬人云戈秘六尺有六寸爰長尋有四尺戈爰俱短兵也彼彼曹朝也芾韞也一命緼芾黝

珩再命赤芾黝珩三命赤芾蔥珩大夫以上赤芾乘

軒正義玉藻說韞之制云下廣二尺上廣一尺長三尺其頸五寸肩革帶博二寸芾之形制亦同於韞

詩故攷異

卷十四 曹

三

咫聞齋

但祭服謂之芾他服謂之韞一命緼芾黝珩三句玉藻文周禮公侯伯之卿三命以下大夫再命上士一命曹爲伯爵大夫再命是大夫以上皆服赤芾於法又得乘軒故連言之僖二十八年左傳稱晉文公入曹數之以其不用僮負羈而乘軒者三百人也彼正當共公時與此三百文同故傳因言乘軒以爲其公近小人箋是謂遠君子也之子是子也佩赤芾者

三百人正義諸侯之制大夫五人今有三百赤芾愛小人過度也

案說文市韞也上古衣蔽前而巳市以象之天子朱市諸侯赤市大夫蔥衡从巾象連帶形又作鞞

維鵜在梁不濡其翼彼其之子不稱其服鵜釋文徒低反其禮記作

記國語後漢書注作已稱釋文尺證反

傳鵜洿澤鳥也梁水中之梁鵜在梁可謂不濡其翼

乎正義與小人在朝必亂其政也鵜洿澤釋鳥文郭璞曰今之鵜鷓好羣飛入水食魚俗呼淘河陸璣

疏云鵝水鳥形如鴨而極大喙長尺餘領下胡大如
數升囊若小澤中有魚便羣共打水滿其胡而棄之
令水竭盡魚在陸地箋鵝在梁當濡其翼而不濡
乃其食之故曰淘河

者非其常也以喻小人在朝亦非其常正義鄭上二句別不

稱者言德薄而服尊

案禮記注汗澤善居泥水之中在魚梁以不濡汗其翼為才如君子以稱其服為有德此與詩注不同

維鵝在梁不濡其味彼其之子不遂其媾味釋文涉救反

傳味喙也 媾厚也 箋遂猶久也不久其厚言終

將薄於君也

蒼兮蔚兮南山朝濟婉兮變兮季女斯飢蒼說文作媾

傳蒼蔚雲興貌南山曹南山也濟升雲也 婉少貌

詩故攷異 卷十四 曹 四 咫聞齋

變好貌季人之少子也女民之弱者正義季子少女幼弱並飢

箋蒼蔚之小雲朝升於南山不能為大雨以喻小人

雖見任於君終不能成其德教 天無大雨則歲不

熟而幼弱者飢猶國之無政令則下民困病正義刺君近小

人而病 下民也

案說文媾女黑色也詩曰媾兮蔚兮郡縣志曹南山在曹州濟陰縣東三十里詩南山朝濟是也周禮眠設掌十輝之灋以觀妖祥辨吉凶入曰濟鄭康曰濟升氣也康成曰濟虹也

候人四章章四句

鳴鳩刺不壹也在位無君子用心之不壹也正義在位謂在

人君之位經四章皆美用心均壹之人舉善以駁時惡

鳴鳩在桑其子七兮淑人君子其儀一兮其儀一兮心

如結兮鳴儀書作尸儀翟靈恩集注作義末二句兮字淮南子作也

傳興也鳴鳩結鞠也鳴鳩之養其子朝從上下暮從

下上平均如一正義興人君養其國人亦當平均如也鳴鳩結鞠釋鳥文○案爾雅作

鳴鳩郭璞曰今之布穀也江東呼爲獲穀說文作桔鷓陸璣疏云一名擊穀一名桑鳩言執義

一則用心固箋興者喻人君之德當均一於下也

以刺今在位之人不如鳴鳩淑善儀義也善人君

子其執義當如一也正義均壹在心不在威儀故轉儀爲義

魯傳曰尸鳩之所以養七子者一心也君子所以理

萬物者一儀也說苑

詩故攷異

卷十四 曹

五

咫聞齋

案左傳疏引樊光曰春秋云鳴鳩氏司空心平均故爲司空康成月令注謂之搏穀陳藏器本草亦名郭

公又案釋鳥鳴鳩戴篤郭璞曰篤即頭上勝亦呼爲戴勝是鳴鳩即布穀鳴鳩即戴勝鳴鳩非戴勝也

鳴鳩在桑其子在梅淑人君子其帶伊絲其帶伊絲其

弁伊騏騏周禮注作綦說文作璩

傳飛在梅也正義以其平均養之故得長大而飛去以興人君亦能均壹養民民得成就而

安騏騏文也弁皮弁也正義馬之青黑色者謂之騏此謂弁色如騏也皮弁是諸

侯視朝之常服箋其帶伊絲謂大帶也大帶用素

絲有雜色飾焉騏當作璩以玉爲之言此帶弁者刺

不稱其服正義玉藻說大帶之制云天子素帶朱裏終辟諸侯素帶終辟大夫素帶辟垂是用

素絲又云雜帶君朱綠大夫玄華是有雜色飾弁師云王之皮弁會五采玉璩注云會縫中也璩結也皮

升之縫中每貫結五采玉以爲飾謂之綦引此詩云其弁伊綦又云諸侯及孤卿大夫之皮弁各以其等爲之注云侯伯綦飾七子男綦飾五玉用三采是諸侯皮弁有綦玉之飾故易傳也孫疏云箋義爲長案說文璫弁飾往往冒玉也

鳴鳩在桑其子在棘淑人君子其儀不忒其儀不忒正是四國

傳忒疑也

正義釋言文

正長也

正義釋訓文

箋執義不疑則

可爲四國之長言任爲侯伯

正義爲州牧也僖元年左傳曰凡侯伯救患分

災是諸侯之長也

鳴鳩在桑其子在榛淑人君子正是國人正是國人胡

不萬年

詩故攷異

卷十四

曹

六

咫聞齋

箋正長也能長人則人欲其壽考

鳴鳩四章章六句

下泉思治也曹人疾共公侵刻下民不得其所憂而

思明王賢伯也

案左傳僖二十三年晉公子重耳及曹曹共公聞其駢齊欲觀其裸浴薄而觀之二十四年秦伯納之二十八年晉侯入曹執曹伯分曹衛之田以界宋人敗楚於城濮襄王策命晉侯爲侯伯晉侯有疾曹伯之豎侯孺貨遂史使曰以曹爲解乃復曹伯然則曹共公時正晉文公取威定霸爲侯伯時也詩思郇伯其諸惡晉與

冽彼下泉浸彼苞稂憶我寤嘆念彼周京

釋文冽音列浸本作寢子

鳴反稂音郎

傳興也冽寒也下泉泉下流也苞本也稂童梁非漑
草得水而病也正義釋水云沃泉縣出縣出下出也
璞曰莠類陸璣疏云禾秀爲穗而不成則疑然

謂之童梁今人謂之宿田翁故非灌漑之草

興者喻共公之施政教徒困病其民稂當作涼涼草

蕭著之屬正義涼草瘋嘆息之意寤覺也念周京者

思其先王之明者正義言時有明王則無此困病也

京師所治之周室桓九年公羊傳云京師者何天子

之居也京者何大也師者何衆也天子之居必以大

冽彼下泉浸彼苞蕭瘋我寤嘆念彼京周

傳蕭蒿也

詩故攷異

卷十四

七

咫聞齋

冽彼下泉浸彼苞蕭瘋我寤嘆念彼京師

傳蕭草也

案說文蕭屬生千歲三百莖易以爲數

陸璣疏云似蕭

芄芄黍苗陰雨膏之四國有王郇伯勞之

釋文膏古報反

傳芄芄美貌

郇伯郇侯也諸侯有事二伯述職

天以陰雨膏澤興郇侯以恩德勞來今無賢伯致曹

國之不治也經言郇伯嫌是伯爵故言郇侯也二伯

謂東西大伯分主一方各自述省其所職之諸侯者

服虔云諸侯適天子曰述職謂六年一會王官之伯

命事 考績 有王謂朝聘於天子也郇侯文王之子爲

州伯有治諸侯之功正義上有明王下有賢伯諸侯

今其公侵刻下民故思治世有朝聘之時也僖二十

四年左傳畢原酈郇文之昭也爲州伯者謂爲收下

二伯治其當州諸侯也易傳者以武王成王之時東
西大伯唯周公召公太公畢公爲之無郇侯也○
案王制二百一十國爲州

州有伯州伯在二伯下也
案說文郇國在晉地服虔曰郇國在解縣東郇瑕氏
之墟也水經注涑水西逕郇城郇伯故國也竹書昭
王六年王錫郇伯命
蓋繼召公爲西伯也

下泉四章章四句

曹國四篇十五章六十八句

附錄僞魯詩傳說○曹四篇詩傳云曹未振□□□
□□□□□之賦尸鳩下泉侯人蜉蝣皆殘缺詩說
云尸鳩曹叔爲政有度國人美之而作是詩下泉東
遷之初曹人閔周而作蜉蝣君怠國危曹大夫閔之
而作侯人曹君多
任非人國人諷之

詩故攷異卷十四終

詩故攷異

卷十四

曹

八

咫聞齋

曹國四篇十五章六十八句
卷十四 曹
八 咫聞齋

下泉四章章四句

王六年王錫郇伯命

蓋繼召公爲西伯也

案王制二百一十國爲州

州有伯州伯在二伯下也

詩故攷異卷十五

東吳徐華嶽輯

幽

幽譜幽者后稷之曾孫曰公劉者自郤而出所徙戎

狄之地名今屬右扶風栒邑

正義周本紀云后稷卒子不窋立卒子鞠陶立

卒子公劉立是后稷曾孫也本紀云舜封后稷於郤

公劉因封不改故知自郤而出也地理志云栒邑縣

有幽鄉詩公劉以夏后大康時失其官守竄於此地

正義

猶修后稷之業勤恤愛民民咸歸之而國成焉

正義

云公劉卒子慶節立國於幽定國於幽自公劉始也

詩故攷異

卷十五

幽

一

咫聞齋

也公劉不當太康之世鄭

其封域在禹貢雍州岐山

取不窋之事以為說耳之北原隰之野至商之末世大王又避戎狄之難而

入處於岐陽民又歸之公劉之出大王之入雖有其

異由有事難之故皆能守后稷之教不失其德

正義

云公劉復修后稷之業古公

成王之時周公避流言

復修后稷公劉之業是也

之難出居東都二年

正義

金縢云管叔及其羣弟流

得是

思公劉大王居幽之職憂念民事至苦之功以

比序己志

正義此釋作七月之意也襄二十九年左

之東乎明在

後成王迎而反之攝政致大平其出入

也一德不回純似於公劉大王之所為大師大述其

志主意於幽公之事故別其詩以為幽國變風焉

七月是周公之事既為幽風鳴鴉以下亦是周公之事尊周公使專一國故并為幽風鄭志張逸問幽七月專詠周公之德宜在雅今在風何答曰以周公專為一國上冠先公之業亦為優矣所以在風下次於雅前逸言詠周公之德據鳴鴉以下也鄭

言上冠先公之業謂以七月冠諸篇也

案地理志昔后稷封豳公劉處豳大王徙邠文王作

鄴武王治鎬其民有先王遺風好稼穡務本業故幽

詩言農桑衣食之本甚備文中子程元問曰幽風居

變風之末何也曰夷王以下變風不復正矣夫子蓋

傷之也故終之以幽風言變之可正也惟周公能之

故係之以正變而克正危而克扶始終不失其本其

惟周公乎係之幽遠矣哉○又案山海經帝堯生稷

稷生台璽台璽生叔均是為田祖周語夏之衰不窳

窳戎狄之間漢書婁敬傳周之先自后稷堯封之邠

積德累善十餘世公劉避桀居豳據此則不窳非后

稷子公劉非后稷曾孫公劉去后稷已十餘世矣路

史不窳實非后稷之子其間世次不得盡見世本不

詩故攷異

卷十五 幽

二

閱聞齋

窳而下至於季歷猶一十有七世不窳生鞠陶鞠陶

生公劉公劉能修后稷之業是生慶節始國於幽慶

節生皇僕皇僕生弗差弗差生偽隄偽隄生公非公

非生辟方辟方生亞圍亞圍能帥隄者周人報焉是

生侯牟侯牟生亞圍亞圍卒弟雲都繼生公叔組組

是為祖類祖類生諸蓋是為太公生宣父是為

古公古公生泰伯仲雍季歷凡一十有七世竹書祖

乙命邠侯高圉盤庚命邠侯亞圍祖甲命邠侯組組

七月陳王業也周公遭變故陳后稷先公風化之所

由致王業之艱難也

周公遭變者管蔡流言辟居東

此王業之將壞故陳后稷及幽地先公風化之所由

先公遭難乃能勤行風化已今遭難亦欲勤修德教

陳此以比序已志經八章皆陳先公風化之事鳴鴉

傳言寧亾二子則毛無避居之義首章陳人以衣食

為急餘章廣而成之民之大命在溫與飽間於

政事然後饗燕卒章說飲酒之事得其次也

案孔叢子夫子讀詩曰於七月見幽公之所以造周也

七月流火九月授衣一之日感發二之日栗烈無衣無

褐何以卒歲三之日于耜四之日舉趾同我婦子饁彼

南畝田峻至喜威釋文音必說文作鬻又作澤發說文

畝作晦籒釋文炎輒反喜毛如字鄭作饁尺志反

傳火大火也流下也九月霜始降婦功成可以授冬

衣矣正義六月昏見而中則流下也授衣謂衣成而授之一之日十之餘也一

之日周正月也感發風寒也二之日殷正月也栗烈

寒氣也正義一之日二之日猶言一月之日二月之日數終於十更有餘月還以一二紀之也周

正月建子之月殷正月建丑之月也此篇自立一體從夏之十

一月至二月皆以數配月從夏之四月至十月皆以

數配月唯夏之三月下云春日遲遲靈月條桑或日

詩故攷異 卷十五 幽 三 咫聞齋

或月不以數配蓋日陽月陰陽生陰成子月純陰已

過陽氣初動物將芽藥故以日稱之已月純陽用事

陰氣已萌物有秀實故以月稱之夏之三月當陰陽

之中處生成之際故日月並言不以數配也仲冬待

風乃寒季冬無風亦寒 三之日夏正月也幽土晚寒于耜始脩

耒耜也四之日周四月也民無不舉足而耕矣饁饋

也田峻田大夫也正義春秋元命包曰周人以十一月為正般人以十二月為正夏人

以十三月為正月令季冬命農計耦耕事脩耒耜具

田器孟春天子躬耕帝藉今幽人正月脩耒耜二月始耕故云晚寒鄭志答張逸云晚溫亦晚寒是寒晚

溫亦晚故脩耒耜始耕皆校中園後一月也釋言云峻農夫也孫炎曰農夫田官也郭璞曰今之耜夫然則以王者尤重農事知其爵為大夫也又周公言先公教民周備民奉上命也首章上六句陳人以衣褐為急下五句陳人以穀食為急 箋大火

者寒暑之候也火星中而寒暑退故將言寒先著火

所在正義昭三年左傳張耀曰火星中而寒暑退服
退季夏六月黃昏度曰大火季冬十二月平旦正中在南方大寒
火星中大暑退 褐毛布也卒終也此二正之月人

之貴者無衣賤者無褐將何以終歲乎是故八月則
當績也正義言當績者已見火流於同猶俱也喜讀
時蠶事已過唯績可以當之

為饑饉酒食也耕者之婦子俱以饑來至於南畝之

中其見田大夫又為設酒食焉言勸其事又愛其吏

也正義毛以田畯來至見其勤於農事則喜鄭以饑
既食明喜亦是食故知喜讀為饑饉酒食釋訓

文孫毓云小民耕農妻子相饑雖有冀缺如賓之敬
大夫儼然銜命巡司何為辱身就耕民公嫗壟畝草

間其飲食乎鄙亦甚矣而改易經字殆非作者之本
旨斯不然矣為設酒食言民愛其吏耳何必大夫皆

仰田闕 此章陳人以衣食為急餘章廣而成之天賦
食乎

詩故攷異

卷十五

四

愚聞齋

韓三之日于耜四之日舉趾三月之時可豫取耒耜

修繕之至于四月始可舉足而耕也太平御覽

案釋天大火謂之大辰郭璞曰大火心也在中最明
故時候主焉左傳襄九年古之火正或食於心是故

心為大火天官書心為明堂晉天文志東方心三星
天王正位也中星曰明堂天子位前星為太子後星

為庶子據此則大火蒼龍七宿之心星也六月昏中
七月西流幽風左傳月令皆合而堯典星火以正仲

夏夏小正五月初昏大火中周則堯一月者蓋歲差
也說文霽羌人所吹角以驚馬也隄風寒也效一之

日輝發素手耕曲木也古者垂作耒耜以振民也相
雷也釋名耜耒下耒也廣五寸耒耜上句木也說文

曰饑餉田也詩

七月流火九月授衣春日載陽有鳴倉庚女執懿筐遵

彼徂行爰求柔桑春日遲遲采芣祁祁女心傷悲殆及

公子同歸

傳倉庚離黃也懿筐深筐也微行牆下徑也五畝之

宅樹之以桑正義離黃即黃鳥五畝之宅二句孟子文遲遲舒緩也纂白

蒿也所以生蠶祗祗衆多也傷悲感事苦也春女悲

秋士悲感其物化也殆始及與也幽公子躬率其民

同時出同時歸也正義春秋刻漏多少正等而秋言

不同淒淒是涼遲遲是暗也王肅云幽君既修其政

又親使公子躬率其民同時歸也又人之為衣絲帛

為先故二章言女案謂首載之言則也陽溫也溫而倉庚又鳴可蠶之

詩故攷異

卷十五

五

思男秋士感陰氣而思女是其物化所以悲也悲則

始有與公子同歸之志欲嫁焉女感事苦而生此志

正義箋易傳言貴賤有異感氣則同故與是謂幽風

公子同有歸嫁之意諸侯之女稱公子正義此言是幽風六章云是幽雅卒章云是幽頌者

春官籥章云仲春書擊土鼓吹幽詩以逆暑仲秋夜

迎寒亦如之凡國祔年於田祖吹幽雅以樂田峻國

祭豔則吹幽頌以息老物以周禮用別言幽雅幽頌

有其事明此篇中當具有風雅頌也而言詩詩總名

也以類別是幽風故籥章注云此風也而言詩詩總名酒養老是君之美政故知是幽雅置酒稱慶是功成

七月流火八月萑葦蠶月條桑取彼斧斨以伐遠揚猗

彼女桑七月鳴鵙八月載績載玄載黃我朱孔陽爲公

子裳崔說文作崔條釋文他雖反賜孟子注作賦釋文圭覓反

傳亂爲萑葭爲葦豫畜萑葦可以爲曲也正義二草初生爲葦

長大爲蘆成則名萑初生爲葭長大爲蘆成則名葦月令季春說養蠶之事云具曲植筥筥注云曲薄也植梲也薄用斯方登也遠枝遠也揚條揚也角而束

之曰猗女桑萑桑也正義隋登曰斧方登曰斯釋名葉之新生者○案說文登斤斧穿也鵙伯勞也載績絲事畢而麻事起

矣玄黑而有赤也朱深纁也陽明也祭服玄衣纁裳正義鵙伯勞釋鳥文樊光曰少皞氏以鳥名官伯趙氏司至伯趙鵙也以夏至來冬至去鍾氏說染法三入爲纁五入爲緇七入爲緇注玄在緇緇之間其六入與謂三人赤三人黑土冠禮注一入謂之緇再入

詩故攷異 卷十五 六 咫聞齋

謂之纁三入謂之纁朱則四入矣易下繫注云天玄地黃玄爲衣黃爲裳土配位於南方故云用纁染色多矣特舉玄黃故傳解其意由祭服尊也又衣之所用非絲御麻春既養蠶秋當緝績故三章又陳女功自始至○案將言女功自始至成故亦又本於此

者束而采之 伯勞鳴將寒之候也五月則鳴幽地

晚寒鳥物之候從其氣焉凡染者春暴練夏纁玄秋

染夏爲公子裳厚於其所貴者說也正義月令仲夏寒故七月始鳴也春暴練三句染人文引此者證玄黃染於夏也養蠶績麻是造衣之始故先言之染色作裳是爲衣之終故後言之蠶績所得民亦自衣厚於貴者故特說之

韓老萑爲萑老蒲爲葦釋典引

不以從爲一歲名則狎亦非歲稱矣釋獸

釋鹿與麋皆云絕有力靡○案麋狎通

鏡而黃其上謂之小葦劉向說此味苦苦葦也據此則

葦非王葦也王葦月令謂之王瓜呂覽謂之王苦高

誘以爲栝樓張揖以爲藤姑非葦也夏小正四月秀

幽其卽此葦與說文草木凡皮葉落墜地爲擗詩曰

十月隕擗釋獸狸狐縮狎醜其

足躡其跡丸周禮注四歲曰肩

五月斯螽動股六月莎雞振羽七月在野八月在宇九

月在戶十月蟋蟀入我牀下穹窒熏鼠塞向墜戶嗟我

婦子曰爲改歲入此室處蟀說文作蛩穹釋文起弓反

傳斯螽蚣蝮也莎雞羽成而振訊之正義斯螽蚣蝮

詩故攷異釋蟲文又云輪

天雞樊光曰小蟲黑身赤頭一名莎雞李巡曰一名

酸雞郭璞曰一名禱雞陸璣疏云莎雞如蝗而斑色

毛翅數重其翅正赤六月月中飛而穹窮窒塞也向北

振羽索索作聲幽州人謂之蒲錯穴嚮窮盡塞其窟

出牖也墜塗也庶人葦戶正義穹室言窮盡塞其窟

塞南窻故云北出牖也葦戶以荆竹織門以其通風

故泥之也又冬月衣裳雖具又當入室避寒故五章

謂蟋蟀也言此三物之如此著將寒有漸非卒來也

爲此四者以備寒案謂穹曰爲改歲者歲終而一

之日感發二之日栗烈當避寒氣而入所穹窒墜戶

之室而居之至此而女功止正義改歲者仲冬陽氣

改正朔者以建子爲正

韓宇屋雷也

釋文○案釋文屋四垂爲宇向北向窻也同上

案馬融甘誓注三正建子建丑建寅三正也据此子丑寅之建其傳有舊此詩二之日言卒歲者遵用夏后建寅之正也十月言改歲者幽地兼用建子之正也

六月食鬱及蕸七月亨葵及菽八月剝棗十月穫稻爲

此春酒以介眉壽七月食瓜八月斷壺九月叔苴采茶

薪樛食我農夫

漢釋文於六反韓詩說文作藿亨釋文普庚反菽本亦作叔苴七餘反樛被書

反食音嗣

傳鬱棗屬蕸蕸蕸也剝擊也春酒凍醪也眉壽豪眉

也正義鬱是唐棗之類劉楨毛詩義問云其樹高五六尺其實大如李正赤食之甜本草云鬱一名崔

李一名車下李一名棗五月時實蕸蕸亦是鬱類而小別晉宮閣名云華林園中有車下李三百一十四

詩故攷異

卷十五

九

咫聞齋

株蕸李一株車下李卽鬱蕸李卽蕸二者相類而同時熟春酒凍時釀之酒正辨三酒之物三曰清酒注

今之中山冬釀接夏而成者春酒卽清酒壺瓠也叔

也人年老者必有豪眉秀出故知謂豪眉壺瓠也叔

拾也苴麻子也樛惡木也正義甘瓠可食就蔓斷取苴謂拾取麻實以供食也又衣服之事既終乃說飲食之事六章先陳男功之助也

也既以鬱下及棗助男功又穫稻而釀酒以助其養

老之具是謂幽雅正義黍稷菽麥爲正男功瓜瓠之畜

麻實之糝乾茶之菜惡木之薪亦所以助男養農夫

之具

韓六月食鬱及藿爾雅疏○案釋草藿山韭是韭之生於山中者名藿

案釋草蒞葵繁露郭璞曰承露也大莖小葉華紫黃色說文赤豆也象赤豆生之形也未通作菽夏小正

八月剝棗剝也者取也釋草贗泉實泉麻
震服傳直麻之有黃者也杜麻者泉麻也

九月築場圃十月納禾稼黍稷重穆禾麻菽麥嗟我農

夫我稼既同上入執宮功晝爾于茅宵爾索綯亟其乘

屋其始播百穀釋文場本又作場重直容反繆音
六周禮注作種陸說文作種陸

傳春夏爲圃秋冬爲場正義種樹菜果則爲
圃蹂踐禾稼則爲場後熟曰

重先熟曰繆正義內宰注先種後熟謂
之種後種先熟謂之陸入爲上出爲

下 宵夜綯綯也 乘升也正義美農人之趨時也
又七章言男功之正首

章已言耕田故此章
雖說收斂之事也箋場圃同地自物生之時耕

治之以種菜茹至物盡成熟築堅以爲場 納內也

治於場而內之困倉也正義苗生既秀謂之禾種殖
諸穀名爲稼再言禾者禾是

詩故攷異 卷十五 十 廋聞齋

大名非徒黍稷重繆四種其餘稻秫苽梁之輩皆禾
也麻與菽麥則無禾稱故於麻麥之上更言禾以總

諸禾明其
皆納之也既同言已聚也可以上入都邑之宅治宮

中之事矣於是時男之野功畢正義田在野宅
在都功事也爾女

也女當晝日往取茅歸夜作綯索以待時用正義宮
中所治

何事卽相謂云爾當取茅
作索以待明年蠶用也亟急乘治也十月定星將

中急當治野廬之屋其始播百穀謂祈來年百穀于

公社正義鄭唯乘屋爲異又當急升野廬之屋而脩
治之以待耘耔時止息上云塞向墜戶是都邑

之屋故知此治野廬之屋以圃公又始爲民播種之
故而祈祭社稷田事不久故民亦豫脩廬舍也播種

明年之事今則豫有所營與播種者爲始月令孟冬
天子乃祈來年於天宗大割祀於公社及門閭臘先

祖五祀是十月爲民祈來年百穀也月令天子之事
故云天宗此陳幽公之政指言公社以諸侯之事不

得祭天

故也
案說文種先種後輒也種疾輒也種或从麥釋文說
文云禾邊作重是重穆之字禾邊作童是種菽之字
今人亂之已久丙宰上春詔王后帥
六宮之人生種桂之種而獻之於王

二之日鑿冰沖沖三之日納于凌陰四之日其蚤獻羔

祭韭九月肅霜十月滌場朋酒斯饗曰殺羔羊躋彼公

堂稱彼兕觥萬壽無疆
凌說文作賸蚤禮記注作早兕
釋文本或作兕觥本亦作觥觥

彭反萬壽禮
記注作受福

傳冰盛水腹則命取冰於山林沖沖鑿冰之意凌陰

冰室也

正義月令季冬冰方盛水澤腹堅昭四年左
傳說藏冰之事云深山窮谷於是乎取之凌

人云十有二月令斬冰三其凌注凌冰室也三之者
為消釋度也藏之晚出之早者鄭答孫皓云幽土晚

詩故攷異

卷十五

七

咫聞齋

寒故可夏正月納冰夏二月仲春大簇用
事陽氣出地始溫故禮應開冰先薦寢廟 肅縮也霜

降而收縮萬物滌埽也場功畢入也兩樽曰朋饗者

鄉人以狗大夫加以羔羊

正義斯饗是鄉人飲酒言
曰殺羔羊是鄉人見大夫

而始發此言也謂之饗者鄉飲酒禮尊事重升歌小
雅禮盛者進取故得稱饗也此鄉人謂黨正飲酒黨

正職曰國索鬼神而祭祀以禮屬民而飲酒於序以
正齒位注云為民三時務農將闕於禮至此農隙而

教之尊長養老見孝弟之道也鄉大夫必來觀禮是
大夫與之也鄉飲酒禮自是三年賓賢能之禮而黨

正飲酒亦與之同鄉飲酒經云尊兩壺於房戶之間
有玄酒是用兩尊也記云其牲狗是以狗也王制云

大夫無故不殺羊是行禮有故得用羊
也黨正飲酒而謂之鄉者黨鄉之屬也 公堂學校也

觥所以誓眾也疆竟也
飲酒於序則公堂謂黨之序
飲酒於序則公堂謂黨之序

學也升彼序學之上舉觥爵以誓眾人使無違禮於
是民慶齒公使得萬年之壽無有疆竟美先公禮教

周備爲民所慶也又衣食已具卒章乃言備
暑藏冰飲酒相樂皆是先公憂民之風教也

箋古

者日在北陸而藏冰西陸朝覲而出之祭司寒而藏

之獻羔而啟之其出之也朝之祿位賓食喪祭於是

乎用之月令仲春天子乃獻羔開冰先薦寢廟周禮

凌人之職夏頒冰掌事秋刷上章備寒故此章備暑

后稷先公禮教備也正義昭四年左傳文其未云七月之卒章藏冰之道也與此同

故引之釋天云北陸虛也西陸昴也孫炎曰陸中也

北方之宿虛爲中西方之宿昴爲中然則十二月小

寒節日在虛四月立夏節日在畢昴星得朝見也藏

之謂建五月祭主寒之神藏此冰啟之謂建卯月祭

主寒之神開此冰也二月開冰君始用之至於夏初

出之乃頒賜臣下祭韭者以新物故薦之刷清除其

室十月民事男女俱畢無飢寒之憂國君閒於政事

也

詩故攷異

卷十五

主

咫聞齋

而饗羣臣正義鄭以爲國君閒暇饗勞羣臣殺羔羊以爲殺羞月令孟冬大飲烝注云十月農

功畢天子諸侯與羣臣飲酒於太學以正齒位謂之

大飲別之於燕其羣臣飲酒於太學以正齒位謂之

子諸侯自有大饗羣臣之法每兩尊並設故云朋燕禮其牲狗大

飲大於燕禮故用羊也於饗而正齒位故因時而誓焉飲酒既

樂欲大壽無竟是謂幽頌正義鄭以饗爲國君大飲之禮故因時而誓使羣臣

知長幼之序則此公堂謂太學也羣臣皆升公堂有

司舉兕觥以誓使無犯禮羣臣於是慶君萬壽也

說

韓冰者窮谷陰氣所聚不洩則結而爲伏陰初學記引韓詩

案說文饒久室也詩日納于陰陰夏小正正月圍有見韭田禮韭日豐本春秋繁露春上豆實豆實韭也說文韭菜也一種而久生者故謂之韭

七月八章章十一句

鳴鴉周公救亂也成王未知周公之志公乃為詩以

遺王名之曰鳴鴉焉未知周公之志者未知其欲攝政之意正義毛以為周公攝政

管蔡流言又導武庚作亂將危周室周公東征而滅

之成王仍惑管蔡之用心益不悅公乃作詩貽王四

章皆言不得不誅管蔡之意鄭以為周公將欲攝政

管蔡流言周公避居東都成王多罪其屬黨公乃為

詩以怡悅王心四章皆言不宜誅殺屬臣之意

案金縢管叔及羣弟流言周公告二公曰我之弗辟

我無以告我先王周公居東二年則罪人斯得于後

公乃為詩以貽王名之曰鳴鴉孔安國曰辟法也言

我不以法法三叔則無以成周道告我先王如此則

下文居東即東征罪人即管蔡毛傳意蓋亦然此

詩作于既誅管蔡之後也鄭讀辟為避則居東為避

居東都罪人為周公官屬是此詩作于未征管蔡之前也二說不同

詩故攷異

卷十五

三

咫聞齋

鳴鴉鳴鴉既取我子無毀我室恩斯勤斯孺子之閔斯

傳與也鳴鴉鸛鳩也無能毀我室者攻堅之故也寧

亾二子不可以毀我周室正義毛以周公既誅管蔡作詩遺王鳴鴉言我意寧

亾此子無毀我巢以興寧亾管蔡無毀周室鳴鴉鸛

鳩釋鳥文陸璣疏云似黃雀而小其喙尖如錐取茅

秀為巢以麻紮之如刺襍然縣著樹枝幽州人謂恩

之鸛鳩或曰巧婦關東謂之工雀關西謂之桑飛

愛鸛稚閑病也稚子成王也正義又言管蔡不得不誅之意王肅云勤借也

周公非不愛惜此二子以其病此成王

所欲言丁寧之也室猶巢也鳴鴉言已取我子者幸無毀我巢我巢積日累功作之甚苦故愛惜之也時周公竟武王之喪欲攝政成周道致大平之功管叔

蔡叔等流言云公將不利於孺子成王不知其意而多罪其屬黨與者喻此諸臣乃世臣之子孫其父祖以勤勞有此官位土地今若誅殺之無絕其官位奪其土地王意欲誦公此之由然正義箋以鳴鴉之子室喻官位土地也王肅云案經傳內外周公之黨具存成王無所誅殺橫造此言其非一也設有所誅不救其無罪之死而誅其官位土地緩其大而有急其細其非二也設已有誅不得云無罪其非三也馬昭云公黨已誅請之無及故但請子孫土地斯不然矣鄭意以屬臣猶未加刑未敢正言假以官位土地為請實欲冀存鳴鴉之意殷勤於此稚子當哀閔之此取

鳴鴉子者指稚子也以喻諸臣之先臣亦殷勤於此

成王亦宜哀閔之正義箋亦以此經為興思之言殷也

詩故攷異

卷十五

十四

咫聞齋

韓傳曰鳴鴉鵙鳥名也鳴鴉所以愛養其子者適以病之愛憐養其子者謂堅固其窠巢病之者謂不知托於大樹茂枝反敷之葦蒿風至蒿折巢覆有子則死有卵則破是其病也文選注○案此則鳴鴉卽荀子勸學之蒙鳩也

追天之未陰雨徹彼桑土綢繆牖戶今女下民或敢侮

子追家語作殆說文作隸土韓詩作杜釋文音杜女孟子作此

傳迨及徹剝也桑土桑根也正義桑根在土剝取其皮王肅云鳴鴉及天之

未陰雨剝取彼桑根以纏繆其戶牖以興周室積累之艱苦也今者今周公時言先王致此大功至艱難而其下民敢侵侮我周道謂管箋綢繆猶纏綿也

此鳴鴉自說作巢至苦如是以喻諸臣之先臣亦及

文武未定天下積日累功以固定此官位與土地

我至苦矣今女我巢下之民寧有敢侮慢欲毀之者

乎意欲恚怒之以喻諸臣之先臣固定此官位土地

亦不欲見其絕奪正義箋以鳴鴉之恚怒喻先臣之怨恨

韓徹彼桑杜釋文○案方言東齊謂根曰杜字林作穀桑皮也

案說文隸及也詩曰隸天之未陰雨

予手拮据予所捋荼予所蓄租予口卒瘠曰予未有室

家釋文畜本亦作蓄曆本又作瘡

傳拮据搯搨也荼萑茗也租為瘡病也手病口病故

能免乎大鳥之難正義毛以鷓鴣言已作巢之苦喻周先王勤勞經營成此王業說文

詩故攷異 卷十五 幽

五 咫聞齋

云搯持搯搨謂以手爪搨持草也七月傳云藪為萑此云萑茗謂藪之秀穗也出其東門箋云茶茅秀然

則茅藪之秀皆名茶也謂我未有室家者周公自我也王肅云我為室家之道至勤苦而無道之人弱

我稚子易我王室謂我未有室家之道箋此言作

之至苦故能攻堅人不得取其子 我作之至苦如

是者曰我未有室家之故正義鄭以喻先臣所以勤勞為此功業者由未有官

位土地勤力得此今甚惜之

韓口足為事曰拮据釋文租積也同上

予羽譙譙予尾翛翛予室翹翹風雨所漂搖予維音嘒

嘒釋文譙本或作譙在消反翛素彫反嘒呼堯反末句說文作唯子音之嘒嘒

傳譙譙殺也翛翛敵也翹翹危也嘒嘒懼也正義釋訓

文王肅云言盡力勞病以成攻堅之巢而爲風雨所漂搖則鳴音嘒嘒然而懼以言我周累世積德以成篤固之國而爲凶人所

振蕩則已亦嘒嘒而懼箋手口既病羽尾又殺敵言已勞苦甚巢之翹翹而危以其所託枝條弱也

以喻今我子孫不肖故使我家道危也風雨喻成王

也音嘒嘒然恐懼告愬之意正義鄭論先臣恐懼

鳴鶉四章章五句

東山周公東征也周公東征三年而歸勞歸士大夫

美之故作是詩也一章言其完也二章言其思也三

章言其室家之望女也四章樂男女之得及時也君

子之於人序其情而閔其勞所以說也說以使民

詩故攷異

卷十五

去

咫聞齋

忘其死其唯東山乎

成王既得金縢之書親迎周公周公歸攝政三監及淮夷叛周

志公乃東伐之三年而後歸耳分別章意者周公於是夫盡弁以啟金縢之書王執書以泣曰今天動威以

彰周公之德惟朕小子其新逆明是成王親迎之書序云武王崩三監及淮夷叛周公相成王將黜殷命

作大誥是周公東伐之事也○案毛以東征而歸在成王親迎之前鄭以

東征在親迎之後也

案魯世家成王少周公攝行政管叔及羣弟流言周公告太公召公曰我王於是卒相成王管蔡武庚等

下畔周無以告我先王於是卒相成王管蔡武庚等率淮夷畔周公奉成王命興師東伐作大誥遂誅管

叔殺武庚放蔡叔二年畢定唐叔得禾異畝同穎成王命魏周公於東土東土以集周公歸報成王乃爲

詩貽王命之曰鳴鶉據此則周公東征而歸大夫作東山詩當與作鳴鶉詩相去不遠也

我徂東山惓惓不歸我來自東零雨其濛我東曰歸我

心西悲制彼裳衣勿土行枚蝟蝟者蝟烝在桑野敦彼

獨宿亦在車下相釋文徒刀反又吐刀反零說文作霤蒙楚辭章句作蒙行釋文毛音衡鄭音

銜王戶剛反蝟釋文烏立反蝟說文作蜀敦都回反

傳怕怕言久也濛雨貌 公族有辟公親素服不舉

樂為之變如其倫之喪正義文王世子文此解周公西悲之意公族雖有死罪猶

是骨肉之親非徒己心悲先神也士事枚微也其物

將悲之是將言歸則念西而悲也士事枚微也其物

微細也大司馬陳大閱之禮云遂鼓銜枚而進注云

枚如著銜之有績結項中軍法止語為相疑惑此言

歸士幸得完全敵皆前蝟蝟貌桑蟲也烝寘也正義

定未嘗銜枚與職也蝟蝟如指似箋此四句者

釋蟲云蝟烏蝟郭璞口大蟲如指似箋此四句者

蠶言蝟在桑野以興軍士在車下序歸土之情也我往之東山既久勞矣歸又道遇雨

濛濛然是尤苦也 我在東山常曰歸也我心則念

西而悲正義箋易傳以軍士三年之內常思歸也勿

猶無也女制彼裳衣而來謂兵服也亦初無行陳銜

枚之事言前定也春秋傳曰善用兵者不陳正義此

之事不蝟蝟然特行久處桑野有似勞苦者古者

戰而服蝟蝟然特行久處桑野有似勞苦者古者

聲寘填塵同也正義烝寘釋言文彼敦敦然獨宿於

車下此誠有勞苦之心正義在桑野在

案說文霤雨零也詩曰霤雨其濛石鼓文霤雨奔流

皆作霤楚辭注王逸曰蒙盛貌燕子奔蜂不能化董

蠟非子蟪似此蠶似蝟人見此則驚駭見蝟則毛

起然而婦人拾蠶而漁者握蠶說文蜀葵中蠶也詩

曰蝟蝟

者蜀

詩故攷異

卷十五 爾

我徂東山惴惴不歸我來自東零雨其濛果贏之實亦

施于宇伊威在室蠨蛸在戶町唾鹿場熠燿宵行不可

畏也伊可懷也贏釋文力果反施羊歧反蠨音蕭說文作蠨蛸釋文所交反町又作圻他頂反

腫本又作腫他短反又作墮說文作墮熠燿釋文以執反

傳果贏栝樓也伊威委黍也蠨蛸長跫也町唾鹿迹

也熠燿燐也燐螢火也正義釋草云果贏之實栝樓孫炎曰齊人謂之天瓜本草

云葉如瓜葉形兩兩相植蔓延青黑色六月華七月實如瓜瓣伊威委黍蠨蛸長跫釋蟲文郭璞曰伊威

鼠婦之別名長跫小籠鼈長脚者俗呼為喜子說文云委黍鼠婦也陸璣疏云伊威在壁根下糞底土中

生似白魚蠨蛸荆州河內人謂之喜母此蟲來著人衣當有親客至有喜也亦如蜘蛛為羅網居之熠燿

者飛而有光之貌釋蟲云螢火即炤舍人曰夜飛有火蟲也諸文不言螢火為燐淮南子云久血為燐許

詩故攷異 卷十五 支 咫聞齋

慎云謂兵死之血為鬼火然則燐非螢火也天陰沈數雨在於秋日螢火夜飛之時故曰宵行

此五物者家無人則然令人感恩 伊當作繫繫猶

是也懷思也室中久無人故有此五物是不足可畏

乃可為憂思 韓鬼火或謂之燐文選

案釋蟲蟠鼠負郭璞曰瓮器底蟲本草謂之溼生蟲負婦通用說文蠨蛸長股者田踐處曰町唾禽獸所

踐處也詩曰町唾鹿場沅勝之書伊尹作為區田一畝之地長十八丈分作十五町町間分十四道通人

行睡為田里所聚說文熠燿盛光也詩曰熠燿宵行月令季夏之月腐草為螢夏小正八月丹鳥羞白鳥丹鳥丹良也白鳥蚊蚋也禮

記疏皇侃謂丹良是焚火

我徂東山惴惴不歸我來自東零雨其濛鶴鳴于垤婦

歎于室洒埽穹窒我征聿至有敦瓜苦烝在栗薪自我

不見于今三年鶴說文作藿釋文古玩反敦徒丹反栗韞詩作蓼毛如字鄭音裂

傳睼螳蟻同亦冢也將陰雨則穴處先知之矣鶴好

水長鳴而喜也正義釋蟲云蚍蜉大螳小者螳此蟲穴處輦土為塚以避溼陸璣疏云鶴雀似鳴而大長頸赤喙自身黑尾翮樹上作巢大如車輪卵如三升杯望見人按其子令伏徑舍去又混其巢一俯為池含水滿之取魚置池中稍敦猶專專稍以食其雛若殺其子則一村致旱災

徒端也烝衆也言我心苦事又苦也正義敦是瓜繫於蔓專專然也以瓜之苦喻君子繫屬於軍是事苦也又憂軍事是心苦也其苦如何衆軍士皆在析薪之役是也

箋鶴水鳥也將陰雨則鳴行者於陰雨尤苦婦念之

則歎於室也穹窮窒塞洒灑埽拚也穹窒鼠穴也而

詩故攷異

卷十五 幽

我君子行役述其日月今且至矣言婦望也 此又

言婦人思其君子之居處專專如瓜之繫綴焉瓜之

辨有苦者以喻其心苦也烝塵粟析也言君子又久

見使析薪於事尤苦也古者聲栗裂同也正義箋烝訓為久栗

倍為

裂

韓鶴水鳥巢處知風穴處知雨天將雨而蟻出墮土

鶴鳥見之長鳴而喜文選注引薛君章句烝在蓼力菊反薪蓼薪

衆薪也釋文

案說文藿小爵也詩曰藿鳴于睼睼螳封也夏小正十有二月玄駒賁玄駒也者螳也賁者走於地中也學記蛾子時術之注蛾蚍

蟬也其功乃復成大睼

我徂東山惓惓不歸我來自東零雨其濛倉庚于飛熠
耀其羽之子于歸皇駁其馬親結其縞九十其儀其新
孔嘉其舊如之何皇爾雅注作驪

傳黃白曰皇駮白曰駮正義釋畜文孫炎曰駮赤色也縞婦人之褱

也母戒女施衿結帨九十其儀言多儀也正義釋器云婦人之

褱謂之縞縞綏也孫炎曰褱帨中郭璞曰此之香云婦人之

縷也褱邪交絡帶繫於體因名為褱綏繫也今女子既嫁所著示繫屬於人也

文衿謂縷也傳引結帨證結縞則如孫炎之說亦以縞為帨中

四句者皆為序歸士之情倉庚仲春而鳴嫁取之異於郭也言久長之道也正義舊訓為久也箋凡先著此

候也熠耀其羽羽鮮明也歸士始行之時新合昏禮

詩故攷異

卷十五 爾

子

愚聞齋

今還故極序其情以樂之正義鄭以仲春為昏月故以倉庚為嫁娶之候毛以

秋冬為昏宜以倉庚為興王肅云倉庚羽翼鮮明以喻嫁者之盛飾是也之子于歸謂始

嫁時也皇駁其馬車服盛也女嫁父母既戒之庶母

又申之九十其儀喻丁寧之多正義士昏禮云父送女命之曰戒之敬之

夙夜無違命母施衿結帨曰勉之敬之夙夜無違宮事庶母及門內申之以父母之命曰敬恭聽宗爾父

母之言夙夜無愆是戒之申之也嘉善也其新來時言九又言十喻威儀丁寧之多也

甚善至今則久矣不知其如何也又極序其情樂而

戲之正義鄭以不見三年為久

韓縞帶也文選注引章句

破斧美周公也周大夫以惡四國焉

惡四國者惡其流言毀周公也

正義并言四國流言者書傳曰武王殺紂繼公子祿父及管蔡流言奄君薄姑謂祿父曰武王已死成王幼周公見疑此百世之時也請舉事然後祿父及三監叛是同毀周公也

既破我斧又缺我所周公東征四國是皇哀我人斯亦

孔之將

皇齊詩作匡

傳隋盞曰斧斧斫民之用也禮義國家之用也

釋文隋湯

果反孔形狹而長也正義破缺斧斫喻四國破毀禮義禮義天子所制故云我系統云王者立制諸侯受制於天子四國管蔡商奄也皇匡也

正義釋言云皇匡正也

將

大也箋四國流言既破毀我周公又損傷我成王

以此二者為大罪

正義箋以此詩惡毀周公故易傳

周公既反攝政

詩故攷異

卷十五

三

咫聞齋

東伐此四國誅其君罪正其民人而已

正義四國之君祿父管叔

皆見殺蔡叔故之奄君遷於薄姑

此言周公之哀我民人其德亦甚

大也

齊四國是匡

詩考○案董氏曰齊詩作匡賈公彥引以為據

案白虎通四國是皇言東征述職周公黜陟而天下皆正也

既破我斧又缺我錡周公東征四國是吶哀我人斯亦

孔之嘉

錡釋文巨宜反吶五戈反爾雅注作訛

傳鑿屬曰錡

吶化也

箋嘉善也

韓錡木屬

釋文

既破我斧又缺我錡周公東征四國是道哀我人斯亦

孔之休釋文錄音求 道在羞反

傳木屬曰錄 道固也正義使四國之民心堅固也 休美也

道斂也正義釋詁云道斂聚也彼道作孳音 義同言四國之民斂聚不流散也

韓錫鑿屬也釋文一解云 今之獨頭斧

案詩答問錄字說文金部未收木部棟訓鑿首卽詩 又缺我錄之錄與斧斯錡錄皆民間所用非兵器

破斧三章章六句

伐柯美周公也周大夫刺朝廷之不知也成王既得 雷雨大風

之變欲迎周公而朝廷羣臣猶惑於管蔡之言不知 周公之聖德疑於王迎之禮是以刺之正義毛以周

公東征四國既定仍在東土已作鴟鴞之後未得雷 風之前成王猶未知之故周大夫作詩經二章皆刺

成王不知周公之辭不同鄭刺羣臣也王肅云朝廷 斥成王孫毓云疑周公者成王也明周公者羣臣也

詩故攷異 卷十五 商

書曰史與百執事對曰信噫公命我勿敢言 二公下至百執事皆明周公如此復誰刺乎

伐柯如何匪斧不克取妻如何匪媒不得釋文取本 亦作娶

傳柯斧柄也禮義者亦治國之柄正義言斧能伐柯 以爲家用喻周公

能行禮以治國車人云柯長三尺博三寸厚一寸有 半五分其長以其一爲之首注首六寸謂關頭斧也

柯其柄也王肅云能執治 國家之斧柄其唯周公乎 媒所以用禮也治國不能

用禮則不安正義以媒氏能用禮使媒則得妻喻周 公能用禮任周公則國治刺王不知也

箋克能也伐柯之道唯斧乃能之此以類求其類

也以喻成王欲迎周公當使賢者先往 媒者能通

二姓之言定人室家之道以喻王欲迎周公當先使 曉王與周公之意者又先往正義箋易傳以經二章 皆言王當以禮迎周公

刺彼羣臣不知也

伐柯伐柯其則不遠我覲之子遵豆有踐

傳以其所願乎上交乎下以其所願乎下事乎上不

遠求也正義以伐柯之法不遠喻治國之法不遠近取諸己能是者周公耳王肅云言有禮君子

恕施而行所以踐行列貌正義我若得見周公則禮治人則不遠法大行也王肅云我所見

之子能以禮治國踐行列箋則法也伐柯者必用

之貌遵豆行禮之器也

柯其大小長短近取法於柯所謂不遠求也王欲迎

周公使還其道亦不遠人心足以知之正義鄭以衆人之心皆知

還也覲見也之子是子也斥周公也王欲迎周公當

以饗燕之饌行至則歡樂以說音悅之周正義我王欲見當以饗燕

詩故攷異

卷十五 幽

三

伐柯二章章四句

九罭美周公也周大夫刺朝廷之不知也正義毛以經四章皆

言周公不宜在東是刺王之事鄭以首章言周公不

宜居東王當以衰衣禮迎之是未迎時事二章三章

陳往迎周公之時告曉東人之辭卒章陳東人欲留

周公是公反後之事其刺朝廷之不知唯首章耳

九罭之魚鱒魴我覲之子衰衣繡裳釋文罭本亦作罭于逼反

傳興也九罭纒罭小魚之網也鱒魴大魚也正義釋器云纒罭

罭謂之九罭九罭魚網也孫炎曰謂魚之所入有九囊也郭璞曰今之百囊網也釋魚有鱒魴郭璞曰鱒似鱒子赤眼者江東人呼魴魚為鱒傳取大小所以為喻王肅云以興下土小國不宜久留聖人所以見周公也衰衣卷龍也正義衰衣繡裳所以見公之服也畫龍於衣謂之衰

箋設九罭之罭乃後得鱒魴之魚言取物各有器也

與者喻王欲迎周公之來當有其禮正義箋不取大

王迎周公當以上公之服往見之

韓九罭取緦芘也太平御覽○案釋文緦字又作總說文總聚束也緦罭蓋細密之網

即數罭也東京賦布九罭

案緦罭亦與取緦芘同意

鴻飛遵渚公歸無所於女信處

傳鴻不宜循渚也正義王肅云以喻周公大聖有定命之功不宜久處下土而不見禮

迎周公未得禮也再宿曰信正義莊三年左傳文周公未得王迎之禮歸則

無所故於汝東方信宿而處耳終不久留於此

詩故攷異

卷十五 鹿

言

咫聞齋

之屬飛而循渚以喻周公今與凡人處東都之邑失

其所也 信誠也時東都之人欲周公留不去故曉

之云公西歸而無所居則可就女誠處是東都也今

公當歸復其位不得留也正義鄭以此是告曉之辭故易傳

鴻飛遵陸公歸不復於女信宿

傳陸非鴻所宜止 宿猶處也正義箋不復謂不得復位毛當訓復為反

王肅云未得所以反之道

是以有袞衣兮無以我公歸兮無使我心悲兮

傳無與公歸之道也正義言王有袞衣而不迎周公故無以歸又言王當早迎無使

我羣臣念周公而悲王肅云公久不歸則我心悲是大夫作者言已悲也

箋是是東都

也東都之人欲周公留爲之君故云是以有袞衣謂成王所齋來袞衣願其封周公於此以袞衣命留之無以公西歸正義鄭以此是東都之人欲留周公之人即願以此辭故易傳時成王實以上公之服往東衣封周公也周公西歸而東都之人心悲恩德之愛至深也

九罭四章一章四句三章章三句

狼跋美周公也周公攝政遠則四國流言近則王不知周大夫美其不失其聖也不失其聖者聞流言不惑王不知不怨終立其志成周之王功致大平復成王之位又爲之大師終始無愆聖德著焉正義毛以流言與王不知爲進有難鄭以流言與王不知爲進有難既遜而留爲大師是退有難

詩故攷異

卷十五

五

咫聞齋

狼跋其胡載靈其尾公孫碩膚赤烏几几釋文靈本又作走丁四反

說文作躡釋文孫毛如字鄭音遜几几說文作擊擊又作己己

傳興也跋躡蹇踳也老狼有胡進則躡其胡退則踳

其尾進退有難然而不失其猛正義毛以喻周公攝政遠則流言近則王

不知進退有難然猶不失其聖能成就周道跋躡蹇踳

者頷下公孫成王也幽公之孫也碩大膚美也赤烏

人君之盛履也几几絢貌正義履人掌王之服履爲赤烏黑烏注王吉服有九

馬有三等赤烏爲上復下曰烏單下曰履對文有異散則相通絢之言拘謂烏頭飾烏色赤則絢赤黑也

王肅云周公所以進退有難者以俟王之長大有大美之德能服盛服以行禮也

箋興者喻周公進則躡其胡猶始欲攝政四國流言辟之而

居東都也退則貽其尾謂後復成王之位而老成王
又畱之其如是聖德無玷缺正義箋以周公人臣以臣攝為進致改為退故

傳 周公也孫讀當如公孫于齊之孫孫之言孫遁

也周公攝政七年致大平復成王之位孫遁辟此成

功之大美欲老成王又畱之以為大師履赤鳥几几

然正義孫毓云詩書各例未有稱天子為公孫者成王之去幽公又已遠矣公宜為周公箋義為長

案說文擊固也詩曰赤鳥擊擊苦閑反已部引作赤鳥已已蹟貽也詩曰載蹟其尾

狼瑕其尾載跋其胡公孫碩膚德音不瑕

傳瑕過也 箋不瑕言不可疵瑕也

狼跋二章章四句

詩故攷異

卷十五 幽

姜

咫聞齋

豳國七篇二十七章二百三句

附錄偽魯詩傳說○魯十一篇次周南召南後合幽

風魯頌為一無七月有楚宮詩傳云周公孫于魯殷

人畔公憂王室勸王修政以衛之賦鴟鴞周公帥師

征殷三年克之勞其歸士賦東山周公居于魯魯人

觀焉賦狼跋周公歸于周魯人欲畱之弗克賦九罭

周人思周公賦伐柯周人賦破斧僖公城楚

丘以備戒史克頌之賦楚宮僖公賦泮水僖公賦

駟僖公獻捷于大廟史克賦賦泮水僖公賦賦

閔宮詩說云鴟鴞管叔及其羣弟流言于國周公避

居于魯殷王祿父遂與十七國作亂周公憂之作此

詩以貽成王欲王省悟以備殷全篇以鳥之育子成

巢者比先王之創業而代之為言也東山周公伐武

庚既克而歸勞其從行之士故作此詩狼跋周公居

于魯魯人睹其德容而作是詩伐柯管叔以殷圍衛

大夫議迎周公乃作此詩九罭周公歸于周魯人欲

畱之不可得作是詩破斧周公至自征殷四國美之

楚宮僖公城楚丘以備戒大史克美之駟史克美僖

公考牧之詩泮宮僖公作泮宮而落其成大史克頌
禱之詞有駮燕飲而頌禱之詞闕宮魯僖公新作后
稷文王之廟于大廟世室及孝惠桓莊四親
廟之上而史克作詩以頌之非孔子所錄也

詩故攷異卷十五終

詩故攷異

卷十五

幽

毛

咫聞齋



幽之詩而史克作詩以頌之非孔子所錄也
稷文王之廟于大廟世室及孝惠桓莊四親
廟之上而史克作詩以頌之非孔子所錄也



